

OLELIAHONA



O Le Savali o le
Faamoemoe ma le
Laveaiina a le Faaola,
itulau 18

I Taimi o le Lotovaivai,
Manatua le Fafine ua Oti
Lana Tane mai Naina,
itulau 12

Musika o le Eseta:
"I se Togalaau Paia,"
itulau 24

Auala e Maua ai le Filemu ma
Aloese mai le Taufaasese,
itulau 26

UA I AI
IINEI LE
EKALEΣIA

Reykjavík **Aiselani**





Fa'atasi ai ma le ufitia o le Mauga o Esja i le kiona i tua, o Reykjavík, le laumua felanulanua'i a Aiselani, o fa'afeiloai atu i se motu e silia ma le 1,000 maila (1,609 km) mai le atunu tele o Europa. Na muamua nofoia e le Vikings i le TA 874, o Reykjavík o le fatu lea o gaoioiga faaleaganuu, tamaoiga, ma gaoioiga faalemaloa a Aiselani, faapea foi ma se tasi lea o aai e sili ona mama, lanumeamata, ma saogalemu i le lalolagi.

O tagatanuu Aiselani muamua e toluua na papatisoina i Tenimaka i le 1851. E lei leva ae toe foi atu i Aiselani, ma i le 1853 na faatulagaina ai le uluai paranesi. I le aso ua lata i le 300 tagata o le ekalesia i Aiselani i paranesi e tolu, i Reykjavík, Akureyri, ma Selfoss. O le malumalu e sili ona latalata e i Lonetona, Egelani, e 1,177 maila (1,894 km) mai Reykjavík.

E ui e toaitiiti le aofai o le au paia, o loo faaauau pea ona ola le Eklesia. E ui i luitau o le mamao, o le faaliliuga o tusi a le Eklesia, leaga o le tau, ma papuipui faaleaganuu, ua folafola mai e taitai o le Eklesia o le a avea Aiselani ma se faailo i isi atunu i se aso. Na asiati atu Peresitene Gordon B. Hinckley (1910–2008) i Aiselani ma faamanatu atu i le au paia o i latou o "tagata o le 'malosi ma le mana ma le gafatia' e faia mea sili" ("Wonderful to Have Sweet, Good Land," *Church News*, Sept. 21, 2002, 10).

- Na faavaeina le Misiona a Aiselani i le 1894, ae na faamutaina le galuega talā'i i le 1914. Na avea Aiselani o se vaega o le Misiona a Tenimaka Copenhagen i le 1975.
- I le 1977, na faapaiaaina ai e Elder Joseph B. Wirthlin (1917–2008), o lē na avea i lena taimi ma se tasi o le Korama Muamua a Fitugafulu ia Aiselani mo le talaiina o le talalelei.
- I le 1981 na lomia ai le Tusi a Mamona i le gagana Aiselani—o se gagana e le tautala-gia i se isi lava nofoaga i le lalolagi.



I Taimi o le Lotovaivai,
Manatua le Fafine ua
Oti Lana Tane mai Naina
Keith J. Wilson



12



Faalagolago i le Laveaiga
a le Faaola
Peresitene Henry B. Eyring

18



Avea le
Auaunaga o
se Mea Fiafia
8



Tolu Lesona i le Alofa,
Olioli ma le Filemu
Brian K. Ashton

26

Pe a e Lotovaivai

Olaga e i ai ona taimi lelei ma leaga. O nisi taimi pe a tatou lagonaina le faanoanoa, tatou te mafaufau pe o le a le mea ua fai e le Atua—aisea ua faatagaina ai e se Tama alofa lenei mea e tupu? O lenei le mautonu e mafai ona oo i le tatou fesili ifo faapea, “E alofa moni mai ea le Atua ia te a'u lava ia?”

I tulaga faapenei, ua ou maua ai nei mau e fesoasoani tele:

- **Salamo 8:4–5:** “Se a ea le tagata e te manatu mai ai ia te ia?... Aua ua e faamaulalo ane teisi o ia i agelu, ua e faapaleina foi o ia i le mamalu ma le matagofie.”
- **Ioane 10:14:** I le taimi o Lona soifua iinei i luga o le fogaeleele, na faamataina ai e lesu la lava “o le leoleo mamoe lelei” ma faaopoopo, “[Ou te] iloa a'u mamoe.”
- **Mose 1:39:** O se tasi lea o fuaiupu e sili ona ou fafia i ai, lea na faaalia ai e le Alii Lona faamoemoega i le Perofeta o Iosefa Samita: “Aua faauta, o la'u galuega ma lo'u mamalu lenei—ia aumaia le tino ola pea ma le ola faavavau o le tagata”—o lea e faalaualuga ai Lona manatu mai ia i tatou o ni tagata taitoatasi.
- **Luka 7:11–16:** E le gata o lenei tala o loo aoao ai i tatou e uiga i le mana o le Faaola i luga o le oti-o se faamanatu i lenei vaitau o le Eseta-ae mo au o loo avea ma faataitaiga sili o Lona silafia loloto o i tatou taitoatasi. O wavega uma a lesu, e toaitiiti e agamalu ma agaalofa e pei o Lana auau-naga i le fafine ua oti lana tane mai Naina. E pei ona ou faasoatatu i la'u tusiga (tagai itulau 12), o lenei tala o loo faaalia ai le fafia o le Faaola ma le alofa mo i tatou taitoatasi.

Keith Wilson

Polofofa Lagolago, lunivesite a Polika laga.



5 Ua Toetu o la! ☺

"Ua manumalo i le oti; ua saoloto tagata. Ua manumalo Keriso!"

6 O Ata o le Faatuatua: Bob ma Lori Thurston—Misiona a Kemupotia Phnom Penh ☺

O le la misiona e le o le mea na la faamoemoeina, ae na faamanuiaina ai foi i la'ua i auala e lei faamoemoeina.

8 Mataupu Faavae mo le Auaunaga: Avea le Auaunaga o se Mea Fafia O se tasi o punaoa maoae o le olioli moni o loo maua i le auauna atu.

12 I Taimi o le Lotovaivai, Manatua le Fafine ua Oti Lana Tane mai Naina Saunia e Keith J. Wilson

E pei lava ona la faia mo le fafine ua oti lana tane mai Naina, o le a afio mai le Faaola ia i tatou i o tatou taimi sili ona faigata.

18 Faalagolago i le Laveaiga a le Faaola

Saunia e Peresitene Henry B. Eyring

O le a taitai atu i tatou e le Alii i le laveaiina mai o tatou tofotofoga ao faateleina lo tatou amiontonu.

24 Musika: I Se Togavao Paia ☺

Saunia e Tammy Simister Robinson

Na soifua ma maliu le Faaola mo i tatou.

26 Tolu Lesona i le Alofa, Olioli ma le Filemu

Saunia e Brian K. Ashton

E mafai ona e mauaina le fafia e tusa lava po o a o tatou tulaga o i ai.

32 O Leo o Le Au Paia o Aso e Gata Ai ☺

O se afa ua faaleagaina ai fuafuaga o se faaipoipoga; o le uiga moni o le olaga faaletino o; se pese na maua ai le faamoemoe; o se valaaulia ua taliaina.

36 Faamanuiaga o le Ola Tutoatasi: Ua Manuia le Pisinisi ☺

Saunia e Joshua J. Perkey

O se loia ua leai sana galuega ae ua ia maua musumusuga i vasega o le ola tutoatasi a le Eklesia.

38 O Tatou Aiga, O Tatou Auaiga: O Le Ta Tama, o le Alo o le Tama Faalelagi ☺

Saunia e Jerlyn Murphy

Po o le a lava le tele o lo tatou alolofa ia tatou fanau, e sili atu le alofa o le Atua ia i latou.

40 Aoaoina Atu o le Autalavou ma Fanau Laiti:

Taulimaina o se Faalavelave ☺

Fautuaga e fesoasoani ai i lau fanau ia lagona le filemu.

☺ Faitauga Vave



I Le Faavaa
Auala i Emau,
saunia e Wendy Keller.

Vaega

Autalavou Matutua

42

Faatasi ai ma filifiliga uma e feagai ma i tatou ma **filifiliga e**

suia ai olaga tatou te faia, e faapefea ona tatou iloa o loo tatou **mulimuli i le fuafuaga a le Atua** mo i tatou? Faitau tusiga o lenei masina i le **mauaina o faaaliga**.



Autalavou

50

Aoao pe faapefea ona faaaoga lou faamanuiaga faapeteriaka,

ia musuia e amata **ni tu masani**

fou o le Eseta, ma maua le filemu mo oe lava ma isi a'o e faitauina tusiga o lenei masina.



Tamaiti

Aoao atili e uiga **i le mafuaaga** tatou te faamanatuina ai le

Eseta e ala i le faitau e uiga ia lesu Keriso,

Lana Togiola

ma le Toetu,

ma o latou

uiga mo i

tatou.




E NA'O TUSIGA FAATEKINOLOSI E FAAALIA AI



Faagaoioi Ou Maso Faaleagaga

Saunia e Aspen Stander

Ina ia taofia le vaivai o a tatou molimau, e tatau ona tatou fausia e le aunoa o tatou maso faaleagaga.



Pe o E Ola Faaafaafa i le Talalelei?

Saunia e Chakell Wardleigh

O le a moni lava le eseeseiga i le va o le pisi i le Ekalesia ma le toaaga i le talalelei?

SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Saili le lomiga o le taimi nei.
- Maua ai na'o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

FAAFESOOTAI MAI I MATOU

Imeli mai au fesili ma manatu faaalia i le liahona@ldschurch.org.

Ia auina mai au tala e faatupu faatuatua i le liahona.lds.org pe lafo mai i le:

Liahona, flr. 23

50 E. North Temple Street
Salt Lake City, UT 84150-0023, USA

APERILA 2019 VOL. 43 NU. 4

LIAHONA 18604 890

O le mekasini faavaomalo o Le Ekalesia a Iesu Keriso o le Au Paia o Aso e Gata Ai

O Le Au Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo e Toasefuluua:

M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Brian K. Ashton, Randall K. Bennett, Becky Craven, Sharon Eubank, Cristina B. Franco, Donald L. Hallstrom, Larry S. Kacher, Erich W. Kopischke, Lynn G. Robbins

Pule Faatonu: Richard I. Heaton

Faatonu: Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Karee Brown

Au Tusitusi ma Faatonutonu: Maryssa Dennis, David Dickson, David A. Edwards,

Matthew D. Flinton, Garrett H. Garff, Jon Ryan Jensen, Charlotte Larcabal, Michael R. Morris, Eric B. Murdock, Sally Johnson Odekirik, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Tadd R.

Peterson

Mamanu: Jeanette Andrews, Fay P.

Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Lofgren, Scott M. Mooy, Emily

Chieko Remington, Mark W. Robison, Brad Teare, K. Nicole Walkenhorst

Faatonu o le Puletaofia o Meatotino:

Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett, Thomas G. Cronin, Bryan W. Gygi, Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Lomitusi: Steven T. Lewis

Faatonusili o Faletusi: Troy R. Barker

Mo le okaina o mekasini, alu i le store.lds.org po o le Faletusi Tutotonu i Pesega, Telefoni 64127, Totogi o le Mekasini: \$0.55 (Samoa) i le kopii, Totogi mo le Tausaga Atoa \$6.60 (Samoa).

Auina atu tusitisiga ma faafesili i lugia o le initoneti i le liahona.lds.org: pe meli mai i le *Liahona*, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le *Liahona* (o lona uiga i le Tusi a Mamona o le "tapasa" po o se "faatonuula") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaoitia, Siekisolovakia, Tenimaka, Take, Igilisi,

Esitonia, Fit, Finelani, Farani, Siamani,

Eleni, Hanikeri, Initu, Iselani, Initonesia, Italia, Iapani, Kiripati, Korea, Lativia, Litunia, Malakasa, Masela, Monokolia, Nouei, Polani, Potukala, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili, Tagaloka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2019 Puletaofia le Intellectual Reserve, Inc. Ua taofia aia tatau uma. Lomia i le lunaite Setete o Amerika. Faamatalaga o le Puletaofia: Vagana ua faailoa mai, e mafai e tagata taitoatasi ona kopi anomea mai le *Liahona* mo lo latou lava faaogaina patino, e le faia ai ni pisinisi (e aofia ai valaauga o le Ekalesia). O lenei aia tatau e mafai ona faaleogaina i soo se taimi. E le tatau ona kopina ia ataa pe afai o loo faaalia le faasaina i le laina o faaaloaloga faatasi ai ma le faatufugaga. Ia auina mai fesili e uiga i le puletaofia i le Intellectual Property Office, 50 E. North Temple St., FL 13, Salt Lake City, UT 84150, USA; email: cor-intellectualproperty@ldschurch.org.

Mo le Aufaitau i le lunaite Setete ma Kanata: April 2019 Vol. 43 Nu. 4. LIAHONA

(USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada Post Information: Publication Agreement #40017431)

POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Ua toetu o Ia!
Ua toetu o Ia!
Ia alalaga mafafia.
Mai i lona tuugamau;
Ia tatou fiafia uma,
Ua toe ola i tatou uma.
Ona o Iesu toetu.

(“Ua Toe Tú mai o Ia!” Viiga, nu. 111.)



A o e manatuaina le Faaola i lenei Eseta, e
mafai ona e asiasi i le [lds.org/go/4195](https://www.lds.org/go/4195) e vaai
i ata matagofie ma molimau mai Apostolo
e faatatau i uiga o le Faaola na mafai ai ona
faataunuu Lana Togiola ma le Toetu.

Bob ma Lori Thurston

*Na auauna i le Misiona a
Kemupotia Phnom Penh*



I le la misiona faatasi, na aoaoina ai e Bob ma Lori Thurston o le auaunaga anoa e mafai ona tupu e ui lava i papupuni o gagana ma ese esega faaleaganuu aua o i tatou uma lava o fanau a le Atua.

LESLIE NILSSON, TAGATA PUEATA

Bob:

I se tasi aso na ma faalogoina se musika leotele, ma ma matauina o loo faatuina se faleie. I Kemupotia, o lona uiga o se tasi ua faaipoipo pe ua maliu se tasi.

Lori:

Na ma iloa ai o se tina e toalima pe toaono tamaiti na faatoa maliu. Sa leai se tane na i ai iina. Na feala i luga tamaiti ma iloa ua maliu lo latou tina.

O le tasi afafine sa na ona tagi masusu. E ala mai i se faaliliu upu, na ia fai mai ai, "O a'u o le ulumatua. O nai o'u tei uma nei. Ou te le iloa po o le a la'u mea o le a fai."

Sa vave ona ou si'iina mai o ia i o'u lima. E mafai faapefea ona ou le faia? O lenei teineitiiti na faatoa maliu lona tina. Sa ou talanoa ia te ia i le gagana Peretania ma fai atu, "Ou te iloa e te le malamalamama ia te a'u, ae ou te folafola atu o le a e toe vaai i lou tina. O le a lelei mea uma ia te oe. O le a le tuulafoaiina oe."

O le tele o aafiaga fa'apenei na ma maua ai se sootaga faapitoa ma tagata o Kemupotia.



AOAO ATILI

E mafai ona e maua isi Atatusi o le Faatuatua i le lds.org/go/18.



SISTER THURSTON
MISSIONARY
TO THAILAND

Mataupu Faavae o le Auaunaga

AVEA LE AUUAUNAGA

O SE MEA

Fiafia


O le auauna atu ma le alofa e aumaia le olioli i le tagata foai ma le tagata e taliaina.

Onisi taimi o la tatou sailiga mo le fiafia i lenei olaga e foliga mai e pei o le tamo'e i luga o le masini tamo'e. Tatou te tamomoe ma tamomoe ma lagona o lae tumau i le mea e tasi. Mo nisi, o le manatu o le auauna atu i isi e pei o lae ua faaopoopo atili nisi mea e fai.

Ae e finagalo lo tatou Tama Faalelagi ia tatou maua le olioli ma na faapea mai ia i tatou, "ua ola tagata ina ia latou maua le olioli" (2 Nifae 2:25). Ma na aoao mai le Faaola o le auauna atu i isi o se vaega taua o le auala tatou te aumaia ai le olioli i o tatou olaga ma olaga o isi.

O Le a Le Olioli?

O le olioli ua faauigaina o "se lagona o le olioli tele ma le fiafia."¹ Ua tuuina mai e perofeta o aso e gata ai le faamaninoga i le mea e maua mai ai le olioli ma pe faapefea ona maua. "O le olioli o tatou lagonaina e itiiti lava se mea e faatatau i tulaga o tatou olaga ao mea uma o loo faatatau i le taulaiga o o tatou olaga," na saunoa mai ai Peresitene Russell M. Nelson. ". . . O le olioli e sau mai ia [Iesu Keriso] ma ona o Ia. O Ia o le puna o le olioli uma."²



O le Auaunaga e Aumaia le Olioli

Ina ua uma ona 'ai Liae i le fua o le laau o le ola, na faatumilia lona agaga "i le olioli tele" (1 Nifae 8:12). O lona manaoga muamua ia faasoat atu lea fua ia i latou e alofa i ai.

O lo tatou naunautaiga e auauna atu i isi e mafai ona aumaia lea ituiga olioli ia i tatou ma i latou. Na aoao e le Faaola Ona soo o le fua tatou te aumaia pe a tatou fesoootai atu ia te Ia e fesoasoani e aumaia ai ia i tatou se atoatoaga o le olioli (tagai Ioane 15:1–11). O le faia o Lana galuega e ala i le auauna atu ma saili e aumai isi ia te Ia e mafai ona avea o se aafiaga fiasia (tagai Luka 15:7; Alema 29:9; Mataupu Faavae ma Feagaiga 18:16; 50:22). E mafai ona tatou maua lenei olioli e tusa lava pe feagai

ma faigata ma mafatiaga (tagai 2 Korinto 7:4; Kolose 1:11).

Na faaali mai e le Faaola ia i tatou le faataitaiga sili o se tasi o punaoa sili o le olioli moni i le olaga faitino e maua e ala i le auaunaga. Pe a tatou auauna atu i o tatou uso ma tuafafine e pei o le Faaola, faatasi ai ma le alofa mama ma le alofa i o tatou loto, e mafai ona tatou maua le olioli e sili atu nai lo le fiafia mauagofie.

"A o tatou talia [le auauna] ma loto naunautai, o le a tatou . . . latalata atili i le avea ma nuu o Siona ma o le a tatou lagonaina le olioli silisili faatasi ma i latou na tatou fesoasoani i ai i luga o le ala o le avea ma soo." na aoao mai ai Sister Jean B. Bingham, Peresitene Aoao o le Aualofa.³

O SE PUNAVAI O LE OLIOLI MONI

Na faaali mai e le Faaola ia i tatou le faataitaiga sili o le olioli moni i le olaga faaletino e mafai ona maua e ala i auaunaga.



E Faapefea ona Tatou Faia le Auaunaga ia Fiafia Atili?

E tele auala e aumaia ai le olioli tele i la tatou auaunaga. O ni nai manatu nei:

1. Malamalama i lou faamoemoega i le auauna atu. E tele mafuaaga e auauna atu ai. I le iuga, o a tatou tau-mafaiga e tatau ona ogatusa ma faamoemoega o le Atua “ia aumaia le tino ola pea ma le ola faavavau o le tagata” (Mose 1:39). A o tatou taliaina le valaaulia a Peresitene Russell M. Nelson e fesoasoani i isi i le ala o le feagaiga, e mafai ona tatou maua le olioli i le auai i le galuega a le Atua.⁴ (Mo nisi faamatalaga i le faamoemoega o le auau-naga, tagai “Mataupu Faavae mo le Auaunaga: O Le Faamoemoega o le a Suia ai La Tatou Auaunaga,” i le *Liahona* o Ianuari 2019.)

2. Ia faatatau le faia o auaunaga i tagata ae le o galuega. Na masani ona faamanatu mai ia i tatou e Peresitene Thomas S. Monson: “Ia aua lava nei avea le foiaina o se faafitauli ma mea e sili ona taua nai lo se tagata e tatau ona e alofa i ai.”⁵ O le auaunaga e faatatau i le alolofa i tagata, ae le o mea e fai. A o tatou tuputupu ae e alolofa e pei ona faia e le Faaola, o le a sili atu ona tatou mataala i le olioli lea e sau mai le auauna atu i isi.

3. Faafaigofie le auaunaga. Na ta‘u mai e Peresitene M. Russell Ballard, Sui Peresitene o le Korama a Apose-tolo e Toasefululua: “E tutupu mea sili e ala i mea faigofie laiti. . . . O a tatou auaunaga agalelei iti ma faatauvaa e faaputupu e avea o se olaga e faatumulia i le alofa mo le Tama Faalelagi, ma tuuto atu i le galuega a le Alii o Iesu Keriso, ma lagona ai le filemu ma le fiafia i taimi uma lava tatou te aapa atu ai le tasi i le isi.”⁶

4. Aveese le atuatuvalae mai le auaunaga. E le o lau matafaioi le galueaiina o le faaolataga o se tagata. E i le va o lena tagata ma le Alii. O lo tatou tiutetauave o le alofa ia i latou ma fesoasoani ia latou liliu atu ia Iesu Keriso, o lo latou Faaola.

Aua Nei Aveesea le Olioli i le Auauna Atu

O nisi taimi e mumusu tagata e fesili atu mo se fesoasoani mana‘omia, o lea o le ofoina atu o la tatou auaunaga atonu o le mea lea latou te manao-mia. Ae o le faamalosia o i tatou lava i tagata e le o le tali, foi lea. O le fesili muamua mo le faatagaga ae e te le‘i faia se auaunaga o se manatu lelei.

Na faamatala e Elder Dieter F. Uchtdorf o le Korama a Aposetolo e Toasefululua e uiga i se tina nofotoatasi na maua i le tane susu—ona mama‘i ai foi lea o lana fanau. O le fale sa masani ona mamā na avea ma se fale palapalā ma gasu. Na faulala‘i ipu ma tagamea.

I se taimi na ia lagonaina ai le matuai loftuina, na tuitui ai uso o le Aualofa i lona faitotoa. Latou te le‘i faapeea mai, “Faailoa mai pe mafai ona matou fesoasoani.” Ina ua latou vaaia le tulaga ua i ai, na amata loa ona latou gaoioi.

“Na latou faamamaina le gasu, faasusulu atu le malamalama ma le mama i le fale, ma valaau atu i se uo e fai mai se faatauga o mea sa sili ona manaomia. Ina ua faamaeaina le la galuega ma faatofa atu, sa latou tuua lena tina talavou i loimata—o loimata o le agaga faafetai ma le alofa.”⁷

Na lagona uma e le au foa‘i ma le na taliaina le mafanafana o le olioli.

Atiina ae le Olioli i Lou Olaga

O le tele o le olioli, filemu, ma le faamalieina e mafai ona tatou atiina ae io tatou olaga, o le tele foi lena o le a mafai ona tatou fefaasoaa'i ma isi ao tatou auauna atu. O le olioli e ala mai i le Agaga Paia (tagai Kalatia 5:22 ma le Mataupu Faavae ma Feagaiga 11:13). O se mea e mafai ona tatou tatalo ai (tagai Mataupu Faavae ma Feagaiga 136:29) ma valaaulia i o tatou olaga. O nai manatu nei mo le atiina ae o le olioli i o tatou olaga:

- 1. Faitau ou manuia.** Ao e suesueina lou olaga, tusi i lau api o talaaga mea ua faamanuiaina ai oe e le Atua.⁸ Ia iloa le lelei o lo'o siomia oe.⁹ Gaua'i atu i mea atonu o le a taofia ai oe mai le lagona o le fafia ma tusi i lalo ni auala e foia ai pe sili atu foi ona malamalama i ai. I lenei vaitau o le Eseta, ia faavanoa se taimi e saili ai se sootaga sili atu ma le Faaola (tagai Mataupu Faavae ma Feagaiga 101:36).
- 2. Faataitai le mafaufau i isi.** O le fafia e mafai ona sili atu ona faigofie ona e mauaina i taimi o le mafaufau loloto.¹⁰ Fa'alogi ma le totoa i mea e te maua ai le olioli (tagai 1 Nofoiga a Tupu 16:15). O le le faaaluina o se taimi i auupega tafailagi e ono mana'omia i nisi o taimi e faataitai ai le mafaufau i isi.¹¹
- 3. Aloese mai le faatusatusaina o oe lava.** Ua faapea mai o le faatusatusa o le gaoi lea o le fafia. Na lapatai mai Paulo o i latou "e fuaina i latou lava, ma ua faatusaina i latou lava ia te i latou, e le popoto" (2 Korinto 10:12).
- 4. Saili faaaliga patino.** Na aao Mai le Faaola: "Afaei te ole mai, o le a e maua lea faaaliga e faaopoopo i luga o lea faaaliga, lea malamalama e faaopoopo i luga o lea malamalama, ina ia mafai ona e iloa mealilo ma mea filemu—o mea ia e maua ai le olioli, o mea ia e maua ai le ola e faavavau." (Mataupu Faavae ma Feagaiga 42:61).

Valaaulia e Faatino

E fa'apefea ona e faateleina le fafia e te mauaina i lou olaga e ala i le auauna atu? ■

O mataupu faavae o lenei tusiga e mafai ona fa'aaoa i a tatou fegalegaleiga o aso uma ae o lo'o faamoemoe e fesoasoani i uso ma tuafafine i a latou taumafaiga e fa'amania tagata ta'ito'atasi ma aiga ua tofia ia i latou.

FAAMATALAGA

1. "Joy," en.oxforddictionaries.com
2. Russell M. Nelson, "O Le olioli ma le Ola ai Faaleagaga," *Liahona*, Nov. 2016, 82.
3. Jean B. Bingham, "Auauna Atu e pei ona Faia e le Faaola," *Liahona*, Me 2018, 107.
4. Tagai i le Russell M. Nelson, "Ao Tatou Agai Faatasi Atu i Luma," *Liahona*, Ape. 2018, 4–7.
5. Thomas S. Monson, "Mauaina o le Olioli i le Faigamalaga," *Liahona*, Nov. 2008, 86.
6. M. Russell Ballard, "Mauaina o le Olioli e Ala i Auaunaga Alofa," *Liahona*, Me 2011, 49.
7. Dieter F. Uchtdorf, "Ola Fiafia i le Talalelei," *Liahona*, Nov. 2014, 120–123.
8. Tagai Henry B. Eyring, "E, ia Manatua, ia Manatua Lava," *Liahona*, Nov. 2007, 67.
9. Jean B. Bingham, "Ina Ia Atoa Lo Outou Olioli," *Liahona*, Nov. 2017, 87.
10. Tagai Dieter F. Uchtdorf, "E Uiga i Mea e Sili Ona Taua," *Liahona*, Nov. 2010, 22.
11. Tagai Gary E. Stevenson, "Gasetoto Faaleagaga," *Liahona*, Nov. 2017, 46.





I Taimi o le Lotovaivai, Manatua le *Fafine ua Oti Lana Tane mai Naina*

Ae maise lava pe a tatou lagona ua faagaloina pe le amanaiaina, e tatau ona tatou manatuaina: na sau Iesu i le fafine ua oti lana tane i le taimi tonu o lona mana'oga, ma o le a afio mai foi o Ia ia i tatou.

Saunia e Keith J. Wilson

Polofesa Fesoasoani o Tusitusiga Paia Anamua, Iunivesite a Polika Iaga

Onisi taimi i le tele o mea faigata i le olaga, e mafai ona tatou lagona ai e le o i ai le Atua i o tatou olaga i lea aso ma lea aso. O a tatou mamanu e foliga mai e sili atu ona faigata ma le manaia. E le tele ni suiga, ma o nisi taimi e faigata ai ona faasino atu i se tasi eria na i ai se aafiaga sao lava o le Atua i o tatou tulaga. Soo se taimi lava ou te lavea ai i nei lagona o le le taua i lo'u lava olaga, ou te masani lava ona mafaufau i se tamaitai i le Feagaiga Fou lea atonu na lagona faapea. E le o ta'ua o ia i totonusi o tusitusiga paia ae e iloagofie lava i le igoa o lona nuu ma lona tulaga faaipoipo.

O le fafine o le fafine ua oti lana tane mai Naina, ma e na o le faievagelia o Luka o loo faamaumauina lana tala ofoo fogia. Ia te au, o ia o le faatusa o le auaunaga patino a le Faaola ma le auala na Ia aapa atu ai i e lotovaivai, ma tagata lautele o Lona nuu. O lenei tala o lo'o fa'amalieina ai le mataupu pe silafia i tatou e le Atua ma e popole ia i tatou.


O se otootoga puupuu o le vavega mai le Luka mataupu e 7 o loo faaalia ai le taofiga e Iesu o se falelausiga ma le toe faaolaina faavavega o se alii talavou ua oti. Ae e tele mea e tatau ona malamalamaga ai e uiga i le faatulagaga. E pei lava o vavega uma, ae maise lava i lenei mea, e taua tele le anotusi i le malamalamaga i lenei mea. I le avea ai ma faiaoga i le Nofoaga Tutotonu o le Iunivesite o Polika Iaga i Ierusalem, o le a ou faasoa atu ni malamalamaga patino e uiga i lenei vavega.

O Naina o se tamai nuu faifaatoaga i le taimi o Iesu, na faataamilo agai i le Mauga o More, lea o loo faamatalaina ai le itu i sasae o le Vanu o Isereelu. O le aai lava ia e oso ese mai le auala masani. Ina ia oo i ai e na o le tasi lava le auala. I le taimi o Iesu, o lenei nofoaga e laitiiti ma e matua matitiva, ma o lo'o tumau pea i lena ala talu mai lena aso. I nisi o taimi i lona talafaa solo-pito, o lenei taulaga ua siomia ai e tusa ma le 34 fale ma e na o le 189 tagata.¹ O le asō e tusa ma le 1,500 tagata o loo nonofo ai.

Na amata e Luka lana tala e ala i le matauina sa i ai Iesu i Kapanaumi i le aso na muamua atu ma faamalolo le auaua a le Seneturi (tagai Luka 7:1–10). Ona tatou iloa lea o “*le aso na sosoo ai*” (fuaiupu e 11; faaopoopo le faamamafa), na alu ai le Faaola i se aai e igoa ia Naina, faatasi ai ma se vaega tele o soo. E taua tele lea mea na sosoo ai. O Kapanaumi o lo'o i le itu i matu o le Sami o Kalilaia, 600 futu (183 mita) i lalo ifo o le sami. O Naina e tusa ma le 30 maila (48 km) i sautesisifo o Kapanaumi i le 700 futu (213 mita) i luga a'e o le sami, ma e mana'omia ai se malosi tele, e a'e ai i luga i Naina. Ina ia mafai ona savali mai Kapanaumi i Naina, e sili atu i le tasi pe lua aso. Talu ai nei lava, e 10 itula na savalia ai e se vaega talavou a le Nofoaga Autu o le BYU i Ierusalem a lenei ala i luga o auala ua uma ona faata. O lona uiga atonu na maleifua Iesu i le taeao po o le savali foi i le po atoa ina ia mafai ai ona taofia le falelauasiga “i le aso na sosoo ai.”²

A o latalata atu Keriso i le aai ina ua mavae se faigamalaga tele, o se alii talavou atonu o le 20 o ona tausaga³ sa amoina atu i luga o se fata maliu. Ua ta'u mai e Luka ia i tatou o lenei alii talavou o se tama a se fafine ua oti lana tane, ma o nisi tagata atamamai ua faaliliuina le upu Eleni e faauigaina e leai seisi ana fanau.⁴ O se vaega toatele o tagata o le nuu na faatasi ma ia i lenei faalavelave e sili ona faanoanoa faaleaiga.

E manino lava, o le i ai o se tama tama e oti o se fa'alavelave mo so'o se tasi, ae mafaufau i





aafiaga mo lenei fafine ua oti lana tane. Ae o le a le uiga i le va ma isi, faaleagaga, ma faaletupe i le avea ma fafine ua oti lana tane e aunoa ma se tofi i Isaraelu anamua? I le aganuu o le Feagaiga Tuai, na talitonu ai pe a maliu se tane ao le'i matua, o se faailoga lea o le faamasinoga a le Atua mo le agasala. O le mea lea, na talitonu ai nisi na tuuina e le Atua le faasalaga i luga o lenei fafine ua maliu lana tane. I le tusi a Ruta, ina ua oti le toalua o Naomi a o talavou o ia, sa tagi o ia, "I le iuga, o le Alii o loo tetee mai ia te a'u, ma ua motusia a'u e le Silisiliense" (Ruta 1:21, International Standard Version).⁵

E le gata na i ai le tiga faaleagaga ma faaelagona, ae o lenei fafine ua oti lana tane mai Naina sa feagai foi ma le faaletonu tautupe—ua oo foi i tulaga tau matelaina i le fiaai.⁶ Ina ua uma ona faaipoipo, sa tofia se tamaitai i le aiga o lana tane mo le puipuiga tautupe. Afaia e maliu o ia [tane], ona pau atu lea o le tausiga o le fafine i lana tama moni lava. O lenei la ua maliu lana tama lava e toatasi, ua oo o ia i le leai o se faamoeome i mea tautupe. Afaia o lana tama ua i le 20 o ona tausaga, atonu sa lata i le 50 tausaga o le fafine, o nofo i se tamai nuu tutasi faifaatoaga, ma o le taimi nei ua faaletonu lona faaleagaga, agafesootai, ma tulaga tau tupe.

I le taimi tonu lava lea na amoina ai e tagata o le nuu le tama a lenei fafine ina ia tanumia, na feiloai Iesu ma le solo ma sa "alofa ia te ia" (Luka 7:13). O le mea moni lava, atonu o le tala pito sili lea ona faauigalua a Luka. Na lagona e Iesu le





tulaga le mautonu o lenei fafine ua oti lana tane. Masalo na ia fa'aaluina le po e faagaulua ai i luga o lona fola palapala, ma ole atu i le Tama Faalelagi ia iloa pe aisea. Masalo na ia fesiliga faalauaitele le mafuaaga na Ia manaomia ai o ia e toe ola i lenei lalolagi. Pe atonu na fefe o ia ona o le lagona tuuatoatasi o le a feagai ma ia. Tatou te le iloa. Ae ua tatou iloa na filifili le Faaola e tuua vave Kapanaumi, lea na ono manaomia ai o Ia e savali i le po atoau ina ia mafai ai ona taofia le solo o le tanuga ae latou te le'i tuuina le tino i le eleele.

Ioe, ina ua Ia vaai atu i ona foliga ua leaga i loimata ao savali o ia i tua o le solo, sa lagona e Iesu le alofa tele mo lenei fafine—ae foliga mai o Lona agaalofa na sau mai lagona sa Ia oo i ai ae lei taitai “tupu” le taofiga o le falelauasiga. Na ia taunuun tonu iina i lona taimi o le mafatiaga.

Ona ta'u atu lea e Iesu i le fafine ua oti lana tane e “aua le tagi” (fuaiupu 13). O le le fefe i le tu o le le mama, na “pa'i atu o ia i le fata,” ma “na tu pea” le solo Ona Ia fetalai atu lea, “Le taualea e, ou te fai atu ia te oe, Ina tulai ia.

“Ona nofo ai lea o le ua oti, ua amata ona tautala. Ma na tuuina atu [e Iesu] o ia i lona tina” (fuaiupu 14-15). O le tulaga masani, o le to'atele o tagata o le nuu ma soo o Iesu na matuā maofa ao liliuina lo latou faanoanoa aufaatasi i le fiafia

atoatoa. Na latou “vivii atu i le Atua, ma faapea, Ua tu mai se perofeta sili faatasi ma i tatou” (fuaiupu 16). Ae o lenei vavega sa faatatau foi i le laveaiina o se agaga atatuuvale. Sa silafia e Iesu na i ai se mea na matua sese mo lenei fafine—o se tasi na manatu faatauvaa i ai i la latou aganuu. Na manaomia e lona tulaga Lona taulai vave mai, e tusa lava pe na manaomia ai Lona malaga mamaao ia i ai iina i le taimi tonu lava lea. Na ia silafia lona tulaga le mautonu, ma na vave mai o Ia. Na saunoa Peresitene Thomas S. Monson (1927-2018) i le upumoni le mafaafitia ina ua ia saunoa, “E i ai se aso, pe a tatou toe tepa i tua i mea na tatou manatu o ni mea na tutupu ae lei tau-pulea i o tatou olaga, a o le a tatou iloa ai atonu e sa'o lava na faafuaseia.”⁷

O lenei, e pei ona faagaeitia lenei mea na tupu, e tatau ona sili atu nai lo se tala manaia mai le Tusi Paia ia i tatou. E faamaonia ma le mautinoa e silafia e Iesu lenei fafine mativa, faagaloina, ma le mativa ua oti lana tane. Ae maise lava pe a tatou lagona le faagaloina po o le le amanaiaina pe o le le taua, e tatau ona tatou manatua: Na afio Iesu i le fafine ua oti lana tane i le taimi tonu o lona mafatiaga, ma o le a afio mai foi o Ia ia i tatou. Ma le isi, o se lesona lona lua e mafai ona tatou maua mai le faataitaiga a lo tatou Faaola o le taua o le

aapa atu e faamanua isi o siomia oe. E to'atele i totonu o lau li'o o uo o le a fa'avaivai mai lea taimi i lea taimi. Afai e mafai ona e ta'uina atu ia i latou e uiga a "Sister Naina" ma le ala na silafia ai e le Alii lona lava lotovaivai ma le ogaoa o faigata patino, e mafai ona suia le po i le ao. Manatua le vaaiga mata'utia a Peresitene Spencer W. Kimball (1895–1985): "E silafia i tatou uma e le Atua, ma na te leoleoina i tatou. Ae e masani lava, o se isi tagata e faaauala mai ai lona taulimaina o o tatou manaoga."⁸

Mai vasega uma a Iesu i Lona taimi i le lalagi, mo a'u, e toaiti'i e agamalu ma agaalofa e pei o Lana auaunaga i le fasine ua oti lana tane mai Naina. E faamanatu mai ia i tatou e alofa o Ia ia i tatou ma o le a Ia le faagaloina lava i tatou. E le mafai ona galio ia i tatou. ■

FAAMATALAGA

1. Tagai E. Mills, *Census of Palestine 1931: Population of Villages, Towns, and Administrative Areas* (1932), 75.
2. Tagai S. Kent Brown, *The Testimony of Luke* (2015), 364.
3. Tagai Brown, *The Testimony of Luke*, 365.
4. Tagai Brown, *The Testimony of Luke*, 365.
5. I le Isaia 54:4, ua ta'u atu ai e le Alii ia Israelu ua oti lana tane o le a ia "le toa manatuaina le leaga o [lona] lafoaia" (New English Translation).
6. Tagai Brown, *The Testimony of Luke*, 365.
7. Thomas S. Monson, i le Joseph B. Wirthlin, "Lessons Learned in the Journey of Life," *Liahona*, May 2001, 38.
8. *Aoaoga a Peresitene o le Ekalesia: Spencer W. Kimball* (2006), 82.



Ina ia matamata i le vitio
Tusi Paia: "Widow of
Nain," asiasi i le
lds.org/go/041917.





**Saunia e
Peresitene
Henry B. Eyring**
Fesoasoani Lua i le
Au Peresitene Sili

TALITONU I LE Laveaiga A LE FAAOLA

O le Togiola ma le Toetu a le Faaola ua tuuina atu ai ia te Ia le mana e faamalosia ai i tatou i o tatou tofotofoga pe laveaiina i tatou mai na tofotofoga.

Mo i tatou ua maliliu ē pele, o le auala i luma e mafai ona faanoanoa ma tuuatoatasi-e sili atu foi mo i latou e leai se malamalama ma se molimau i le Togiola ma le Toetu o le Faaola o Iesu Keriso. Tou te manatua Ona soo masalosalo e toalua i le ala i Emau. Na faalatalata atu le Alii toetu ia i la'ua ma fesili pe aisea ua la faanoanoa ai. Ua tuuina mai e Luka le tali:

“Ona la fai mai ai lea ia te ia, E uiga ia Iesu le Nasareta, o le perofeta malosi i galuega ma upu i luma o le Atua atoa ma le nuu uma:

“Ma le ala na tuuina atu ai o ia e ositaulaga sili ma o latou faipule ia faasalaina i le oti, ma ua latou faasatauroina o ia.

“*“Ae na ma talitonu o ia o le na tatau ona togiolaina Israel”* (Luka 24:19–21).

Ma te maua le faamafanafanaga mai lo ma iloa ma molimau o Ia *na* togiolaina Israuelu. O Ia *na* “[motusiaina] noataga o le oti” (Mosaea 15:23). O Ia lea *na* avea “o le uluai fua o i latou uma na momoe” (1 Korinito 15:20). O Ia lea *na* mafai ai ona osia feagaiga o le malumalu e fusia ai i tatou e faavavau ia i latou ua tatou “alolofa i ai mo se taimi umi, ma ua leiloloa mo sina taimi!”¹

I lenei vaitau o le Eseta, ou te fia faasoa atu se vaega o se savali o le faigalotu na ou tuuina atu i ni nai tausaga talu ai e uiga i le mana o le laveaiina o le Faaola. Na faamalosia a'u ao ou sauniuni ma tuuina atu. Ou te tatalo o le a fa'amalosia oe ao e faitauina.

E Silafia e le Faaola o Tatou Faanoanoaga

O le olaga e muta vave mo nisi ma mulimuli ane mo i tatou uma. O i tatou taitoatasi o le a tofotofoina e ala i le feagai ma le oti o se tasi tatou te alolofa i ai.

O le isi aso na ou feiloi ai i se tamaloa ou te lei vaai i ai talu mai le maliu o lona toalua. O se avanoa fa'apitoa i se tulaga matagofie o aso malolo. Sa ataata mai o ia ao savali mai ia te au. I le manatuaina o le maliu o lona faletua, na ou faaupuina ai le faafeiloaiga lautele ma le faaeteete: "O a mai oe?"

Na mou ese atu le ataata, na amata ona maligi ona loimata, ma sa ia fai mai lemu, ma le naunau-tai, "O loo ou manuia. Ae e faigata tele."

E faigata tele, e pei ona aoaoina e le tele o outou ma o le a iloa e le toatele o i tatou i se taimi. O le vaega pito sili ona faigata o lena suega o le iloa lea o le mea e fai i le faanoanoa, le tuuato'atasi, ma le toilalo e mafai ona tatou lagona e pei o se vaega o i tatou ua leiloa. O le faanoanoa e mafai ona tumau e pei o se tiga matuia. Ma mo nisi, e ono i ai lagona o le ita po o le amioletonu.



*E mafai e le Faaola ona silafaina o
tatou faanoanoaga e ala i musumusuga
a le Agaga, ae na Ia filifili e iloa e ala
i Lona lava aafiaga patino.*

O le Togiola ma le Toetu o le Faaola ua tuuina atu ai ia te Ia le mana e laveai ai i tatou mai lena tofotofoga. Na ala mai i Lona aafiaga, na Ia silafia ai o tatou faanoanoaga uma. E mafai ona Ia silafaina e ala i musumusuga a le Agaga, ae na Ia filifili e iloa e ala i Lona lava aafiaga patino. O le tala lenei:

“Ma faauta, o le a fanau mai o ia ia Maria, i Ierusalem, le lauelele lea o o tatou tua’ā, ona o ia o se taupou, o se ipu pele ma filifilia, o lē o le a faamalumaluina ma to i le mana o le Agaga Paia, ma fanau mai se atalii, ioe, o le Alo lava o le Atua.

“Ma o le a afio atu o ia, ma mafatia i tiga ma puapuaga ma faaososoga o ituaiga eseese uma; ma o le a oo ia te ia nei mea, ina ia mafai ona faataunuuna o le upu ua fai mai, o le a ia ave i ona luga tiga ma ma’i o ona tagata.

“Ma o le a ia ave i ona luga le oti ina ia mafai ona ia tatalaina fusi o le oti ia ua noatia ai ona tagata ma o le a ia ave i ona luga o latou vaivaiga ina ia mafai ona faatumuina lona loto i le alofa mutimutivale e tusa ai ma la le tino ina ia mafai ona ia silafia e tusa ai ma la le tino le ala e fesoasoani ai i ona tagata e tusa ma o latou vaivaiga” (Alema 7:10–12).

O tagata lelei o lo’o siomia oe o le a taumafai e malamalamama i lou fa’avauvau i le maliu o se tasi e pele ia te oe. Atonu latou te lagona le faanoanoa o i latou lava. E le gata ina malamalamama ma lagonaina e le Faaola le faanoanoa ae e lagonaina foi lou tiga patino lea e na o oe lava e te lagonaina. Ma Na te silafia lelei oe. Na te silafia lou loto.

Valaaulia le Agaga Paia

E mafai e le Faaola ona silafia po o fea o le tele o mea e mafai ona e faia o le a sili ona lelei mo oe ao e valaauliaina le Agaga Paia e faamafanafana ma faamanuia oe. O le a Ia silafia le mea e sili mo oe e amata ai. O nisi taimi o le tatalo. O nisi taimi o le alu e fa’amatfanafana se isi tagata. Ou te iloa se fafine ua maliu lana tane e ma’i i se ma’i tigaina na musuia e asiiasi atu i se isi fafine ua

maliu lana tane. Ou te lei i ai iina, ae ou te mautinoa na musuia e le Alii se soo faamaoni e aapa atu i le isi ma na mafai ai ona fesoasoani ia i laua uma.

E tele auala e mafai ai e le Faaola ona fesoasoani ia i latou o e faanoanoa, e fetau ma i latou. Ae e mafai ona e mautinoa e mafai e Ia ma o le a faia i le auala e sili ona lelei mo i latou e faanoanoa ma mo i latou o siomia i latou. E tasi le mea e le sua pe a lavea’iina e le Atua tagata mai le faanoanoa, latou te lagona le lotomaualalo e pei o se tamaitiiti i Ona luma. O se faataitaiga sili o le mana o le lotomaualalo faamaoni e maua mai le olaga o Iopu (tagai Iopu 1:20–22). O le isi mea tumau pea, lea sa i ai foi Iopu, o le faatuatua tumau i le mana o le Toetu o le Faaola (tagai Iopu 19:26).

O i tatou uma lava o le a toetutu, e aofia ai ma e pele ia te oe o e ua malilu. O le toe faatasiga o le a tatou maua fa’atasi ma i latou o se mea fa’apitoa ae ma ni tino e le oti pe matutua pe vaivai foi.

Ina ua faaali atu le Faaola i Ana Apostolo ina ua mavae le Toetu, e le gata na Ia faamautinoaina i latou i lo latou faanoanoa ae faapea foi i tatou uma atonu o le a faanoanoa. Na ia faamautinoaina i latou ma i tatou i lenei auala:

“Ia i ai ia te outou le filemu. . . .

“Ia outou vaavaai mai i o’u lima ma o’u vae, aua o a’u lava lenei: ia outou tagotago mai ia te au, ma ia vaavaai mai; aua o le agaga e leai sona aano ma ni ivi, pei o a’u nei ua outou vaavaai i ai” (Luka 24:36, 39).

E mafai ona musuia i tatou e le Alii ina ia aapa atu mo le mana o le laveai mai o tatou faanoanoa i le auala sili ona fetau ma i tatou. E mafai ona tatou filifili e auauna atu i isi mo le Alii. E mafai ona tatou molimau i le Faaola, o Lana talalelei, o le toefuataiga o Lana Ekalesia, ma Lona Toetu. E mafai ona tatou tausi i Ana poloaiga.

O na filifiliga uma e valaaulia ai le Agaga Paia. O le Agaga Paia lea e mafai ona faamafanafanaina i tatou i le ala e fetau ma o tatou manaoga. Ma e ala i musumusuga a le Agaga, e mafai ai ona tatou maua se molimau o le Toetu ma se vaaiga manino o le toefaaatasia mamalu i luma atu. Sa ou lagonaina lena faamafanafanaga ao ou tilotilo ifo i lalo i le tuugamau o se tasi ou te iloa—o se tasi ou te iloa e mafai ona ou uuina i o’u lima i se taimi i le lumanaui. I le

*E mafai ona e mautinoa e
mafai e le Faaola ma o le
a faia i le auala e sili ona
lelei mo i latou e faanoa-
noa ma mo i latou
o siomia i latou.*

iloaina o lena mea, sa le gata ina laveaiina a'u mai le faanoanoa ae sa faatumulua foi i le fiafia.

A na ola lena tagata laitiiti i lona matua, semanu e manaomia e ia le laveai i se isi seti o tofotofoga. Semanu o le a tofotofoina o ia e tumau faamaoni i le Atua e ala i luitau faaletino ma faaleagaga e oo mai i tagata uma. E ui lava o le tino o se foafoaga ofoofogia, o le tausia lelei o se luitau e tofotofoina ai i tatou uma. E tatau i tagata uma ona tauivi i ma'i ma aafiaga o le matua.

"Ia E Lotomaualalo"

O le mana o le laveaiina mai o tatou tofotofoga ua uma ona faatulagaina. E galue i le auala e tasi e pei o le lavea'iina mai le tofotofoga lea e o'o mai i le feagai ai ma le maliu o se pele. E pei lava o le laveaiina e le o taimi uma e faasaina ai le ola o se tasi e pele, o le laveaiga mai isi tofotofoga atonu e le o le aveesea. Atonu e le tuuina mai e le Alii le toomaga sei vagana ua

tatou atiina ae le faatuatua e faia ai filifiliga o le a aumaia ai le mana o le Togiola e galue i o tatou olaga. Na te le manaomia lena mea ona o le le fiafia ae ona o le alofa mo i tatou.

O se taiala mo le mauaina o le mana o le Alii e laveai ai mai le tetee i le olaga na tuuina atu ia Thomas B. Marsh, ao avea ma Peresitene o le Korama a Aposetolo e Toasefululua. Sa i ai o ia i tofotofoga faigata, ma na silafia e le Alii o le a feagai o ia ma nisi tofotofoga. O le fautuaga lenei ia te ia ou te aveina mo au ma ofoina atu ia te oe: "Ia e lotomaualalo; ona taitaiina ai lea o oe e le



FAAMATALAGA MAI LE THE LOST SHEEP, SAUNIA EYONGSUNG KIM, FAALOALOGA O HAVEN LIGHT

Alii lou Atua, ma tali atu i au talosaga” (Mataupu Faavae ma Feagaiga 112:10).

“E finagalo pea le Alii e taitai i tatou i le laveaiina e ala i le avea atili o i tatou ma e amiotonu. E manaomia e lena mea le salamo. Ma e manaomia e lena mea le lotomaualalo. O le mea lea, o le ala i le laveaiina e manaomia ai pea le lotomaualalo ina ia mafai ai e le Alii ona taitai i tatou e le lima i le mea e finagalo o Ia e ave tatou i ai i o tatou faafitali ma e oo atu ai i le faapaiaina.

O tofotofoga e ono tupu ai le ita po'o le lotovaivai. O le lotomaualalo e manaomia e oe ma a'u mo le Alii e taitai i tatou i le lima e sau mai le faatuatua. E sau mai le faatuatua o loo soifua moni lava le Atua, e alofa o Ia ia i tatou, ma o mea e finagalo ai o Ia—faigata e pei ona i ai—o le a sili ona lelei mo i tatou.

Sa faaali mai e le Faaola lena lotomaualalo. Ua e faitau i le auala na Ia tatalo ai i le Faatoaga o Ketesemene ao puapuagatia o Ia i se tofotofoga mo i tatou e sili atu i lo tatou gafatia e malamalama ai pe onosaia, pe e tatau foi ona ou faamataina. E te manatuaina Lana tatalo: “Tama, a e finagalo i ai, ia e ave ese lenei ipu ia te au; a e aua le faia lo'u loto, a o lou finagalo” (Luka 22:42).

Na Ia silafia ma faatuatuaaina Lona Tama Faalelagi, le Elohimia silisili. Sa ia silafia o Lona Tama e i ai le mana sili ma le agalelei e le iu. Na ole atu le Alo Pele i upu faatauvaa-e pei o se tamaitiiti—mo le mana o le laveaiina e fesoasoani ia te Ia.

Ia Lototetele ma Faamafanafanaina

E lei laveaiina e le Tama le Alo e ala i le aveesea o le tofotofoga. Mo i tatou na Ia le faia ai lena mea, ae Na Ia faatagaina le Faaola e faauma le misiona na Ia afio mai e faatino. Ae e mafai lava ona tatou maua le lototele ma le mafanafana mai le iloaina o le fesoasoani na tuuina mai e le Tama:

“Ona faaali mai ai lea ia te ia o le agelu mai le lagi, ua faamalosi ia te ia.

“Ua puapuaga o ia, ua atili ai lana tatalo; o lona afu foi ua pei o alualu toto ua pau ifo i le eleele.

“Ua tulai o ia sa tatalo, ona maliu atu lea o ia i ona soo, ua maua i latou ua momoe, ina ua tiga i le alofa,

“Ona fetalai atu lea o ia ia te i latou, Se a le mea tou te momoe ai? ina tulai ia, ina tatalo, nei oo mai le faaosoosoga ia te outou” (Luka 22:43–46).

Na tatalo le Faaola mo le laveaiina. O le mea na tuuina atu ia te ia, e le o se auala e aloese ai mai le tofotofoga ae ua lava le mafanafana e ui atu ai ma le mamalu.

*Na totogiina e Iesu Keriso le tau mo a tatou
agasala uma ma agasala a fanau uma
a le Tama Faalelagi ina ia mafai ai ona
laveaiina i tatou mai le oti ma le agasala.*

O Lana poloaiga i Ona soo, o e na tofotofoina foi, o se taiala mo i tatou. E mafai ona tatou filifili e mulimuli i ai. E mafai ona tatou filifili e tulai ma tatalo i le faatuatua tele ma le lotomaualalo. Ma e mafai ona tatou mulimuli i le poloaiga ua faaopoopo atu i le tusi a Mareko: “Ina tutu ia, tatou o.” (Mareko 14:42).

Mai lenei mea, ua iai lau faantuaga mo le pasia o suega faaletino ma faaleagaga o le olaga. O le a e mana'omia le fesoasoani a le Atua pe a uma ona e faia mea uma e te mafaia mo oe lava ia. O lea tutu ia ma o, ae ia maua Lana fesoasoani i le vave e te mafaia, e le o le fa'atali mo le fa'alavelave ona ole atu lea mo le lavea'i.


Ou te tuuina atu la'u molimau ma le faamaoni o loo soifua le Atua le Tama ma e alofa ia i tatou. Ua ou iloa lena mea. O Lana fuafuaga o le fiafia e atoatoa, ma o se fuafuaga o le fiafia. Na toetu Iesu Keriso, e pei foi o i tatou i le lumanai. Na puapuagatia o Ia ina ia mafai ona Ia fesoasoani ia i tatou i o tatou tofotofoga uma. Na ia totogiina le tau mo a tatou agasala uma ma agasala a fanau uma a le Tama Faalelagi ina ia mafai ai ona laveaiina i tatou mai le oti ma le agasala.

Ou te iloa i totonus o le Ekalesia a Iesu Keriso, e mafai ona sau le Agaga Paia e faamafanafana ma faamamaina i tatou ao tatou mulimuli i le Matai. Tau ia e maua Lana faamafanafanaga ma fesoasoani i ou taimi o mafatiaga, e ala i faigata uma ma tofotofoga o lou olaga. ■

Mai se saunoaga i se faigalotu, “The Power of Deliverance,” na tuuina atu i le Iunivesite o Polika Iaga i le aso 15 o Ianuari, 2008.

FAAMATALAGA

1. “Sulu e Alofa, Ta'i Mai,” *Viiga*, nu. 56.



FAAMATALAGA AUILILIMA LE KETESEMANE, SAUNIA E.J. KIRK RICHARDS; LALA OLIVE MAILE GETTY IMAGES

I Se Togavao Paia

Mafaufau Loloto ♩ = 60–68

Upu ma musika na tusia e Tammy Simister Robinson

The musical score consists of two staves of music in 4/4 time, key signature of B-flat major (two flats). The top staff uses a treble clef and the bottom staff uses a bass clef. The music is written in a simple harmonic style with mostly quarter notes and eighth-note chords.

Lyrics:

1. I se to - ga - vao pa - ia, Na togi - ola a'u i Lou alo - fa.
 2. 'Ou va - ai i Ou ma - nu - 'a, Faa - tusa o Lau mea - 'lo - fa.
 3. Le - nei ipu i o'u lau - gu - tu, Ille mi - gao ou te i - nu.

Ō - lega i Ke - te - se - ma - ne, Na E ōle mo a'u le A - lii e,
 Mo ta - gata uma Ou ti - ga; Ma - liu mo a'u le Faa - o - la.
 Ti - no tofi - tofi mo a - 'u, Ou te moli - mau mo O - e.

Na E ōle mo a'u le A - lii e. Ave lo'u nei loto mo - mo - mo;
 Ma - liu mo a'u le Faa - o - la. Ave lo'u nei loto mo - mo - mo;
 Ou te moli - mau mo O - e. Ave lo'u nei loto mo - mo - mo;

Ia tasi ma Lou fina - ga - lo. Ō - lega i Ke - te - se - ma - ne,
 Ia tasi ma Lou fina - ga - lo. Mo ta - gata uma Ou ti - ga,
 Ia tasi ma Lou fina - ga - lo. Ia 'E le toe mafa - ti - a,

Na E ōle mo a'u le A - lii e, Na E ōle mo a'u le A - lii e.
 Ma - liu mo a'u le Faa - o - la. Ma - liu mo a'u le Faa - o - la.
 Ou te ola mo Oe le Faa - o - la. Ou te ola mo Oe le Faa - o - la.

© 2003 Puletaofia e Tammy Simister Robinson. Ua taofia aia tatau uma.

O lenei pese e mafai ona kopiina mo le faaaogaina mo aiga po o le lotu i mea e le faapisinisi.

E tatau ona tuu lenei faasasilaga i luga o kopi taitasi e faia.



Saunia e Brian K. Ashton

Fesoasoani Lua i le Au
Peresitene Aoao o le Aoga Sa

Tolu Lesona i le Alofa, Olioli ma le Filemu

O le mulimuli i laasaga nei e tolu e mafai ona faia ai se eseesege tele i lou olaga ma fesoasoani e te lagona fua o le Agaga.

Ao o‘u a‘oga i le kolisi, na ou mafaufau tele e uiga i lo‘u lumana‘i. Ina ua ou taunuu i le lumanai—o lona uiga o le olaga pe a uma le kolisi—sa ou aoaoina ni lesona taua se tolu na faia ai se eseesege tele i lo‘u olaga. Ou te fia fa‘aso atu nei lesona ia te oe ma le fa‘amoemoe e le umi se taimi e te aoaoina ai e pei o a‘u. E mafai ona latou fesoasoani ia te oe ia maua le fiafia sili atu i le olaga—ma mulimuli ane maua ai le faaeaga ma lou Tama Faalelagi.

1. Saili le Fiafia, Filemu, ma le Agaga Paia

Sa ou feiloai ma lo‘u toalua, o Melinda, i le taimi o lo‘u tausaga lona lua o le kolisi, pe a ma le ono masina talu ona ou foi mai la‘u misiona. Sa ou iloa vave lava ou te fia faaipoipo ia Melinda. Ae ui i lea, e le‘i maua e Melinda le aafiaga lea e tasi. E le‘i atoa le lima tausaga mulimuli ane, na ia mauaina se tali o le a “lelei” pe afai e faaipoipo mai ia te au.

I na tausaga e lima, sa i ai se tasi o tofotofoga sili ona faigata o lo‘u olaga. Sa ou iloa le tagata e tatau ona ou



faaipoipo iai, ma na uunaia au e le Agaga, ae na le mafai ona ou ausia lena sini.

E lei leva ona ou faauu, ae filifili Melinda e alu i se misiona-i se vaega, ua ou talitonu, e aluese ai ma au. Sa i ai taimi ao i ai o ia i lana misiona na ou faanoanoa ona sa ou taulai atu i mea ou te lei maua. Ae peitai, sa ou suesue i tusitusiga paia ma tatalo i aso uma, auauna atu i le Ekalesia, ma taumafai e faia mea na aumaia ai le Agaga Paia i lo'u olaga.

I se taeaopo, malulu o le Aso Sa i Minneapolis, Minnesota, ISA, ao ou aveina la'u taavale i se sauniga a le Ekalesia, sa ou manatu, "E tatau ona ou matua faanoanoa lava i le taimi nei. E leai se mea e foliga mai o lo'o alu i le ala ou te mana'o ai. Ae ou te le'o faanoanoa. O lea ou te lagonaina le fiafia!"

I le taimi nei, e mafai faapefefa ona ou fiafia pe afai o loo ou feagai i lo'u a'u lava iloa, o se tofotofoga faigata?

O le tali o loo maua i le Kalatia 5:22–23: "O fua o le Agaga o le alofa, olioli, filemu, onosai, mataalofa, agalelei, faamaoni, agamalu, ma le gaoia."

Ona sa ou faia mea na aumaia ai le Agaga i lo'u olaga, sa ou lagonaina le alofa o le Atua. Sa ou lagonaina le olioli ma le filemu. E mafai ona ou mafatia umi ma o le a ou fiafia.

O le i ai o le alofa, olioli, ma le filemu i o tatou olaga, o tatou aiga, ma a tatou faaipoipoga e le maua mai i le i ai o se fale tele, taavale mananaia, ofu fou, manuia tulaga tau galuega, po o soo se isi mea o le lalolagi e aumai ai le fiafia. O le mea moni, talu ai o lagona o le alofa, olioli, ma le filemu e sau mai le Agaga, ma le lagonaina o i latou e le tatau

Ou te molimau

atu ao e faia

mea laiti ma

faalagolago i

le Alii, e mafai

ona e mauaina

le alofa, olioli,

ma le filemu

e tusa lava

po o le

a lou tulaga.

ona fesoottai ma o tatou tulaga faaletino.

Faamolemole ia malamalama ou te le o fai atu o le a tatou fiafia pea pe e le afaina lava lo tatou fiafia ona o o tatou tulaga faaletino. O le mea moni, afai tatou te le tofo i le oona, e le mafai ona tatou iloa le suamalie (tagai Mataupu Faavae ma Feaigaiga 29:39; tagai foi Moses 6:55).

E tatau ona tatou tauivi i taimi. E le gata i lea, o nisi tulaga faaletino ma faalelagona e ono mafua ai ona tatou mafatia tele ma avea ai ma faigata tele mo i tatou ona lagona le Agaga. Ae afai o tatou taumafai e maua le Agaga i o tatou olaga ma talitonu i le Atua, e mafai, i se tulaga lautele, ona tatou fiafia.

Ou te molimau atu mai ou lava aafiaga e moni lenei mea. Talu mai lo'u aafiaga ao i ai Melinda i lana misiona, ua ou matauina afai ou te faia mea e aumai ai le Agaga i lo'u olaga, e aofia ai le filifili e talitonu ma talia o le a lelei mea uma e pei ona faamoemoe le Atua, e masani ona ou fiafia (tagai Iakopo 3:2).¹

2. Aua E te Pau mo Taufaasese

Ua ofoina mai e Satani nisi auala taufaasese i mea uma lava e faia e le Atua i se taumafaiga e fenumiai ma faasese ai i tatou. E ui i taumafaiga a Satani e faatalitonu i tatou i se isi itu, ua aoao mai i tatou e le Faaola "[e le mafai e] se laau leaga ona fua mai i fua lelei" (3 Nifae 14:18). Ona o Satani o se laau leaga, e le mafai ona ia faatupuina ia i tatou lagona "alofa, o le olioli, o le filemu, o le onosai, o le mataalofa, o le agalelei, o le faamaoni, o le agamalu, ma le le gaoia" (Kalatia 5:22–23). Nai lo lena, e manao Satani ina ia tatou faanoanoa (tagai 2 Nifae 2:27).

O le a la le mea a Satani e fai? E taumafai e faasese i tatou.

O la'u uo, o se tasi o le au filifilia, na faaseseina. Na auauna la'u uo i se misiona ma o se faifeautalai maoae. Ina ua foi mai i le fale mai lana misiona, sa ia fuafua e faia mea laiti uma na aumaia ai le Agaga i lona olaga ma faamalosia o ia i lana misiona. Ma mo sina taimi, sa ia faia.

Peitai, na ia vaaia uo, o le toatele oi latou ua uma ona auauna faamisiona, o mai i le lotu i Aso Sa taitasi ac o fafo o le lotu o loo ola e pei ona ola ai le

lalolagi. Sa foliga fiafia i latou. Sa latou faia ni mea “malie”. Ma o o latou olaga sa foliga mai e le manaomia le tele o galuega e pei ona faia e ia.

Na tuutuu lemu le faiga o nai mea laiti na maua ai lona malosi faaleagaga i lana misiona. Sa i ai pea sana molimau, ae na ia ta‘u mai ia te au ua uma lana faaiuga, “Afaia ou te auai i sauniga lotu a le Eklesia, o le a lelei mea uma—o lo‘o ou i ai i le ala.” Ae ui i lea, sa ia fai mai, “I le itu faaleagaga, ou te le o toaga.”² A o ola o ia e pei ona ola le lalolagi, o le tasi filifiliga leaga na taitaiina atu ai i le isi, ma e lei umi ae maitaga o ia.

O ana filifiliga amioletonu na iu lava ina maua atu ia. Sa le fiafia o ia, ma sa ia iloaina. O le mea e lelei ai, na iloa e lau uo ua faaseseina o ia, ma sa ia salamo.

O lana tala ua faamamafaina ai e oo lava i le sili o i tatou e mafai ona faaseseina. E le gata i lea, o lana tala o lo‘o ta‘u mai ai e tatau ona tatou puipuia pea mai le taufaasese. Tatou te ausia lenei mea e ala i le faia o mea laiti e aumaia ai le Agaga i o tatou olaga.

Ou te fiafia e lipoti atu o le asō o loo fiafia lau uo, o loo taumafai e tausi poloaiga, ma e malosi faaletino ma faaleagaga i le talalelei.

O taufaasese a Satani e oo mai i le tele o auala. O le a ou ta‘ua na o sina vaega.

E taumafai Satani e faatalitonu i tatou e faamuamua mea faaletino i mea faaleagaga. E mafai ona tatou iloa pe leai ni mea tatou te faamuamua e ala i le maitauina o le tele o taimi tatou te fai atu ai, “Ua ou pisi tele pe ua ou le lava i le taimi nei e _____. ” Faatumu le avanoa: auai i le malumalu, auauna atu, suesue ma mafaufau loloto i tusitusiga paia, faataunu lo‘u valaauga, pe fai foi au tatalo.

*Ua ofoina
mai e Satani
nisi auala
taufaasese i
mea uma lava
e faia e le
Atua i se
taumafaiga
e fenumiai
ma faasese ai
i tatou. Ua aoao
mai i tatou e
le Faaola
“[le mafai e]
se laau leaga
ona fua mai
i fua lelei”
(3 Nifae 14:18).*

O se tasi mafuaaga tatou te lagona ai le pisi tele o le taumafai malosi lea o Satani e faalavelave ia i tatou. Na te fa‘aaogaina le telefoni i o matou lima, leitio i la matou taavale, televise i lo matou fale, ma le tele o isi mea e taofia ai i tatou e toetoe o taimi uma. O se taunuuga, tatou te lagona le pisi e sili atu nai lo le mea moni.

O le isi taunuuga o lenei faalavelave o le tatou mafaufau loloto ma itiiti ifo. E galue Satani e faalavelave ia i tatou ona ua ia iloa o le mafaufau loloto, aemaise lava i tusitusiga paia, e taitai atu ai i le liua tele ma faaialiga.

O se tasi o taufaasese a Satani e oo mai i le manatu e sili atu le taua o a tatou amioga i fafo atu nai lo o tatou uunaiga i totonu. Afaia tatou te le maua le uunaiga tatau mo le faia o mea faaleagaga, tatou te le mauaina le olioli o le talalelei. O se taunuuga, o le tausia o

poloaiga e amata ona lagona le faigata, ma ua iloa e Satani afai e mafai ona ia faia ia tatou lagonaina lenei auala, atonu tatou te le toe faia le mea ua tatou iloa e tatau ona tatou faia.

Ua faaseseina foi i tatou e Satani ia talitonu o le olioli ma le fiafia e sau mai le maua o se olaga faigofie pe mai le na o le fiafia i taimi uma. E le moni. O le mea moni e leai se olioli po o se fiafia e aunoa ma se mea e faatoilaloina (tagai 2 Nifae 2:11, 23).

O le mulimuli o taufaasese a Satani o le a ou ta‘ua o lona taumafai e faatalitonu i tatou o le amiolega, ma ona fiafiaga le tumau, o le fiafia moni lava. Ua iloa e Satani, i le taimi nei, o lagona ma faalagona atonu (1) tatou te manatu ai tatou te lagonaina fua o le Agaga, (2) e teu ai lo tatou manao mo na fua, po o le (3) lagona e pei o mea e taliaina.

Mo se faataitaiga, e mafai e Satani ona faaososo i tatou e saili mo le tuinananau i le tulaga o le alofa. E mafai ona ia faatosinaina i tatou i le fiafia



nai lo le tumau i le olioli. E taumafai o ia e faalavelave ia i tatou nai lo le tuuina mai ia i tatou le filemu. Na te manao ina ia avea i tatou lava ma ni tagata faafiaamitonu, maelega, ma faaupufai sa'o e suitulaga i le manatu faapito, usiusitai i taimi uma, ma tulimatai atu faaleagaga. O ana faaososoga e mafai ona mafua ai ona tatou le mautonu, lea e mafai ai ona taitaiina i tatou e mafaufau o le solia o poloaiga o le a aumaia ai le fiafia.

3. Faia Mea Laiti

E masani lava o nai mea laiti e aumaia ai le Agaga i o tatou olaga, taofi i tatou mai le faaseseina, ma mulimuli ane fesoasoani tatou te maua le malosi e tausia ai poloaiga ma maua le ola e faavavau. Na aoao atu e le Faaola lenei mataupu faavae i toeaiina o le Ekalesia i Katalani, Ohaio: “O le mea lea aua le faavaivai i le faia o mea lelei ona o loo oulua faataatiaina le faavae o se galuega tele. Ma o mea iti e tutupu mai ai mea tetele” (Mataupu Faavae ma Feagai-ga 64:33).

Aisea e taua ai mea laiti? I le fuaiupu na sosoo ai, na faamalamalama mai ai e le Faaola lena mea “e ao ina ave i le Alii le loto ma le mafaufau malie” (Mataupu Faavae ma Feagaiga 64:34). Aisea na fesootai ai e le Faaola le faia o mea laiti ma le loto ma le mafaufau malie? Aua o le faia e le aunoa o mea iti, tatou te gauai atu o tatou loto ma mafaufau i le Atua, lea e faamamaina ma faapaiaina i tatou (tagai Helamana 3:35).

O lenei faamamaina ma le faapaiaina e suia ai o tatou natura moni, i sina mea itiiti, ina ia tatou avea atili ai e faapei o le Faaola. O lenei mea e mafua ai ona sili atu lo tatou gauai atu i


musumusuga a le Agaga Paia, lea e mafua ai ona le faaseseina i tatou.

I lo'u tausaga faaiu o le aoga mauluga, sa aoaoina au e lo'u tama i le seminare i lo matou fale. Ona o le autu i lena tausaga o le Tusi a Mamona, na tonu ai i lo'u tama o le a matou faitauina faatasi, fuaiupu i le fuaiupu, ma talanoaina mea na matou aoaoina. A o matou faiatau, o le a fai mai e lo'u tama ni fesili na mafua ai ona ou mafaufau e uiga i mea sa matou faiatauina, ma o le a ia faamatala mai mea ou te le'i malamalama i ai. Ou te manatua pea le aoao e uiga i le Faaola ma lagona na Ia asiati moni atu i sa Nifae ma e mafai lava ona faamagaloina au agasala ona o Lana Togiola.

Ou te sailia lo'u faavae i tusitusiga paia i na sauniga na ma faatasi ai ma lo'u tama. E i ai le mea na ou lagonaina a o ou faiatauina. Ma atonu e sili atu ona taua, na suia o'u manaoga, uunaiga, ma amioga. Sa ou manao e sili atu. Na amata ona ou iloa le mea na faaseseina ai a'u. Sa ou salamo soo. E oo atu i le faiiuga o lo'u tausaga muamua i le kolisi, sa ou faiatauina tusitusiga paia i aso uma.

I lena vaitaimi, na talosagaina ai e Peresitene Ezra Taft Benson (1899-1994) ia tagata o le Ekalesia e faiatau le Tusi a Mamona i aso uma ma faaaoga mea na latou aoaoina.³ O lea, e faaopoopo atu i soo se isi lava mea sa ou faiatauina, sa ou faiatauina o sina vaega mai le Tusi a Mamona.

I la'u misiona na ou aoao ai pe faapefea ona ou suesue moni ma fiafia i tusitusiga paia. E le gata sa ou lagonaina le Agaga Paia ao ou faiatau, ae na amata foi ona ou lagonaina le olioli ao ou suesue i tusitusiga paia e sue tali i o'u faafitali ma i latou o a'u tagata sailili.



Ina ua maea lau misiona, sa faaaauau pea ona ou fiafia i tusitusiga paia i aso taitasi. Ona o lenei faiga na valaulia ai le Agaga Paia i lo‘u olaga, na ou mauaina ai Lana taitaiga e fesoasoani ia te au e faaaoga lelei lo‘u taimi. O se taunuuga, na sili atu lo‘u lelei i le a‘oga, ma mulimuli ane, i le galuega. Na faigofie le faia o filifiliga lelei. Sa ou tatalo atili ma sili atu ona maelega i le faataunuina o o‘u valaauga. O le taumamafa i tusitusiga paia i aso uma e lei foia ai o‘u faafitauli uma, ae na faigofie atili le olaga.

Ia Aokuso 2005, na tuuina mai ai e Peresitene Gordon B. Hinckley (1910-2008) se luitau e faitau pe toe faitau le Tusi a Mamona ao lei oo i le faaiuga o le tausaga.⁴ Talu ai sa ou faitau pea mai le Tusi a Mamona i aso uma, ua ou i ai i le Eteru po o Moronae. O lea la, i le mae‘a ai o se vайaso pe lua mulimuli ane, na ou faaiuina ai na ou faamaeaina le lui a Peresitene Hinckley.

Ae o se faiaoga o aiga faamaoni na asiisi mai i lo matou aiga. Na ia fesili mai pe o fea ua ou oo ai i le valaulia a Peresitene Hinckley.

Sa ou fai atu ia te ia sa faamanuina a‘u i le amataina o la‘u faitauga i le Tusi a Mamona ao lei tuuina mai le luitau a Peresitene Hinckley. Ona, faatasi ai ma le faafiaamitonu, na ou faasilasila atu ua mae‘a la‘u galuega.

O le mea e lelei ai, na ese lava le iloa a lo‘u faiaoga o aiga. Ao ia faasa‘oina au, sa musumusu mai le Agaga ia te au e sa‘o lo‘u faiaoga o aiga.

O lenei ua tatau ona ou faitauina ni mataupu se lua i le aso e toe faauma ai i le faaiuga o le tausaga. A o faateleina lo‘u faitau i le Tusi a Mamona, na ou matauina le tele o le mana

*Ou te folafola
atu afai o
le a outou
taumafa i
tusitusiga paia
i aso taitasi,
ae maise lava
o le Tusi a
Mamona,
o le a outou
valauliaina
le Agaga i
lou olaga.*

na oo mai i lo‘u olaga. Sa sili atu lo‘u fiafia. Sa manino atili atu lou vaai i mea. Sa ou salamo i taimi uma. Sa ou manao e auauna atu ma laveai isi. Sa ou le gauai atu i taufaasese ma faaosoosoga a Satani. Sa ou alofa atili i le Faaola.

O lena Novema na valaaufina ai au e avea ma epikopo o la matou uarota. O le faamaeaina o le luitau a Peresitene Hinckley na saunia ai au mo lena valaauga. Talu mai lena taimi, ua ou matauina o le pisi ou te oo i ai i le galuega po o le lotu, o le tele foi lena o lo‘u manaomia ona suesue i

tusitusiga paia, ae maise lava o le Tusi a Mamona.

E mafai ona e mauaina ia lava faamanuia ma le mana i lou olaga pe afai o le a e taumafa i tusitusiga paia i aso taitasi. Ou te folafola atu afai o le a outou taumamafa i tusitusiga paia i aso taitasi, ae maise lava o le Tusi a Mamona, o le a outou valauliaina le Agaga i lou olaga ma o le a masani ona e tatalo i aso taitasi, salamo atili, ma faigofie ona e alu i le lotu ma taumafa i le faamanatuga i vайaso taitasi .

Ou te molimau atu ao e faia mea laiti ma faalagolago i le Alii, e mafai ona e mauaina le alofa, olioli, filemu, ma le fiafia e tusa lava po o le a lou tulaga. Ou te molimau atu foi e mafai lenei mea ona o le tau-laga a Iesu Keriso. O mea lelei uma e oo mai ona o Ia (tagai Moronae 7:22,24). ■

Mai se saunoaga i le faigalotu, “Happiness, Deceit, and Small Things,” na tuuina atu i le Iunivesite o Polika Iaga i le aso 5 o Tesema, 2017.

FAAMATALAGA

1. Pe a tatou mausali i le faatuatua ia Keriso, e mafai ona tatou taumamafa i le alofa o le Atua tusa lava poo a o tatou tulaga.
2. Fa‘amatatalaga o fa‘atalanoaga ma fa‘amaumauga i le tusitala.
3. Tagai i le Ezra Taft Benson, “A Sacred Responsibility,” *Ensign*, May 1986, 77–78; see also “The Book of Mormon—Keystone of Our Religion,” *Ensign*, Nov. 1986, 4–7.
4. Gordon B. Hinckley, “First Presidency Message: A Testimony Vibrant and True,” *Ensign*, Aug. 2005, 2–6.

E Oo Lava i se Afā E Le Mafai Ona Taofia i Maua

Elei umi ona ou foi mai lá'u misiona, ae ou maua se valaaulia e alu i se siva. I le siva, sa ou tuu sese ai la'u telefoni ma na ofo mai se alii talavou e fesoasoani ia te a'u e sue. A o ma talatalanoa, na ma iloa ai oi ma'uua uma o faifeautalai ua maea misiona ma faasoa le tele o manatu ma sini.

Na faaauau pea le ma mafutaga, ma na iu ina ma faamau. O le ma miti ia faamauina i le Malumalu a Uosigitone D.C. ao lei tapunia mo le toe faafouina ia Mati 2018. Ae ina ua uma ona fai lena filifiliga, sa tofotofoina loa i ma'uua. Muamua, na leai sa'u galuega ma na leai se auala e teu ai se tupo mo la ma malaga i le malumalu. I le isi, sa i ai se afā na foufou mai o le a taia ai Puerto Rico ao le'i o'o i le aso o le ma faaipoipoga.

Ina ua sau le Afa o Maria, sa faale-againa ai lo matou motu matagofie. Na tapunia faleoloa. Na leai se eletise; vai, meaai, ma isi mea masani na faigata

ona maua. Na leiloloa mea uma na ma fuafua e fa'aoga mo le 'aiga o le ma faaipoipoga. Na tatau ona le oo le 'aiga o le faaipoipoga, ma na foliga mai o le a le oo foi le ma faaipoipoga. O le malaga i totonu ma fafo o Puerto Rico sa faata-pulaaina, ma e leai se tasi na iloa pe mo le a le umi. Na amata ona ou lagonaina le lotovaivai, ma sa faatumulia au i le masalosalo ma le le mautonu.


I se tasi po, na ma talatalanoa ai ma la'u uo ua ma faamau e uiga i lo ma tulaga. Sa le mautinoa le faimalaga, ma o le a leai se 'aiga o le faaipoipoga po o ni lavalava faaipoipo, ae na faamautu mai e le Agaga e tatau ona ma faatutua i le Alii. O le mea sili ona taua o le faamauina i totonu o le malumalu. Sa ma tatalo atu i le Tama Faalelagi mo le fesoasoani.

I le taimi na toe amata ai faigamalaga mai Puerto Rico, sa tatau loa ona ma faia ni fuafuaga fou mo le malaga ma toe faatulaga la matou aso o le

faamauga. Sa matou le maua ni ala o fesootaiga mo vайaso ina ua mavae le afa, ae na i ai se telefoni feaveai a se uo. Na ia faatagaina i ma'uua e faaaoga e faafesootai ai le malumalu. Sa mafai ona ma fesuiia mea uma ina ia mafai ona faamauina pea i maua! I nai vайaso ao lumanai la ma'uua faigamalaga, na foai mai e tagata o aiga ma uo ni seevae ma ni lavalava ma fesoasoani ia ma maua le tele o mea mo le ma faaipoipoga.

Ina ua ma ulu atu i le malumalu, sa ma tuua uma o ma'uua popolega i tua. Sa ma uuina le lima o le tasi ma le isi e ulufale faatasi ai i lo ma lumanai. E mafai ona ou fai atu moni lava sa ou lagonaina le aao o le Alii o ta'ita'ia ma faamautinoa ia i ma'uua, afai lava ma te faatuatuaina o Ia, o le a SEKI mea uma. O le taimi nei, ua faamanuiaina i ma'uua i se atalii aulelei ma o i matou o se aiga ua faamauina mo le faavavau atoa. ■

Koraima Santiago de Jesus, San Juan, Puerto Rico



*na ua mavae le Afa o Maria,
na foliga mai o le a le oo le ma
faaipoipoga.*



jk

“O lea la!”

Nia ou taunuū i le fale i le leva o le po ni le taumalulu ina ua mavae ona ou taitaia le tele o faatalanoaga a'o avea ai ma se epikopo. Sa ou vaivai. Sa faigata le galuega mo le tele o vaiaso, ma o tiutetauave faaleaiga ma le Ekalesia na ou lagona ai le sili atu nai lo o mea ou te gafatia.

I lena afiafi, sa tatau ona ou faaleleia la'u taavale ina ia mafai ai ona ou galue i le taeao e sosoo ai. A o ou ofuina lo'u ofu faigaluega, na suia la'u matafaioi mai le epikopo i le fai taavale. Sa ou taoto i luga o le foloa malulu o le feletaavale i lalo ifo o le taavale ma amata ona galue. Aisea na tatau ai ona ou maluluina, vaivai, ma faatigaina o'u lima ina ua uma ona ou galue malosi i lena aso? Na ou le maua le onosa'i ma na amata ai se tatalo faatauanau i le Tama Faalelagi.

“E mafai ona E fesoasoani laiiiti mai ia te a'u?” Na ou fai atu ai. “O loo ou taumafai i le mea sili ou te mafai e avea ai ma se tamā lelei, tane, ma se epikopo ma ola i poloaiga. Mata e le sili atu la'u tautua pe a mafai ona ou maua sina malologa? Faa-molemole fesoasoani mai ia uma ona

ou faia lenei mea ina ia mafai ai ona ou moe.”

Na faafuasei lava, ona oo mai ma le malosi ni upu manino ma mavaevae se tolu i lo'u mafaufau: “O lea le!”

“O le a?” Sa ou tali atu.

Na toe oo mai upu: “O lea la!”

O le malamalamana na amata ona faatumulia ai lo'u mafaufau ma lo'u loto ina ua faatolu ona oo mai upu nei: “O lea la!” O nei upu na aumaia se savali i lo'u agaga. “Lea” [It] o le olaga faitino, ma sa ou oo i se taimi o le tuputupu ae ua mamanuina e fesoasoani ia te au ia avea ma tagata e finagalo le Tama Faalelagi ou te avea ai. Na pei lava na fai mai le Agaga ia te au, “Na e faamoemoe o lenei malaga faalelalolagi e leai ni tau-iviga?” Ina ua ou tu i luga mai lena fola sima malulu, e le o au lea muamua.

E faalagolago i le auala tatou te tali atu ai ia i latou, o tofotofoga e mafai ona vaaia o ni meaalofa mai se Tama alofa i le Lagi. Na te tuuina mai ia i tatou le avanoa e feagai ai ma tofotofoga ina ia mafai ai ona tatou aoao e liliu atu ia te Ia. Pe a tatou faia, ua faamanuiaina i tatou i le aoaoina ma le alualu i luma faaleagaga.

*Sa ou galue i la'u
staavale ina ua oo
mai ma le malosi se
savali manino i lo'u
mafaufau.*

O upu e tolu na oo mai i lo'u mafaufau i lena po malulu i luga o le fola sima o lo'u fale taavale na faamanuiaina ai au mo le silia ma le 35 tausaga. Ou te taumafai malosi ina ia iloa e leai se tofotofoga e le aoga. Ou te vaai i tofotofoga o ni avanoa e aoao ai mea atonu ou te le mafai ona aoaoina i se isi lava auala. ■

Richard J. Anderson, Iuta, ISA

Vaaia Tama o Pese

Sa ou i ai i la'u misiona i Honolulu, Hawaii, ISA, mo le na o le fa ma le afa masina ae oso lo'u ma'i lea na mulimuli ane faamaonia mai o le ma'imaliu. O masina na sosoo ai na o'o mai ai ni asiasiga i le falema'i, su'esu'ega e le mafaitaulia, ma se fualaau fou e i ai ni aafiaga le lelei.

Seia oo i lena taimi, sa ou taula'i atu i le galuega faafafeautalai ou te le i lagonaina ai le ma'i manatu, ae mai le taimi na oso ai lo'u ma'i, na tiga lo'u fatu. Na ou misia o'u matua ma na ou lagonaina le tuuatoatasi e ui lava ina siomia a'u e ni tagata lelei ma alolofa. Ou te le'i fia alu i le fale, ae sa ou manao ia lagonaina le filemu.

Faatasi ai ma le faatagaga a lo'u peresitene o le misiona, sa ou talanoa ai ma o'u matua i luga o le telefoni e uiga i a'u fualaau. O lo'u tama, o le na faatoa

faataunuina lana miti i le olaga atoa e auai i le Aufaipesa a le Tapeneko i le Lotoa o le Malumalu, na faamautinoa mai ia te au o le a ia pese ma lona loto mo a'u i le konafesi aoao, lea na amata i le aso na sosoo ai.


O le taeao na sosoo ai, sa ou tatalo faatauanau mo le filemu lea sa matuai ou manaomia lava. Na ou mauaina tali i fesili patino i le taimi o konafesi aoao muamua, ma sa ou talitonuina e mafai ona ou toe maua le taitaiga. A'o amataina le konafesi, na usuina e le aufaipesa le "Fanau, ua Leoleo mai le Atua" (*Viiga*, nu. 180). I totonu o le minute muamua, na ou vaai i lo'u tama i luga o le televisie. Na tumau i luga o ona foliga le meapueata mo sina taimi.

Na maligi ou loimata ao ou lagonaina se lagona maoae o le filemu o siomiaina a'u. Na ou iloa e alofa le Atua ia te a'u.

Sa ia silafia lelei le mea sa ou manaomia i lena aso-o se faamautinoaga faigofie e lata mai o Ia ma e silafia a'u. Sa ou lagonaina le alofa o le Atua, ma faaopopo atu i ai, le alofa o lo'u aiga, a'u soa, ma la'u peresitene o le misiona. Nai lo le lagonaina o le mafatia, ua ou vaai nei i se avanoa e latalata atili atu ai i le Alii.

O o'u faafitali i le soifua maloloina e lei mou ese. Sa tatau ona vave uma la'u misiona, ae sa ou iloaina sa i ai iina le Atua ma e alofa o Ia ia te au. O lena faamautinoaga ua mulimuli mai ia te au i le tele o isi lototiga ma ua aumaia ai ia te au le faamoeome i taimi sili ona pogisa. O isi atonu e taua o se mea faafusei, ae ou te iloa o le vaiai o lou tama o pese e uiga i le alofa o le Atua o se vavega itiiti i lo'u taimi o o'u manaoga. ■

Maria Oka, Kalefonia, ISA



*N a oo mai
loimata i o'u
mata ina ua ou vaai
i lo'u tama i luga o le
lau o le televisie.*

O Se Valaaulia mo Ricardo

Pe a ou faalogo e uiga i se gaoioiga a le Ekalesia, ou te valaaulia pea lava pea ni tagata se toa 10 e le auai i le Ekalesia e auai. Ua ou faia lenei mea mo le tele o tausaga. Ou te faia ni valaaulia ma tuu taitasi i totonusi o se teutusi pa'e-pa'e ma tatalo mo le Agaga e tatalaina a'u. Ona ou tuuina atu lea o valaaulia. E seasea auai uma mai le toa 10, ae tusa lava pe tasi e auai, ou te lagona ua faamanuiaina a'u taumafaiga.

I nai tausaga ua mavae, sa ou saunia ni valaaulia se sefulu i se faigalotu mo ulugalii faaipoipo. Na ou tuuina atu le iva i tagata i le galuega ae tasi na totoe. Sa ou le iloa po o ai e tuuina atu i ai. I nai minute mulimuli ane, na pasi ane ai i la'u kesi, Ricardo, o se sui faatau oloa. Na ou lagona le uunaiga e valaaulia o ia, e ui lava na ia teenaina se valaaulia mai se isi tagata faigaluega e auai i se gaoioiga i lana lotu. Ou te le'i manatu o le a fia sau Ricardo.

Ae ina ua toe pasi ane Ricardo i la'u kesi e alu i fafo, sa ou toe lagonaina le uunaiga. Ae peitai, na ia aluese vave ma ou le maua ai se avanoa e talanoa ia te ia. Sa ou tatalo ina ia toe foi mai Ricardo pe afai e tatau ona ou tuuina atu ia te ia le valaaulia.

Ina ua maea la'u tatalo, na toe foi mai Ricardo e fesili mai ia te a'u. Mulimuli ane, sa ou fai atu, "Ricardo, e faia se gaoioiga mo ulugalii faaipoipo i la'u lotu. O le a matou fefaaasoai ni aafia i auala e ola fafia ai i aso taitasi. Mulimuli ane, o le a faia se siva. Afai ou te valaauliaina oe, pe o le a e sau?"

"Ioe!" Fai mai ai Ricardo, ae o lana tali na le faatalitonuina ai a'u.

"O le mea sili na ou faia la'u vaega," sa ou mafaufau ai.



Na ou tuuina atu valaaulia e iva i tagata i le galuega ae tasi na totoe. Sa ou le iloa po o ai e tuuina atu i ai.

Sa ma vave taunu ma lo'u toalua i le gaoioiga e faafeiloai tagata ao latou taunu mai. Na faafusei ona ou vaai ia Ricardo ma lona toalua, o Regina. Sa ou fa'afeiloaia i la'u i lo'u to'alua ma isi o lo'o auai. I le afiafi atoa, na foliga mai Ricardo ma Regina na la mauaina lava le fafia. Na ou te'i ina ua la fai mai o le a la o mai i le lotu i le Aso Sa e aoao atili.

Na mafai ona aoao atili Ricardo, Regina ma le la fanau e toalua. Na i'u lava ina latou auai i le Ekalesia.

Mulimuli ane, na faamauina i latou i le malumalu. Sa ta'u mai e Ricardo ia te au i se tasi taimi sa la talatalanoa ma lona toalua e uiga i le tete'a, ae na taitaiina e le Alii ia Ricardo i lo'u ofisa.

Talu mai lena taimi na ou ole atu i le Atua ina ia faamagalo mai au ona o lou mafaufau o le a le talia e Ricardo la'u valaaulia. Ua ou aoaoina e taua le valaaulia o tagata uma. E te le iloa lava po o ai o le a taliaina. ■

Martin Apolo Cordova, Paraná, Pasila

Ua Manuia le Pisini

Saunia e Joshua J. Perkey

Mekasini a le Ekalesia

Faafetai i mea sa ia aoaoina i vasega o le ola tutoatasi, ina ua tapunia le tasi faitotoa ia Teddy Reyes, e le'i umi ae matale le isi.

Ua ta le 4:00 i le taeao i Santo Domingo, le Dominican Republic, ma o Teddy Reyes ua leva ona ala ma galue.

E tele ana mea e fai i le aso ina ia faatumauina le faamanuiaina o lana pisini. Ua amata ona tipitipi tamato ma le falaoa. Ona ia faia lea o lana sosi faapitoa.

E o'o atu i le 6:00 i le taeao, e toa lua tagata faigaluega ua taunuutatu e fesoasoani ia te ia, ma faatopetope sauniuniga. E ta ifo le 8:00, ua latou faia le 300 sanuisi, afifi taitasi i pepa palasitika ma ua utuina i tagapepa. E to'a ono isi tagata faigaluega e taunuutatu, ma e o atu le vaega atoa e fa'atau atu.

E o'o atu i le 9.00 i le taeao, ua taulia uma ae na o ni nai sanuisi—e tolu pe fa na fa'asaoina e Teddy e fasaga ai lana vaega.

O loo lelei le pisini a Teddy. Ae o mea e le'i faigofie i taimi uma. O le mea moni, mo le lima tausaga talu ai, ua le mafai ona ia maua galuega tumau i lana matata filifilia—o se loia.

E fa'apefea la ona faia e Teddy le suiga mai se tagata faufautua i se tagata e fa'atau atu sanuisi? E tele galuega faigata, ioe, ae na ia faaaogaina foi ma le faaeteete ia mataupu faavae sa ia aoaoina i vasega na ofo atu e ala i le



polokalama amata a le Ekalesia o Auau-naga o le Ola Tutoatasi.

Leai Sana Galeuga

I le lima tausaga talu ai, na tulaga lelei le olaga a Teddy. Na lelei lana galuega o se loia, e lei leva ona faaipoipo o ia, ma sa ia papatisoina lona toalua. “Ae sa i ai ni o ma lu‘itau”, na ia fai mai ai, “ma na leai sa‘u galuega.”

Mo le isi fa tausaga, sa tauivi ai Teddy e sue se galuega. “Sa i ai le tele o galuega sa mafai ona ou faia, ae leai se tasi na manao e totogi a‘u. Sa ou taumafai e amata ni galuega eesecse na o a‘u, ae sa le aoga.”

O lona toalua, o Stephany, na lelei lana galuega, ae na le gafatia e lona totogi ona totogiina ia pili. E le‘i umi ae maua le tama a le ulugalii. Na la manauina le fiafia tele, ae na atili le manuia ai la tulaga tautupe. Na leai se latou fale, na tatau ona fa‘atau ese le la taavale, ma fa‘aaoga uma a la tupe teu. Mulimuli ane sa tatau ona latou siitia atu i se tamai fale a le tina o Stephany.

Ae e lei faavaivai ai Teddy. E le i pine ae maua se avanoa e le‘i mafaufaunuina.

O Le Mana o le Ola Tutoatasi

Ina ua mavae tausaga o tauiviga, na iloa e Teddy ua oo i le taimi mo se suiga.

“Sa ou filifili e ave vasega a le Ekalesia o le ola tutoatasi,” o lana tala lea. “Sa ou faalogo e uiga i na vasega ae na manatu i taimi uma e le mo a‘u. Na ou manatu e faatau i le faia o mea e oe lava ia. Na ofoofogia vasega.”

Muamua, na auai Teddy i se vaega o Tulaga Tautupe a le Tagata Lava Ia. Ona ia auai lea i se vaega o le Amataina ma le Faaolaina o La‘u Pisini. O vasega e fai i vaega na fesoasoani ia Teddy i lona malamalamā tau pisini ae na fesoasoani foi ia te ia e atiina ae faaleagaga.

“O le aveina o nei vasega na suia ai mea uma,” o lana tala lea. “Sa ou filifili e faia mea uma na latou aoaoina. Ma na vave ona suia a‘u tulaga tautupe. Sa amata ona ou totogiina se sefuluai atoa, tatalo i aso uma, suesue i tuisusiga paia, ma faatinoina le faatuatua. Ma na suia mea—na amata ona ou teuina tupe ma tausia le aso Sapati ia paia. O mataupu faavae uma na faamanuiaina au.”

I lana vaega o le Amataina ma le Faaolaina o La‘u Pisini, sa iloa e Teddy le auala e iloa ai se oloa manaomia e mafai ai ona manuia tagata faatau i le mea o lo‘o ia nofo ai. A o ia iloiloina mea na sailia e tagata, na amata ona solo mai musumusuga. I totonus o lana eria, e fiafia tagata i sanuisi fou, ae latou te fiafia e faatonu pe fai se oka—ma tiliva atu.

“E tele faleaiga e iai se latou sosi faapitoa e tulagaese ai a latou meaai,” o le tala lea a Teddy. “O lea na ou atiina ae ai la‘u lava sosi faapitoa mo sanuisi!”

Faaolaina o Lana Pisini

I le aso na ia fa‘alauiloa ai lana pisini, na faia ai e Teddy sanuisi e 30.

“I le tolusefulu minute mulimuli ane, na ou toe fo‘i ai i le fale,” o lana tala lea. “Na popole lo‘u toalua ina ua ia maua au

i luga o le nofoa. Sa ia fesili mai ia te au pe o le a le mea o loo ou faia i le fale—sa le tatau ona ou faatauina atu ni sanuisi? Ua uma ona ou faatauina atu uma!”

I isi vaiaso na sosoo ai, na faafesootai e Teddy pisini ma aoga i le lotoifale. E toatele na naunau e faatau ana sanuisi, ma na amata ona tuputupu ae lana pisini. Na vave ona ia a‘oa‘ina le auala e tausia ai fualaua faisua ina ia umi lo latou aoga. Na te silafia lelei foi le umi e lelei ai lana sosi faapitoa. Na ia faatonuina ma piki falaoa i afiafi taitasi. Na ia faatauina mai fualaua faisua i Aso Toonai, lea e itiiti ifo le tau ae o le a lelei pea i le Aso Gafua.

E lei leva ae mauaina e ia ni oka mo ituaiga faapitoa o sanuisi, ma e oo lava i ni oka tetele mo taimi faapitoa. Sa ia manaomia le fesoasoani ma na amata ona fai ana tagata faigaluega.

E ala i le faia o ni sootaga lelei ma a‘oga i totonus o le lotoifale ma pisini, na fatuina ai e Teddy ni tagata faatau faifai pea. I totonus o le fa masina, e valu tagata faigaluega ma sa faatauina atu sanuisi e 300 i le aso, lima aso i se vaiaso. O lana au fa‘atau na sili ona lelei na latou fa‘atau atu ai sanuisi uma lava e oo lava i le taimi o le taumafanafana ina ua tapunia a‘oga. O lenei ua saunia Teddy e toe faatele le pisini.

Talu ai na ia aveina vasega mo le ola tutoatasi, na musuia ai o ia i le fuafuaga o le pisini sanuisi. “Ona o lenei taiala mai le Ekalesia ma faamanuia ga ua ou mauaina,” ua ia saunoa ai, “E i ai sa‘u molimau malosi e uiga i le Ekalesia ma Iesu Keriso.” ■



O Le Ma Tama, o le Atalii o le Tama Faalelagi

Saunia e Jerlyn Murphy

Ola ma tama tama laitiiti pele, o Hayden, na sau i lenei lalolagi e lanumōana, e le'i manava, ma tauivi ina ia ola. Leai se tagi. Leai se minoi.

A o faanatinati faataamilo fomai ma tausimai i le potu o le falemai, sa ou iloa e i ai se mea ua tupu. Na vave ona tuuina atu e lo'u toalua ma lo'u tama ia Hayden se faamanuiaga faaleperisitua, ma sa faanatinati atu Hayden i le potu mo gasegase tigaina. Na vave ona faamaonia o loo maua o ia i se faaletonu i lona fatu e seasea tupu. I totonusi o ni nai aso na faia ai ni ona taotoga o le fatu.

E ala mai i le mana ofoofogia o faamanuiaga faaleperisitua, anapogi, ma tatalo, na faatoilaloia ai e Hayden mea faigata ma faasaoina lona ola. Sa ma fiafia tele i le aumaia o le ma atalii i le fale ma amataina o matou olaga fou faatasi.

Na aumaia e Hayden le olioli e le mafaamatalaina i o matou olaga. Matou te faapelepele ma alolofa ia te ia. Ae ina ua mavae se taimi, sa amata ona ou popole e le o faasolo ina malosi o ia e pei ona faamoemoeina. E ui na faa-mautinoa mai e tagata tomai faapitoa ia i matou o le a iu lava ina manuia, ae sa faaauau pea le popolevale ao ou tauivi e fesoasoani i la'u tama.

Sa ma suesue ma lo'u toalua e aoao mea uma ma te mafai e uiga i le ma'i o Hayden. Sa ma faia mea uma na ta'u mai e foma'i e fai. Ae e lei faasolo malosi lava.

Na ou vaivai ma faanoanoa. Sa ou aioi atu i lo'u Tama oi le Lagi e fesoasoani ia te au e saili se tasi e mafai ona fesoasoani ia Hayden, ae e lei oo mai se fesoasoani. Na faateleina le leaga o le tulaga a Hayden. Na amata ona

oso ona ma'i lili. Sa ma fefefe. Sa ma faapea o le a aveesea atu o ia.

I se tasi po, sa umi ona ou ala i le sailiga o nitali. Na ou tusia se tusi mo Hayden. Sa ou ta'u atu ia te ia le tele o lo'u alofa ia te ia ma lo'u tau-mafai malosi e faafaigofie lona olaga. Sa ou folafola atu o le a ou faaaluina le tele o lou olaga e taumafai ai e maua le fesoasoani na ia manaomia.

O le le fiafia ma le le mautonu na vave ona lofituina a'u. Na ou tootuli ma fesili atu i lo'u Tama i le Lagi, "Aisea?" Sa ou manatu na Ia auina mai Hayden ia te au ona sa Ia silafia o le a ou le fiu lava e taumafai e fesoasoani i la'u tama. Aisea e le mafai ai ona ou maua ni tali? Aisea na taitai atu ai e fomai fou ma togaftiga fou taitasi i se isi faafitauli? Pe e lei alofa le Tama Faalelagi ia Hayden?

O le a le galo ia te au lena taimi. O se lagona ofoofogia o le alofa na faafuasei ona fusia au. O upu e le o a'u e onaina na oo mai i lo'u mafaufau: "Jerlyn, e te manatu e sili atu lou alofa ia te ia nai lo a'u?"

Sa faateia au. Na foliga mai ua tumau le taimi. Na maligi o'u loimata—e le o le le fiafia e pei ona ou faalogoina muamua, ae mai le faamoemoe, malamalama, ma le alofa.

I lena lava taimi, na suia mea uma. Na faa-maluluina lo'u loto. Na suia a'u fesili. Ua ou malamalama nei e alofa lo'u Tama oi le Lagi ia

Hayden i se alofa atoatoa. Na auina mai Hayden i totonu o se tino e fetaui mo ona manaoga ma ona avanoa mo le tuputupu ae ma le a'oa'oina. E i ai lana ia lava seti tulaga ese o tomai ma luitau, e pei lava oi tatou taitoatasi. Ua ou iloa o tamaiti e i ai manaoga faapitoa o ni fanau taua ma pele a le Tama Faalelagi o loo i ai se misiona faapitoa i lenei lalolagi.

Ma te mauaina ma lo'u toalua ia tali ma

faamanuiaiga i taimi uma, ae e oo mai i le taimi a le Alii, ae le o ma'u lava. Ua ta'ita'iina i maua i tusi sao, togafitiga, a'oga, ma faiaoga e fesoasoani ai ia Hayden ia manuia i lona olaga faitino. Ma te taumafai e saili mo le ala ua tuu e lo tatou Tama oi le Lagi mo Hayden nai lo le ala na ma mananao mo ia e uia. O loo ma faia mea uma ma te mafai e fesoasoani ai ia Hayden ia ausia lona malosiaga paia ma ola i le olaga na fuafuaina e lona Tama Faalelagi mo ia. O le ma malamalamaaga i le fuafuaga a le Tama Faalelagi ua sili atu ona manino i le taimi nei ua ma iloa o Hayden na avea muamua ma Ona atalii ae le'i avea ma mata. ■

E alala le tusitala i Arisona, ISA.

O upu e le o a'u e ona na oo mai i lo'u mafaufau: "E te manatu e sili atu lou alofa ia te ia nai lo a'u?"



O LE TINO: O SE MEALOFA LE MAFAATAUINA

"Mo mafuaaga e masani ona le mailoa, e fananau mai ai nisi o tagata ma ni tapulaa faaletino. Atonu e faaletonu ni

vaega faapitoa o le tino. Atonu e le paleni vaega e faagaoioi ai le tino. Ma o o tatou tino uma lava e oo i ai faama'i ma le oti. Ae ui i lea, o le meaalofa o se tino faaletino e matuai taugata lava. A aunoa ma lena tino, e le mafai ona tatou maua se atoaga o le olioli.

"E le manaomia se tino atoatoa ia maua ai se faasinomaga e faavavau. O le mea moni, o nisi o agaga e sili ona lelei o i totonu o ni tino auma'i. O le tele o le malosi faaleagaga e masani ona atiina ae e tagata e i ai luitau faaletino ona e matuai luitauina i latou. O tagata faapena ua agavaa i faamanuiaiga uma o loo teuina e le Atua mo Ana fanau faamaoni ma usiusitai."

Peresitene Russell M. Nelson, "O Tatou o Fanau a le Atua," *Liahona*, Ian. 1999, 86–87.

Taulimaina o Faalavelave

Se taimi vave lava pe mulimuli ane, o le a feagai fanau ma faalavelave, pe latalata i le fale pe mamao. Ae “e tusa lava pe iai le lalolagi o lo o siomiaina i tatou i le le mautonu, e mafai ona tatou maua le faamanuiaga o le filemu i totonu.”¹ O nisi nei o mea e mafai ona e faia e fesoasoani ai i tamaiti ia lagona lena filemu.



Tulaga Mautu

Pe a tupu se mea mata'utia, e ono lagona e tamaiti e le o paleni lo latou lalolagi. Ia avea ma se faataitaiga o le toofilemu mo i latou. Tautala lemu ma le to'a e uiga i le mataupu. Tausisi i se faatulagana masani i le mea e te mafaia. Fai mea uma e mafai ona e faia e faaauau ai le faiga o afiafi faaleaiga, suesueina o tusitusiga paia, tatalo, ma isi tu masani a le aiga. I se taimi, e mafai e fanau ona aoaoina e tusa lava pe luluina lo latou lalolagi, e aumaia e le talalelei le malamalama ma o le a faaauau pea le olaga.

Faaaloalo

Faaali le faaaloalo mo lagona o tamaiti. Faalogo i tamaiti ma faailoa atu o latou lagona. Faaali atu ia i latou o lo'o e manatu mamafa i o latou popolega. Tuu atu avanoa ia i latou pe a latou mana'omia ae ia latou iloa o lo'o e avanoa pe a latou sauni e talanoa. Tali fa'amaoni fesili ao latou tula'i mai i se auala talafeagai ma lo latou matutua. Ia iloa e lau fanau e mafai ona latou talanoa atu ia te oe e uiga i o latou popolega ma atugaluga.



Taiala

Atonu e fesili lau fanau, “Aisea e faataga ai e le Atua ia mea leaga e tutupu?” Faamalamalama atu o taimi lelei uma ma taimi leaga o se vaega o le olaga ma o se vaega o le fuafuaga e faavavau a le Atua. Na te faatagaina tagata tai-toatasi e faia a latou lava filifiliga, ma o nisi taimi e fai ai e tagata filifiliga leaga e mafua ai mafatiaga. O isi taimi, o fa'alavelave e le mafua ona o se tasi, ae o se vaega o le natura. Po o le a lava le mea e tupu, o loo i ai le Tama Faalelagi iina mo i tatou. Faatasi ai ma Lana fesoasoani, e mafai ai ona tatou aoao ma tuputupu ae, e oo lava i aafiaga tiga. E mafai ona tatou liliu atu ia te Ia e maua ai le filemu.



Faamalosia

Faaali i tamaiti o lo'o i ai le mana ia i latou e faia ai se ese-esega e ala i le tuuina atu ia i latou o se auala e fesoasoani ai. Mo se fa'ata'ita'iga, e mafai ona latou fesoasoani i le aoina o foa'i mo tagata na afaina, asiiasi i se uo ma'i po o manu'a i le falema'i, fa'afafia se tasi o lo'o feagai ma se maliu i le aiga, pe tatalo mo i latou o lo'o tauivi. E le mafai ona tatou faaleleia mea uma, ae ua ia i tatou le malosi e faia ai le tele o mea lelei, ma "tatou te galulue mo le filemu i soo se taimi tatou te fesoasoani ai e faamama avega a le isi tagata."²



Faamafanafana

Faamanatu i lau fanau e alofa le Atua ia i latou ma e te alofa ia i latou. Aua nei e faia ni folafolaga pepelo e leai se leaga o le a tupu ia i latou, ae ia faamautinoia ia i latou o loo latou saogalemu i le taimi nei ma o le a e faia mea uma e te mafaia e puipua ai i latou. Faamautinoia atu ia i latou o le Tama Faalelagi o le a fesoasoani ia i latou i soo se tofotofoga e oo mai i lo latou ala.

Afai e te lagonaina e oe lava le lotovaivai i faigata, ia manatua i le iuga, o le a manumalo le lelei i le leaga. "O loo tatou tau ma le agasala, . . . ae le moomia ona tatou lotovaivai," na aoao mai ai Peresitene Thomas S. Monson (1927–2018). "O se taua tatou te mafaia ma o le a tatou manumalo. Ua tuuina mai e lo tatou Tama o i le Lagi ia auupega tatou te moomia e tau ai. O i ai o Ia i le foeuli. E leai se mea tatou te fefefe ai."³ ■

FAAMATALAGA

1. "Peace," Gospel Topics, [topics.lds.org](https://www.lds.org/topics/peace).
2. "Peace," Gospel Topics.
3. Thomas S. Monson, "Toe Tepa i Tua ma Agai i Luma," *Liahona*, Me 2008, 90.

MO TAMAITI

I le Uo mo lenei masina:

- "O Le A Ou Toe Vaai la Te ia" (itulau U20)
- "Kata Faamafanafana" (itulau U21)

Mo isi punaoa, asiiasi i le [lessonhelps.lds.org](https://www.lessonhelps.lds.org) ma kiliki le "Lesona Fesoasoani saunia i Ulutala."



MO LE TUPULAGA TALAVOU

I Le Lomiga Lenei:

- "Mauaina o le Filemu mo Oe Lava ma Isi i Taimi Faigata" (itulau 52–53).

Mo isi punaoa, asiiasi i le youth.lds.org



O Ta'ita'i A'u e le Atua?

O o tatou olaga e tumu i filifiliga tetele: o le a le matata e ave, o ai e tatau ona faaipoipo i ai, o fea e alu ai i le a'oga, ma isi. Ua faatumulua foi o tatou olaga i popolega o aso taitasi: filifili le faaaogaina sili o le taimi, taumafai e malamalama i aoaoga faavae, ma le mauaina o le filemu i le lotolotoi o tofotofoga. O mea uma lava na, **tatou te manaomia faaaliga faaletagata lava ia.** Ae o nisi taimi atonu e faigata ona iloa le auala e maua ai ma le auala e iloa ai pe a tatou faia. Pe a tatou le mauaina pe iloaina tali, tatou te ono mafau-fau, "Pe o le Agaga ea pe o lo'u lava manatu?" "Aisea na musuia ai a'u e fai lena mea ona le manuia lea?" "Aisea e foliga mai ai e le tali mai le Tama Faalelagi i au tatalo?"

O le mea e lelei ai, i le "Faia o Faaiuga: Faitalia ma Faaaliga" (itulau 44), e faasoa e Erin lana tala e uiga i faaaliga faaletagata lava ia ina ua ia fai se faaiuga e suaia ai le olaga. E ui e **finagalo le Atua e ta'ita'ia i tatou**, e finagalo foi o la e fesoasoani tatou te aoao e faalago-lago i la tatou faitalia e faia ai filifiliga lelei.

O le aaooina o le auala e talanoa atu le Agaga Paia iate te lava ia o se isi vaega taua o le mauaina ma le iloaina o faaaliga. E mafai ona eseese mo i tatou taitoatas. I le itulau 48, e toatele **autalavou matutua ua faasoa mai pe faapefea ona latou maua faaaliga.**

I se tusiga na o le faatekinolosi, o loo faamatala mai ai e Aspen e manaomia e faaaliga patino le "Faagaoioi Ou Maso Faaleagaga."

O le mafaufau i le lumanai e mafai ona lofituina, e oo lava i le taufaafefe. Ae maise lava o se autalavou matua. Ae a ou manatua le ala **na ta'ita'ia ai e le Atua lo'u olaga** i aso ua tuanai, ou te maua le lototele e agai ai i luma ma galue, ma le talitonu o le a **la faaauau pea ona tuuina mai ia te a'u le taitaiga ou te manaomia** i le ala.

Ma le faamaoni lava,

Katie Sue Embley

Katie Sue



AUTALAVOU MATUTUA

FAUTUAGA SILI . . .

Ua faasoa atu e le autalavou matutua le fautuaga sili ua latou mauaina e uiga i le mauaina o faaaliga patino:

"Na fautua mai lo'u faufautua i le EFY i se tasi taimi, 'Atiina ae la oulu sootaga ma le Atua o lou Tama agaga moni. O le malosi o lou sootaga ma la, o le tele foi lea o lou malamalamā ma taialaina.' O lena mea na faia ai se eseesega tele i a'u tatalo."

—**Grant Goolsby, Kafeonia, ISA**

"Na faia e le peteriaka o la matou siteki e tauloto e tagata uma se fuaitau se tasi: 'Ina ia maua faaaliga, faiatua faaaliga.' Na fesoasoani tele ia te a'u, a o ou faiatua ina tusitusiga paia."

—**Shellby Tippetts, Misuri, ISA**

"Faaavanoa se taimi e mafaufau loloto ai. Na mafaufau loloto Iosefa Samita i le lakopo 1:5 ao le'i filifili e faatino. O nisi taimi e finagalo le Tama Faalelagi tatou te faaalu se taimi i le tatalo ma sue-sue ao lei tuuina mai e la ia i tatou tali. E tele mea tatou te aoaoina i lena auala."

—**Natasha Herbst, Iuta, ISA**

"Faalogo ma lou loto, ae le o ou taliga."

—**Sai Tua, Amerika Samoa**

O le a le fautuaga aupito sili ona lelei na e mauaina e uiga i le salamo? Auina mai lau tali i le liahona.lds.org ae le'i oo i le aso 30 o Aperila 2019.

E UIGA I TUSITALA AUTALAVOU MATUTUA

Erin Rider o se loia ma se sui-faasalalau i se polokalama o faatalanoaga. Faatoa uma ona ia momoe i le afa muamua o lana malafoni. I lona taimi avanoa e fiafia ai o ia e faiatua tusi, a'e mauga, faasee i le sami i luga o se laupapa puupuu ma faaluina le taimi faatasi ma aiga ma uo.



Aspen Stander o se tusitala ma se faatonu mai luta, ISA. E fiafia o ia e a'e i mauga, malaga, faiatua tusi ma le taina o le piano.



OKatie Sue Embley e manatu o le lalolagi e tumu i tagata lelei o a latou tala e ao ona faasoa atu. E na te suesueina le tusitala ma le faaSipaniolo, faatasi ai ma le sini e #faasoaatulelelei.



FAASOA MAI LAU TALA

E i ai ni au tala uiga'ese e faasoa mai? Pe e te manao e vaai i ni tusiga e uiga i ni mataupu faapitoa? Afai o lea, matou te manao e faalogo atu ia te oe! E mafai ona e tuuina mai lau tusiga po o ou manatu i le liahona.lds.org.

I LE VAEGA LENEI

44 **Faia o Faaiuga: Faitalia ma Faaaliga**
Saunia e Erin Rider

48 **Faaaliga Faaletagata Lava la**



Saili nei tusiga ma isi:

- I le liahona.lds.org
- I le **YA Weekly** (i lalo "Autalavou Matutua" i le Gospel Library)
- I le [facebook.com/liahona](https://www.facebook.com/liahona)

NA O POLOKALAMA FAATEKINOLOSI

**Faagaoioi Ou Maso
Faaleagaga**
Saunia e Aspen Stander



Faia o Faaiuga: **Faitalia** ma **Faaaliga**

A o'o i filifiliga fai-gata, o le a le tele o lo tatou mana'omia e faalagolago i le Atua e ta'u mai ia i tatou le mea e tatau ona fai?

Saunia e Erin Rider

Oaso uma lava e feagai ai i tatou taitoatasi ma filifiliga. O nisi o filifiliga masani, e pei, "O le a le ofu e tatau ona ou ofuina?" "O le a se mea e tatau ona ou 'aia mo le aoauli?" "Pe o le taimi lenei e fa'atau ai se taavale fou, pe mafai ona ou faaaogaina la'u taavale tuai mo sina isi taimi umi?" Ae e masani lava ona tatou oo atu i se faaiuga tele "Pe ou te toe foi atu i le aoga?" "Pe tatau ona ou taliaina lenei galuega?" "Pe tatau ona ou see atu i se aai fou?" "Pe tatau ona ou faatauina se fale?" "Pe tatau ona ou tafao faamasani ma lenei tagata?" "Pe tatau ona ou faaipoipo i lenei tagata?" ma isi lava.

Pe a feagai ma filifiliga faigata, tatou te matele ia—talafeagai—e faaumiumi le taimi e fai ai se filifiliga. Tatou te mulimuli i le fautuaga na tuuina atu ia Oliva Kaotui i le Mataupu Faavae ma Feagaiga 9:8–9, lea na fatalai ai le Alii:

"Ae, faauta, Ou te fai atu ia te oe, e aoina e suesue i ai i lou mafaufau; ona ao lea ona e ole mai ia te au pe ua sao, ma afai ua sao, o le a Ou faia ia mu lou loto i totonus ia te oe; o lea, o le a e lagona ai ua sao.

"Ae afai ua le sao, o le a e le maua ni lagona faapena, ae o le a e maua se

mafaufauga papa o le a fai ai ia galo ia te oe le mea ua sese."

E ui o lenei mea e mautinoa lava o se fautuaga lelei, pe a oo mai i faaiuga faigata, o nisi taimi tatou te faalagolago tele i le vaega o loo ta'u mai ai e le Atua ia i tatou le mea tonu ma le le lava i le vaega o loo la fatalai mai ia i tatou e suesue i ai i o tatou mafaufau. E matua taofiofi i tatou i lalo ma faatalitali mo le Atua e faamonia a tatou faaiuga ma tatou faatagaina avanoa maoae e pasia i tatou. E mafai foi ona tatou iloaina le matafaioi a le fitalia, ae tatou te fefefe i le faia o se faaiuga lea e ono aveesea ai i tatou mai le tatou "fua-fuaga" na muai faatulagaina ma manatu o soo se mea e ese mai le mu i totonus po o se siufofoga mai le lagi o lona uiga ua sese la tatou filifiliga. Mo le toatele o i tatou, o lenei feeseseseiga le lelei i le va o le fitalia ma faaaliga patino e taitai atu ai i se tasi o fesili taua: O le a le matafaioi a le Atua i le fesoasoani ia i tatou i le faia o filifiliga?

O le Matafaioi a le Atua i le Faiga o a Tatou Filifiliga

Masalo o lenei fesili e sili ona taua e ala i le tala i le uso o lareto. O lo'o i ai se mamanu mata'ina o le tuputupu a'e i



lenei tala o lo'o a'oa'oina ai i tatou e uiga i le auala o lo'o fa'amoemoeina e le Atua tatou te faia ai filifiliga. Ina ua uma ona faaeseseina gagana i le Olo o Papelu, sa fesili atu lareto i lona uso e ole atu i le Alii pe tatau ona latou tuua le fanua, ma afai o lea, o fea e tatau ona latou o ai (tagai Eteru 1:36-43). Na fesili le uso o lareto, ma na taitaiina atu i latou e le Alii i le matafaga. Ao latou faimalaga, e fetalai le Alii ia i latou i se ao ma taitaia laasaga uma o la latou faigamalaga. Mulimuli ane latou te taunu atu i le matafaga, lea latou te nonofo ai mo le fa tausaga.

I le faaiuga o le fa tausaga, ua ta'u atu ai e le Atua i le uso o lareto e fau ni vaa ma sauni e sopoia le vasa. Ina ua iloa e le uso o lareto o le a leai se ea i totonu o vaa, e mulimuli lava o ia i le faatulagaga masani o le alu atu i le Atua e fesili i ai po o le a le mea e tatau ona ia faia. E pei ona faamoemoeina, e tali mai le Alii e ala i le tuuina atu ia te ia o faatonuga auilili e faia ai ni pu i pito i luga ma lalo o vaa. Matau le mamanu o faaaliga e oo mai i le taimi nei: Ua tuuina atu e le Atua ia i latou se fuafuaga, latou te tuuina atu ni fesili e uiga i le auala e faataunu ai le fuafuaga, ma e tali mai le Atua i ni tali auilili ma manino.

Ae ina ua uma ona ia faia ni pu i vaa, na iloa e le uso o lareto o le a leai se malamalama i totonu o vaa. Na ia toe fesili atu i le Atua po o le a le mea e tatau ona ia faia. Ae peitai, nai lo le tali atu, na fesili mai le Atua, "O le a se mea tou te mananao ia ou faia ina ia outou maua se malamalama i totonu o o outou vaa?" (Eteru 2:23). Nai lo le tuuina atu o faatonuga auilili e pei ona la faia muamua, o

le taimi lea o loo faatalitali le Alii mo le uso o lareto e filifili le mea e fai.

O lenei ituaiga tali mai le Alii atonu o le a sili ona faigata ona malamalama i ai pe a taumafai e faia se filifiliga. Ua a'oa'oina i tatou e tatalo ma faatalitali mo se tali, o le mea masani tatou te popole pe a tatou le faalogoina se tali. E masani ona tatou mafaufau o le leai o se tali manino e agavaa e avea o se "manatu le mautu" e ta'u mai ai ua sese la tatou filifiliga. O isi taimi tatou te mafaufau ai pe o lona uiga e le lava lo tatou amiontu e fa'alogi ai i le tali pe tatou te le o fesili atu ma le "manatu moni" (tagai Moronae 10:4). Ae o loo i ai se filifiliga lona tolu o nisi taimi tatou te le mafaufau ai—atonu, e pei o le uso o lareto, o loo faatalitali mai le Atua mo i *tatou* e fai la *tatou lava* filifiliga.

Faia o se Faaiuga

Sa ou feagai talu ai nei i se tulaga na luitauina ai le auala na ou mafaufau ai e uiga i le faitalia ma faaaliga patino. A o

ou latalata i le faaiuga o le aoga faauu, sa ofoina mai ia te au ni galuega eseese i aai eseese ma na le mafai ona ou filifilia po o fea e tatau ona filifilia. E pei o le uso o lareto, sa i ai ni o'u aafiaga i le tele o taimi lea na ou tatalo ai e uiga i se faaiuga taua ma na tali mai le Atua ma se tali mautinoa lava. O le faalagolago i na aafiaga na muamua atu, na amata ai ona ou tatalo ma ole atu i le Atua e fesoasoani ia te au e filifili po o fea le galuega e tatau ona ou filifilia. Sa ou faia foi la'u vaega e ala i le aoao e uiga i avanoa faigaluega taitasi ma gefautuai ma le toatele o tagata. Ae e tusa lava po o le a le tele o a'u tatalo pe anapogi, ae na filemu pea le lagi, ma ou te le'i maua se tali.

Na vave mai le taimi e fai ai se fa'aiuga, ma na amata ona ou popole. E mautinoa lava o le ituaiga filifiliga lenei e tatau ona popole i ai le Alii, aiseā na le tali mai ai o la? Masalo na te le popole po o le a le galuega na ou filifilia, ae e tatau ona ia popole po o fea le aai ou te siitia i ai,

ona o le a leai se masalosalo e i ai sona aafiaga i lo'u olaga. Sa masani ona popole le Alii i au filifiliga i le taimi ua tuanai, aisea la e le popole ai foi o la i lenei mea?

Ae po o le a lava le faigata o a'u tau-mafaiga, e leai se tali na oo mai. Sa amata ona ou mafaufau pe ua ou mamao ese mai le Atua ma ua le mafai ona ou lag-naina Lana tali. Na ou mafaufau foi pe le mafai ona ou faalogo ona sa ou le *manao* e faalogo i le tali. Mulimuli lava, o le aso ao lei o'o i le aso e faagata ai, na ou iloa e tatau ona ou faia se filifiliga, o lea na ou fa'aogaina ai la'u faamasinoga ma faia ai se fa'aiuga. O lena po na ou tatalo ai, fesili pe o le a la ta'u mai ia te a'u pe ua sese lau tali. Ae leai se tali na oo mai, o lea na ou filifilia ai le galuega e tatau ona ou pikiina.

I nai masina mulimuli ane, sa ou fesiliga pea la'u faaiuga, o lea sa ou talosaga ai mo se faamanuiaga faaleperisitua ina ia maua se faamautinoaga. I le faamautinoaga sa ta'uina mai ia te au ou te lei mauaina se tali i la'u tatalo ona sa fiafia le



Alii i soo se filifiliga na ou faia. O lenei faamanuia na faamalosia ai fautuaga na tuuina mai muamua ia te au e lo'u peresitene o le misiona, o le sa fai mai ia te a'u e masani ona le afaina poo a faaiuga tatou te faia. E finagalo le Atua tatou te aoao pe faapefea ona tutu i o tatou lava vae e lua ma filifili pe faapefea ona ola i o tatou olaga. Na faamanatu mai foi o lo'u peresitene o le misiona ia te au o le Atua, o lo tatou Tama Faalelagi, o le a le faasalaina i tatou ma aveese avanoa folafolina pe afai tatou te taumafai faamaoni e mafaufau po o le a le mea e fai.

E foliga mai na mafai e le uso o lareto ona fautuaina toetoe lava o soo se auala e fai ai moli o vaa, ma o le a lelei lea i le Alii. O le mafuaaga o le aafiaga e le gata mo le uso o lareto e faamalosia ai lona faatuatua ae ia aoao foi pe faapefea ona fai se faaiuga.

Fa'aogaina o le Faitalia

Mai se vaaiga e faavavau, o le fa'aogaina o le faitalia o se mea taua i le

tuputupu ae faaletagata lava ia. A aunoa ma lea, e le mafai ona tatou faia ituaiga o filifiliga o le a fesoasoani ia i tatou e ausia ai o tatou gafatia atoatoa. O le tuputupu ae, e pei o isi mea uma i le talalelei, e sau mai "lea fuitau i luga o lea fuitau, ma lea mataupu i luga o lea mataupu" (2 Nifae 28:30). E finagalo le Atua ina ia avea i tatou ma tagata saunia, ae le o ni tagata pipili, ma e finagalo o la ia tatou faaaogaina la tatou faitalia e ola ai i o tatou olaga i le mea sili tatou te mafafia.

O le taimi lava tatou te aoao ai e saili le paleni i le va o le fitalia ma faaliga, e mafai ona tatou iloaina le tuputupu ae faaleagaga moni. O le mea lea na tupu i le uso o lareto. Ina ua mae'a ona mafaufau i ai, sa ia galue e faaliusuavai ni maa e 16 mai se papa ma ole atu i le Atua e pa'i atu i ai ma faasusulu (tagai Eteru 3:1-5). O le taimi lea, ina ua tali mai le Atua, na suia mea uma. Nai lo le faalogoina o le siufogoa o le Atua i se ao, sa *vaai* moni lava le uso o lareto i le Alii, o le sa le gata

na faaali mai o ia ae sa faaalia foi i le uso o lareto faaaliga ofoofogia o le lalolagi ma mea uma o le a oo mai (tagai Eteru 3:6-26). E moni ailogia e mafai e le uso o lareto ona maua lena faaliga pe ana le saunia faaleagaga, pe afai e le i muamua ona ia iloaina le alualu i luma faaletagata lea na oo mai i le faia o lana lava filifiliga.

Ao tatou faia filifiliga, e tatau ona tatou mulimuli i fautuaga a Alema ia "filifili faatasi ma le Alii i au mea uma e fai" (Alema 37:37). A manaomia e le Alii i tatou e faia se faaiuga patino, o le a la faailoa mai ia i tatou ma fesoasoani e taofia i tatou mai le se ese. Ae e tatau foi ona tatou saunia e tutu i luga ma agai i luma i le faatuatua, pe oo mai se tali pe leai. Afai tatou te tausia a tatou feagaiga ma tumau faamaoni i le talalelei a lesu Keriso, e mafai ona tatou lagonaina le mautinoa i a tatou filifiliga amiontonu ma le filemu faapea e fiafia le Alii i a tatou taumafaiga. ■

E alala le tusitala i luta, ISA.



E faapefea ona e
iloa le eseesega
i le va o faa-
aliga ma ou lava
manatu?



FAAALIGA FAALETAGATA **LAVA IA**

Ua tatou ola i se lalolagi o le tele o avanoa. Ua ia i tatou le saolotoga e filifili ai
a tatou lava matata, aoga, toalua, le mea tatou te fia nonofo ai, ma le tele o
isi mea. E moni lava o se faamanuiaga o la tatou augatupulaga. Ae i le isi itu, e
sili atu le faigata o nei filifiliga uma aua e faigata ona fai filifiliga pe a tele auala
ma avanoa o le a ta'ita'i atu i mea lelei. E fa'apefea ona tatou filifili le sa'o pe a ua
tele naua avanoa e lelei? A e lagona le le mautinoa ma le le mautonu i lenei afa
o filifiliga, ia e iloa e finagalo le Tama Faalelagi e taitaiina oe. E mafai ona e filifilia
le ala sao ma maua tali o lo'o e sailia pe a e mulimuli i Lona siufofoga. Ia iloa pe
faapefea ona la fetalai atu ia te oe, faalagolago ia te la, mulimuli i le perofeta, ia
onosai, ia sili atu le fiafia, ma ia faatuatua, ma o le a taitaiina oe i le itu sa'o.

—Vira Vashchenko, Kyiv, Ukraine

Ilo'u olaga atoa na ou vaai ai i auala na taialaina ai a'u e le Alii, ma ou te iloa o
mea uma na ou ausia o le faafetai ia te la ma Lana taitaiga. E oo lava i taimi pe
a ou mafaufau ou te savali na o a'u, i le faaiuga, Na te tuuina mai ia ou iloa ma
lagona o loo i ai pea o ia iina ma au. O le mafuaaga lena ua ou faia ai le faaiuga e
faaaaua pe a i luma ma le faatuatua, e tusa lava pe ou te lagona ua na'o a'u lava.
Mo a'u, o lo'u ala e le manino i nisi taimi, ma e le mafai ona ou vaai i taimi uma i
mea o lo'o faatalitali mai mo a'u i le lumana'i, ae ou te faia i taimi uma laasaga o
le fa'atuatua, ona amata lea ona ou iloa le malamalama ma iloa le aao o le Atua i
lo'u olaga. Ou te iloa e alofa lo tatou Tama Faalelagi ma Lona Alo, o lesu Keriso, ia
i tatou ma e naunau i La'ua e taitai i tatou, ae La te faamoemoe foi ia i tatou e tuu
lo tatou faatuatua ia i La'ua ma galulue pe a tatou maua musumusuga a le Agaga.

—Indhira Mejia, Dominican Republic



Ou te manatu o se tasi o auala e sili ona ofoofogia e tatau ona tatou puleaina o le mafai lea ona iloa musumusuga malu a le Agaga Paia. O le suesue ma le filiga i tusitusiga paia ua tuleiina atili ai a'u ina ia ou iloa lelei. Ou te talitonu i taimi uma o le e saili ma le filiga o le a maua e ia; ma o le a faaali ia te ia mealilo a le Atua, e ala i le mana o le Agaga Paia (tagai 1 Nifae 10:19). I se isi faaupuga, afai ou te manao ia iloa le Agaga, e le mafai ona ou faatagaina a'u lava ia taitaiina atu i manatu po o popolega le aoga i aso uma o le olaga, ae e tatau ona ou matuai galue i le galuega ma faagalo a'u lava. O le taimi lena o le a sili atu ona mafai ona ou iloa le Agaga aua ua ou sauni mo lena mea! I le auala lava lea e tasi e le mafai ai e se vaa ona faigofie ona malaga i se afa, e le mafai ona tatou lagona le Agaga pe afai e aveesea i tatou e popolega o le olaga o loo i fafo atu o lo tatou malosiaga.

—Emmanuel Borngreat Dogbey, Accra, Kana

Ina ua ou matua, sa tatau ona ou a'oa'oina le gagana a le Agaga. E talanoa mai le Agaga ia te au e ala i mafaufauga faigofie. Sa faia ni faataitiga e faamasani ai, ae e masani lava ona oo mai le Agaga ia te au i nofoaga filemu, e pei o le aveina o la'u taavale i le galuega. Ou te iloa e le o o'u mafaufauga ona o le Agaga e masani ona oso mai i taimi ou te le'o mafaufau ai i lea mataupu.

—Clarissa Mae Taylor, Iuta, ISA

Ilo matou aiga laitiiti, matou te iloaina le Agaga ona o le filemu matou te lagonaina, ae maise lava faatasi ma lo'u toalua o se ulugalii. Pe afai o o tatou lava manatu, tatou te le lagona lava o le mea moni lava lea-e i ai lava le masalo-saloga ma le fefe. Ae afai o se faaaliga, tatou te lagona pea le filemu, e tusa lava pe tatou te taumafai e fa'amaonia ma e foliga mai e leai se uiga i le taimi muamua. Pe a tatou mulimuli i ai ma oo atu i le isi itu, tatou te va'ai atu ua fetau vaega uma ma o le a lelei mea uma. O le taimi lena e tilotilo atu ai le tasi i le isi ma fai atu, "Oi, o lenei ua sa'o!"

—Maryana Wright, Iuta, ISA



E ui e mafai ona tatou mauaina faaaliga faaletagata lava ia i auala eseese, ae tasi lava le mea e mautinoa e moni: E masani ona fetalai mai le Atua ia i tatou. Pau lava le mea e tatau ona tatou naunau e fai se taumafaiga e fa'ateleina lo tatou gafatia e iloa ma fa'alogi i Lona leo. E pei ona fautua mai Peresitene Russell M. Nelson: "Tatalo atu i le suafa o lesu Keriso e uiga i ou atuatuvala, ou popolega, ou vaivaiga—ioe, o faanaunauga o lou loto. Ona faalogo lea! Tusi i lalo manatu e oo mai i lou mafaufau. Faamau-mau i lalo ou lagona ma tulitatao i faatinoga e uunaia oe e fai. A e faisooa lenei faagasologa i lea aso ma lea aso, masina ma lea masina, tausaga ma lea tausaga, o le a e 'ola ai i le mataupu faavae o faaaliga" ("Faaaliga mo le Ekalesia, Faaaliga mo o Tatou Olaga," *Liahona*, Me 2018, 95). ■



AUTALAVOU

I LE VAEGA LENEI



54

- 52 Mauaina o le Filemu mo Oe
Lava ma Isi i Taimi Faigata
Saunia e Alex Hugie ma
Aspen Stander

- 54 O le Ola o se Malafoni
Saunia e Sally Johnson
Odekirk

- 60 Fesili ma Tali: E mafai faapefea ona fesoasoani lo'u
faamanuiga faapeteriaka ia te au e fai a'u faaiuga?

- 62 Faataitai Ni Tu Masani Fou
o le Eseta
Saunia e David Dickson

- 64 O Le Upu Mulimuli: O Le
Faaliga Sili o le Alofa
o le Atua
Saunia e Peresitene
M. Russell Ballard



Ina ua ou alu

muamua i le aoga maualuga, sa i ai se
mea se tasi na ou tauivi ai: pe a oo mai
se mataupu fou, e faigata ia te au ona
ou malamalama. I se tasi afiafi na ou
tatalo ai i le Tama Faalelagi e fesoasoani
ia te au ia malamalama ma foia
lena luitau. Na i ai lo'u faatuatua, ma
na mafai ona ou malamalama atili. Talu
mai lena taimi, o le tatalo ma le fa'atua-
tua na i luga o la'u lisi-o-mea-e-fai i le
aoga ma soo se mea ou te alu i ai.

O le i ai i se aoga mo tama/alii e
luitauina ona o nisi o mea le mama
e faia e tamaiti aoga. Pe a tupu lena
mea, e oo mai upu a o'u matua i lo'u
mafaufau: "Aua e te faia se mea o le a
tulieseai le Agaga Paia." Ou te faafetai
i lo'u tina, o lē e faamanatu mai pea ia
te au ia ou faalogo i le Agaga Paia. Pe
a tatou faia le mea sao, e faamanuia i
tatou e le Atua.

Nyame S., 16 tausaga, Kana



Onisi taimi e faavevesi ai ma faanenefu i tatou e le olaga. Atonu e te popole e uiga i atugaluga o aiga, mataupu tau soifua maloloina, faafitauli i le a'oga, po o le tele o fa'alavelave fai-gata i le lalolagi i aso nei. E mafai faapefea ona tatou maua le filemu faaletagata lava ia i se lalolagi o faigata? Pe o le leai o sou filemu e oo mai ona o mea e tutupu e le mafai ona e pulea pe mai i mea e mafai ona e pulea ma sua, o nisi nei o manatu e fesoasoani ia te oe e maua ai le filemu i totonu e ala mai ia lesu Keriso.

AUALA E 4 E MAUA AI LE FILEMU MO OE LAVA

1. Taulai atu i le faavavau

E faigata ona e lagona le filemu pe a e taulai atu i popolega pupuu. Ae afai e te taulai atu i le ata tele, o le fuafuaga a le Atua o le fiafia, e mafai ona e mauaina le filemu i le iloaina o mea e tiga i le taimi nei o le a le tumau e faavavau. Mo se faataitaiga, o le malumalu e fesoasoani tatou te taulai atu ai i le faavavau. Sa aoao mai Peresitene Gordon B. Hinckley (1910–2008) o totonu o le malumalu “o le a e iloa ai lea se filemu e te le mafai ona e maua i se isi lava mea.”¹

2. Ia lafoai mea e le mafai ona e puleaina

A aveesea e se mea i fafo atu o lou malosi lou filemu, e faaososoina le lagona o le leai o se faamoemoe pe ita. Ae e le mafai ona fesoasoani lou tumau ai i mea e le mafai ona e sua. Nai lo lena, ia faalatalata atu i le Faaola e maua ai le filemu i totonu e tusa lava pe tuuina atu e le olaga ni luitau faigata. Na la folafola mai o le a auina atu ia te oe le Faamafanafana, le Agaga Paia (tagai Ioane 14:26–27).

3. Faamagalo atu i isi

E masani lava o le mea e sili ona faigata e lafoai o le le fiafia lea e te lagona pe a sese se tasi ia te oe. Ae ua aoao mai Elder Dieter F. Uchtdorf o le Korama a Apostolo e Toasefululu: “O le a tatou maua le olioli o le faamagaloga i o tatou lava olaga pe a tatou naunau e tuuina fua atu lena olioli i isi. . . . O le taunuuga, o le a faatumulua e le Agaga o le Alii o tatou agaga i le olioli e o mai faatasi ma le filemu faalelagi o le lotofuatiaifo (tagai Mosaea 4:2–3).”² O le liliu atu i le Faaola e mafai ona fesoasoani e faasaoloto oe mai avega faalelagona ma faatumuina i le filemu.

4. Salamo ma faalagolago ia Keriso

E le afaina po o le a se isi mea o lo'o lelei i lou olaga, o le tau-aveina o le avega o le agasala o le a faoa ai mai ia te oe i taimi uma le filemu. O nisi taimi tatou te manaomia ai lo tatou epikopo e fesoasoani ia tatou salamo atoatoa. Ae tatou te manaomia uma le salamo e le aunoa ma, e ala i le Togiola a lesu Keriso, ia mama mai mea uma e taofia ai i tatou mai le avea atili e faapei o la.

MAUAINA O LE FILEMU





mo Oe Lava ma Isi i Taimi Faigata

Saunia e Alex Hugie ma Aspen Stander
Mekasini a le Ekalesia

*O auala nei e valu e fesoasoani ia te oe
ma isi ia lagona le filemu pe a o'o ina
faigata le olaga.*



AUALA E 4 E FESOASOANI AI I ISI IA MAUA LE FILEMU

1. Faasoa atu le talalelei a lesu Keriso

E pei lava ona tatou maua le filemu mo i tatou lava e ala i le taulai atu i le Faaola, e mafai ona tatou faasino atu isi ia te la "o le faavae o le filemu" (Mosaea 15:18). Mo se faataitaiga, e mafai ona e faasoa atu se mau po o se upusii mai se lauga o le konafesi aoao lea na fesoasoani ia te oe e aoao atili e uiga ia lesu Keriso.

2. Ia avea ma se e faatupuina le filemu

Fesoasoani i uo ma ou tei e foia faafitauli. E pei o le au Aneti-Nifae-Liae i le tusi a Alema, e mafai ona tatou tanuina a tatou auupega o le taua—auupega e pei o le faitatala, taui ma sui, po o le manatu faapito—ma fesuiai i latou ma meafaigaluega o le filemu: tautatala atu ma le agalelei, usiusitai i poloaiga a le Atua, ma faamagalo atu i isi (tagai Alema 24:19).

3. Ia avea ma se tagata e faalogo lelei

O nisi taimi o tagata o lo'o tauivi e mana'omia le talanoa fa'alauatele e uiga io latou mafauauga ma lagona nai lo le teuina i totonus. E le tatau ona tatou foia o latou faafitauli mo i latou, ae e mafai lava ona tatou faalogo atu i o latou popolega ma tuuina atu le lagolagosua, faaalalia le alofa faakeriso ma le malamalamala.

4. Auauna atu ia i latou i totonus o lau uarota ma le alalafaga

E mafai ona e volenitia i se fale mo i latou e leai ni aiga, auauna atu o se faiaoga mo lau tupulaga, pe avatu ni meaai mama i se aiga fou i lou lotoifale. Fesoasoani i tagata e maua le filemu i mea laiti. O le i ai o se nofoaga tumau e 'ai ma moe ai, o se faufautua fa'alagolagoina, po'o se fa'amautinoaga laitiiti faapea e popole ma alofa se tasi e mafai ona fesoasoani mo se taimi umi.

Na fetalai lesu i nei upu faamafanafana ia i latou uma e tauivi ina ia maua le filemu: "Ou te tuuina atu ia te outou le manua, o lo'u manua ou te avatu ai ia te outou: ou te le avatu ia te outou faapei ona avatu e le lalolagi. Aua le atuatuvale o outou loto, aua foi tou te matatau" Ioane 14:27). Afai tatou te aumaia i tatou lava ma isi ia latalata atu ia lesu Keriso, e mafai ona tatou maua le filemu e tusa lava pe faigata le olaga. ■

FAAMATALAGA

1. Gordon B. Hinckley, i le "Olioli i Faamanuiaga o le Malumalu," *Liahona*, Tes. 2002, 33.
2. Dieter F. Uchtdorf, "Vaega Tonu o le Toe Foi Saogalemu," *Liahona*, Me 2007, 101.



O LE OLAGA O SE M



ALAFONI

*O nei talavou o le Au Paia o
Aso e Gata Ai o loo ola i le
taimi nei i le mea na nofo ai
le Aposetolo o Paulo i taimi
o le Feagaiga Fou. Ma sa
latou ola i ana upu.*

Saunia e Sally Johnson Odekirk

Mekasini a le Eklesia

ni nai masina talu ai, sa potopoto ai se vasega seminare i Areopako, e latalata i Atenai, Eleni, lea na tuuina atu ai e le Aposetolo o Paulo se lauga mamana (tagai Galuega 17:22-34). Sa talanoa tagata aoga e uiga i aafiaga o le seminare i o latou olaga, e aofia ai aoaoga a Paulo.

"O le nofo ai i Eleni e avea ai le Feagaiga Fou o se mea moni," o le tala lea a Alexis H., 18 tausaga. "E fiafia lo'u tama e alu i nofoaga eseese ua faaleagaina lea na aoao ai Paulo ma faasoa mai se mau pe ta'u mai ia i matou se tala e uiga i le mea na tupu."

E pei lava ona feagai Paulo ma luitau i lona taimi, o le autalavou i Eleni latou te feagai foi ma faigata lautele, faaupufai, ma tulaga tautupe. O konafesi a le autalavou ma tolauapiga a Tamaitai Talavou e seasea tupu i Eleni, ma e oo lava i le auai i le seminare e mafai ona faigata. E ui lava i nei mea ma isi luitau, ae o le autalavou i Eleni na latou faaaogaina le faamalosiauga a Paulo e "tutumau i le agaga e tasi, ma le mafaufau e tasi o tauivi faatasi mo le faatuatua o le talalelei" (Filipi 1:27).

O le ola i Eleni o lona uiga o nei talavou e olioli i le mafanafana o le tau, matafaga, mea'ai, ma siva. Latou te fiafia tele foi e faatasiasi le tasi ma le isi. Ao latou feiloai i gaoioiga a le seminare ma le paranesi, ua latou malolosi atili ai i le faatuatua ma faauoga.


Seminare i Areopako

Ina ua amata le seminare i Eleni i ni nai tausaga talu ai, sa na o le lima tagata aoga. Latou te feiloai i taeao e tolu i le vайaso, faatasi ai ma le tu'ufa'atasia e ala i luga o fa'asalalauga i luga o le initoneti. Latou te feiloai foi i aoauli o Aso Lulu mo le seminare, sosoo ai



"Ua ou aaooina o le talalelei e tutusa lava i soo se mea. O le ola ai i atunu i fofo, ua ou aaoao e tauhai atu i upumoni o le talalelei ma lagonaina le Agaga nai lo le faalavelaveina e ala i le aganuu."

—Bryana W., 15




"Na ou tusia le upu manatua i luga o la'u fa'ata e manatua ai mea uma na tutupu i lenei tausaga: MMA, tolauapiga a Tamaitai Talavou, seminare. E fesoasoani ou te manatua ai le mea na ou sau ai."

—Marie H., 17



"Ou te iloa a ou alu i le seminare ou te lagona le fiafia i le iloa o loo ou faia le mea e tatau ona ou faia, ma ou te iloa o le a lelei mea uma."

—Lizzie T., 17



O Loukia C., 15 tausaga, na ia tuuina atu lana molimau mo le taimi muamua i le tolauapiga a Tamaitai Talavou ma papatiso mulimuli ane.



O le vaega seminare i luma o le falelotu o Atenai.

ma se gaoioiga. Ua latou vavalalata le tasi ma le isi ma avea ma se malamalama ia latou uo, o e matauina a latou faataitaiga. A fesili a latou uo i ni fesili, e aumai e le autalavou i latou i gaoioiga a le seminare ma le Mutualae.

Fai mai se tasi o alii talavou, o Pavlos K., 15 tausaga, "O le alu i le seminare o se auala lelei e amata ai le aso ma fesoasoani ia te au ia tumau malosi. Na te tu'uina a'u i le mafaufau o le avea ma se fa'ata'ita'iga i isi. E fesoasoani le amataina o le aso e mafaufau ai e uiga ia lesu Keriso."

A o tuputupu ae le autalavou i le malosi ma le lotogatasi, o le a oo mai faamanuiaga ma avanoa. Mo se faataitaiga, i le 2017 na faamanuiaina i latou e auai i le Mo Le Malosi o le Autalavou (MMA), o se konafesi aoao a le autalavou faaitulagi. Na auai foi tamaitai talavou i le uluui tolauapiga a Tamaitai Talavou i Eleni. O se taunuuga, ua latou tuputupu ae atili e pei o se vaega, ma e toalua tamaitai talavou na auai i le Ekalesia.

Konafesi MMA Faavaomalo

O le konafesi, na faia i Siamani, na aumaia faatasi ai le autalavou a le Au Paia o Aso e Gata Ai mai isi itu o Europa. O le autalavou mai Eleni ma Kuperu na malaga mai le fiaselau maila le mamao, ma o le auai i le konafesi na i ai se aafiaga loloto ia i latou. Mo Maximos A., 14, "o le

mea sili ona manatua pea i le MMA o le taimi na matou fefaasoa'i ai a matou molimau. Sa lagona e tagata uma le Agaga, ma na musuia ai au e atiina ae la'u lava molimau."

"I le taimi muamua na o le toafa talavou na tuu e auai," o le faaopoopo lea a Loukia C., 15, "ae i le faaiuga, sa maua le 15 na auai—o se matati'a lea mo Eleni—e aofia ai ni uo le lolotu."

"Sa ese le manaia o le faatasi i se mea e te faasoa atu ai le talalelei e tasi ma e le o oe o se tagata ese. Sa matou faatasi uma, ma sa matou lagonaina le Agaga lava e tasi. Na fesoasoani nei mea ia te a'u."

"O lo'u tama e le lotu ma na musu ou te alu i le MMA pe papatiso foi," o le tala lea a Jesiana, 16. "Ae o tagata o le paranesi na anapopogi mo a'u, ma sa talanoa lo'u tinamatua ma lo'u tama. Ina ua uma lena sa fai mai o ia e mafai ona ou alu!"

I le MMA, na ia iloaina le tele o mea mo le uluui taimi, e pei, "o le auai i lesona ma gaoioiga ma le tuuina atu o la'u molimau na fesoasoani ou te malamalama ai pe faapei le lagonaina moni lava o le Agaga Paia. Ou te lei lagonaina muamua lava le Agaga, ma sa ou matua olioli lava ma fiafia. Na ou tuuina atu la'u molimau mo le taimi muamua."

I le faaopoopo atu i le fafagaina faaleagaga, sa mafai e le autalavou ona malolo ma fiafia faatasi



Agai atu i le MMA, i Stuttgart, Siamani.

i le konafesi. Haig T., e 14 tausaga, na sau i le konafesi mai Kuperu. "Na ou aoao ina ia sili atu fegalegaleaiga, ia maua ni faauoga lelei, ma ia fiafia, e oo lava i taimi faigata."

Tolauapiga a Tamaitai Talavou

O le tolauapiga a Tamaitai Talavou na i ai foi se aafiaga faapena. Sa feiloai tamaitai talavou e toasefululua ma o latou taitai i tafatatafa o le nofoaga o le taua anamua o Marathon. Na latou fa'atasi i aso e tolu, a'oa'e o faalagolago le tasi i le isi mo le malosi ma le fa'amalosiau.

Ina ua 12 ou tausaga," o le tala lea a Loukia, "Na ou alu i le lotu mo le taimi muamua ma sa ou fiafia lava, ae na ou iloa ai na o a'u lava o la'u tupulaga. I le taimi nei, i le lua tausaga mulimuli ane, ua toatele tamaitai talavou ua i ai, mo le taimi muamua ua mafai ai ona matou faia le tolauapiga a Tamaitai Talavou." Ao latou feiloai faatasii, sa ia fai mai, "Na ou iloaina le uiga o le avea ma se Au Paia o Aso e Gata Ai. A tatou ola i le talalelei, e siomia i tatou e se malamalama."

Mo Bryana W., 15, o le MMA ma le tolauapiga a Tamaitai Talavou na fesoasoani ia te ia mafai ona talatalanoa atu i isi. "E tele taimi e siitia ai lo'u aiga, ma sa faigata ia te au ona faauo ma isi sua sa ou matamuli," o lana tala lea. "Ae ona sa ou latalata i la matou vaega i le MMA, sa ou faia ai ni uo lelei. I le taimi o le lotu molimau, sa matou fefaaosoai o matou lagona, ma sa ou iloaina na lagona e isi le auala lava e tasi sa ou maua."

O Marie H., 17, e manatuaina le autu o le tolauapiga, "O le olaga o se malafoni, ae le o se



I le konafesi MMA, sipela ai le upu "Ole," mai le lakopo 1:5.

"Tutu i le agaga e tasi, ma le mafaufau e tasi."

Filipi 1:27



"I le MMA, na amata ona matou avea ma se vaega ma na faamalosia i matou. Na fesoasoani e fausia ma uunaia le polokalama a le autalavou i Eleni auu o lenei ua sili atu lo matou iloa e le tasi o le isi." —Alexis H., 18



"O le pese i luga o le tulaga i le MMA o se tasi lea o mea e sili ona lototele na ou faia ma o se tasi o mea sili ona ofoofogia ua ou mauaina. I le taimi lava lena, sa ou aoaoina le taua o lo matou i ai i lenei lalolagi matagofie." —Irini S., 17



"O le vaega na sili ona ou fiafia i ai o le MMA o taaloga, siva, ma fonotaga a vaega, o faigalotu o le taeao ma iloilogi. Na fesoasoani ia te au ia sili atu le lotu fesoasoani ma onosai ma ia faafetaia atili tusitusiga paia."
—Haig T., 14



Irini S. o loo faafafia i le MMA.



"I le tolauapiga a Tamaitai Talavou sa ou aoaoina ai o le olaga e pei o se malafoni. Na fesoasoani ia te au e tuputupu ae ai lo'u faatuatua, ma le iloa e tatau ona matou faaaau i le ala sao, pei lava o matou tamomoe i se malafoni. O lena aafiaga e fesoasoani ia te au e tuputupu ae ai la'u molimau ma faaaau pea ona i ai le faatuatua ma tumau ai i le ala sa'o." —Winifred K., 14

"O le olaga o se malofoni, e le o se tuuga tamoe."

Autu mo tolauapiga a Tamaitai Talavou



Tamaitai talavou i Marathon, Eleni.



"E tulaga ese uma i tatou, e pei lava o tama'i maa i luga o le matafaga e tulaga ese lava." —Bryana W.



"O le matamata i le oso a'e o le la na aumaia ai se agaga toofilemu, ma le matagofie." —Lizzie T.

tuuga tamoe." Sa talanoaina e tamaitai talavou ma o latou taitai le taua o le tumau ma le faamaeaina o le tuuga, o lana tala lea. "Na faamanatu mai ia te au e mafai ona ou onosaia, fuafua la'u alu, ma tumau le taulai atu i le tini. Ona mafai lea ona ou ausia mea e finagalo le Tama Faalelagi ou te faia."

O se tasi o vaega taua o le tolauapiga o se faigalotu faa-oso-la i le matafaga i le latou taeao mulimuli. O Lizzie T., 17, na fai mai, "Na matou ave a matou tusitusiga paia, faia la matou faigalotu, ma matamata i le oso a'e o le la. Na matou lagonaina uma le alofa o le Atua. O se faiiuga matagofie i le taimi sa matou faa-aluina faatasi ma isi."

Faasaga atu i le Lumanai ma le le Fefe

"Mai le MMA ma le tolauapiga a Tamaitai Talavou, sa ou aoaoina ai le tele o mea e uiga i le talalelei ma pe mafai faapefea ona fesoasoani ia te a'u i lo'u olaga," o le tala lea a Irini S., 17. "Sa ou faia ni ue se tele ma iloa ai le taua o le faailoa atu o o'u mafaufuga ma lagona. Na ou lagonaina le loloto o le Agaga Paia ma le alofa o lo tatou Faaola, o lesu Keriso."


O le siomia ai e isi talavou o le Au Paia o Aso e Gata Ai, o lana tala lea, na faamalosia ai lona talitonuga. "A'o le'i o'o i le MMA na le mafai ona ou va'ai i mea lelei ma matagofie na faia e le Atua mo i tatou ma fuafuaga o lo'o ia faia pea mo i tatou."



Tolauapiga a Tamaitai Talavou, 2017–o le muamua lea i Eleni.

"E le tatau ona aafia i tatou i soo se tasi po o soo se mea o siomia ai i tatou o le a taumafai e toso ese i tatou mai le ola ai i le talalelei," o le tala lea a Manase A., 17. "E tutusa lava le talalelei i soo se mea ma e tatau ona tatou tumau i le ala sao."

Ma pe o i ai i Eleni po o se isi lava mea i le lalolagi, o le fa'asoaina o lena auala e mafai ai ona tatou tasi i le agaga. ■



Ou te fiafia tele e vaai pe faapefea le i ai i le autalavou o lo'o tutusa o latou talitonuga. Na ou lagona e pei na matou fesoootai uma i se auala faapitoa, e sili atu nai lo na o le iloaina o le igoa o le isi." —Pavlos K., 15




"Ou te fiafia ona sa ou maua le avanoa e feiloi ai ma isi talavou o feagai ma mea lava e tasi o loo feagai ma d'u i aso uma."

—Joshua K., 17



"O le MMA ma le tolauapiga a Tamaitai Talavou e tutusa lava lagona e tusa lava po o fea e te alu i ai i le lalolagi. Sa ou fiafia i le toalaiti o le tolauapiga a Tamaitai Talavou ona sa sili atu ona faigofie le fesoootai atu o le tasi i le isi."

—Olivia H., 15



"E le o d'u o se tagata o le Ekalesia, ae ou te sau i vaiaso uma ou te mafai. Ou te fiafia i tulaga e tutu ai tamaitai talavou."

—Irene C., 14

O Le Ekalesia i Eleni



I le amataga o le 1900, na auina atu ai e Rigas Pofantis, o se lomitusi mai Atenai, se talosaga i taitai o Le Ekalesia a lesu Keriso o le Au Paia o Aso e Gata Ai mo faamatalaga. O le peresitene o le misiona a le Ekalesia i Take na aoaoina ia Pofantis, lea na papatiso ia Oketopa 1905.



O le Ekalesia na tuputupu ae lemu i Eleni sei oo i le 1950, ina ua faatulagaina e tagata o le Ekalesia le au Eleni-Amerika i le Aai o Sate Leki, Iuta, ISA, le Sosaiete Helleni o le Au Paia o Aso e Gata Ai e taofia ai o latou talatuu ma faatumauina sootaga ma o latou atunuu.



Na faatulagaina e taitai o le Ekalesia se faapotopotoga laitiiti i Atenai i le 1965 ma toe faatulagaina i le 1967. Na latou faavaeina le Misiona a Atenai Eleni i le masina o Iulai 1990 ma mae'a le fausia o le uluui falelotu i Eleni ia Me 1999.




Atenai, Eleni, falelotu i Halandri



Tagata Auai o le Ekalesia: 802

Aulotu: 3



“E mafai faapefea ona fesoasoani lo’u faamanuiaga faapeteriaka ia te au e fai a’u faaiuga?”

“O se faamanuiaga faapeteriaka o se faaaliga i le tagata na mauaina, e oo lava i se laina paepae i lalo o le ogatotonu o le auala, e puipuia, musuia, ma faaosofia gaoioiga ma le amiotonu. O se faamanuiaga faapeteriaka e aofia ai mataupu mai lau tusi o avanoa e faavavau. . . .

“... O se Liahona o le malamalama e taitaina oe e le sese, i lou aiga faalelagi.”

Peresitene Thomas S. Monson (1927–2018), “O Lou Faamanuiaga Faapeteriaka: O Se Liahona o le Malamalama,” *Liahona*, Ian. 1987, 65, 67.



O La Tatou Liahona Patino

O faamanuiaga faapeteriaka o se auala lea e fesoasoani ai le Tama Faalelagi ia tatou iloa lo tatou muai olaga, olaga faitino, ma le faasinomaga e faavavau. O le iloaina o nei upumoni faapitoa e tolu e uiga ia i tatou lava, e fesoasoani tatou te mulimuli ai i le fuafauga a le Atua mo i tatou. Tatou te iloa po o ai i tatou, pe aisea ua tatou i ai iienei, ma po o fea e mafai ona tatou i ai. E pei ona galue le Liahona e tusa ai ma le faatuatua ma le maelega o Nifae ma lona aiga i le mulimuli i ana fautuaga (tagai i le 1 Nifae 16:28), e mafai foi ona tatou faamaoni ma filiga i le mulimuli i la tatou lava Liahona ma ana fautuaga, lea o le a taialaina ai i tatou i lo tatou malosi faaleatua.

Elder Utai, 20 tausaga, Misiona a Atenitina Salta



O Se Vaaiga e Faavavau

Soo se taimi lava ou te lagona ai le leai o se faamoemoe i le faia o faaiuga, ou te liliu atu i lo’u faamanuiaga faapeteriaka ma mafaufau loloto i ana faaaliga paia. Ona faigofie ai lea o le filifiliga. E le gata ina fesoasoani ia te au e onosaia lo’u olaga faalelagolagi ma selesele folafolaga folafolaina, ae e faamanatu mai ai foi ia te au le saunia o au e ulufale atu ma le agavaa i le malo o le Alii i se aso. E fesoasoani pea ia te au e tuputupu ae i le faatuatua, talitonu i le finagalo o le Alii, ma ola ai i se vaaiga e faavavau.

Abegail F., 18 tausaga, Vanu o Cagayan, Filipaina



Fautuaga Faalelagi

O lo'u faamanuiaga faapeteriaka e aumaia ai ia te au le fautuaga mai lo'u Tama Faalelagi. Afai ou te mulimuli i lena fautuaga, ou te

iloa o le a ou maua faaaliga i faiiuga e tatau ona ou faia. Na te taliina nisi o a'u fesili ae ou te le'i fesili atu.

Cami H., 16 tausaga, luta, ISA

Faalogo i le Agaga

Afai o loo e sailia le faamafanafanaga ma le taitaiga po o se tali i se fesili taua, e mafai ona e tatalo ma le faamaoni e uiga i ai ma faitau lou faamanuiaga faapeteriaka ma le manatu moni o le loto, ao e faalogo atu i le Agaga. O le suesueina o tusitusiga paia e fesoasoani foi. Ou te talitonu afai e te faia lenei mea ma le faatuatua moni, o le a tali mai le Alii ia te oe, i Lana lava taimi, i le auala sili.

Kezia P., 15 tausaga, Hawaii, ISA

Faamanuiaga Folafolaina

O faamanuiaga faapeteriaka e ta'u mai ia i tatou mea e finagalo le Atua e faamanua ai i tatou. Na te tuuina mai ia i tatou lapataiga ma faamatala pe mafai faapefea ona tatou avea atili e faapei o la. Pe a tatou iloa mea o loo teuina e le Tama Faalelagi mo i tatou ma auala e maua ai, o le a tatou filifili ma faatino e tusa ai ma le mauaina.

Hunter H., 18 tausaga, luta, ISA

O tali ua faamoemoe e mo le fesoasoani ma ni manatu, ae e le o se faalaulioaga aloaia o aoaoga faavae o le Ekalesia.



I le avea ai ma se tamaitai talavou, pe tatau ea ona sili atu lou taulai atu i le aoga ma se galuega po o le avea ma se ava ma se tina?

Ua tatou iloa "o le aiga o le totonugalemu lea o le fuafuaga a Lē Foafoa," ma "o le uluai matafaioi a tina o le faafailleleina lea o a latou fanau."¹ Ma ua tatou iloa foi, mo le tele o mafuaaga lelei, o alii ma tamaitai ua fautuina e perofeta ia a'otauina.² E le gata i lea, tatou te iloa o le tele o tamaitai o le a manaomia pe manana'o e saili ni galuega.

Na saunoa mai Peresitene Dallin H. Oaks, Fesoasoani Muamua i le Au Peresitene Sili, e uiga i tamaitai, o le filifiliga e le o le va o le aiga po'o le a'oga ma le galuega. "O le taimi tatou te filifili ai," o lana saunoaga lea. "Ma tatou te sailia musumusuga a le Alii ma aoaoga a Ana auauna i le faia o lena mea."³

Fuafua e a'otauina, ma fuafua e fai se aiga. E mafai foi ona e fuafua e maua se galuega. I nei mea uma, o lau taulaiga e tatau ona i ai i le mulimuli i le fuafuaga a le Tama Faalelagi ma saili Lona finagalo.

FAAMATALAGA

1. "O Le Aiga: O Se Folafolaga i le Lalolagi," familyproclamation.lds.org.
2. Tagai i le Mo Le Malosi o le Autalavou, (2011), 9.
3. Dallin H. Oaks, Face to Face event with Elder Oaks and Elder Ballard (worldwide young single adult event, Nov. 19, 2017), broadcasts.lds.org.

I le lds.org/go/41961, ua faasoa mai e se talavou matua lana tala o le mautinoa pe tatau ona taulai atu i lana galuega po o lona aiga. Tagai i le saunoaga a Peresitene Russell M. Nelson ia te ia.

O Le A Sou Manatu?

"O le a sau tala e fai atu pe a le talitonu au uo o mea e pei o le Muai Faaaliga e mafai ona tupu?"

Auina mai lau tali ma, afai e manaomia, o se ata manino lelei a o le'i oo i le aso 15 o Me 2019, i le liahona.lds.org (kiliki le "Submit an Article or Feedback"). Pe imeli mai lau tali ma lou atu i le liahona@ldschurch.org. Ia aofia ai lou igoa atoa ma igoa o lau uarota ma le siteki (po'o le paranesi ma le itu).

E ono iloiloina tali mo le uumi po o le manino.




Saunia e David Dickson
Mekasini a le Ekalesia

O le Kerisimasi e masani ona sili atu ona gauai atu i ai pe a oo i aso malolo. Peitai a aunoa ma mea ua leva ona tutupu lea tatou te faamanatuina i Eseta taitasi, o le a leai se Kerisimasi.

Na aoao mai Peresitene Gordon B. Hinckley (1910–2008) i se tasi taimi, “O le a leai se Kerisimasi pe ana faapea e leai se Eseta. O le pepe o lesu o Peteleema o le a pei o se isi lava pepe e aunoa ma le Keriso togiola o Ketesemane ma Kalevaria, ma le manumalo moni o le Toetu.”¹

O nisi nei o tu ma masani e mafai ona e fa'aopopoina i au faamanatuina faaletausaga.




1

O e Usuusu Pese i le Eseta

Tuu ese vaega malie i manu o tia ma tagata pupuu, o pese uma o le Kerisimasi e faatatau ia lesu Keriso. O le Eseta o le taimi sili lea mo musika e uiga i le Faaola, ma ioe, tusa lava pe pepese i faitotoa pito i luma o ou tuaoi.

Afai ua leai ni ou manatu, siaki le vaega “autu” o le tusi-pese i lalo o le “Eseta” ma le “Togiola” mo pese. Soo se pese e faamanatu ai lesu Keriso e fetau lelei mo pesepesega o le Eseta.



2


Faamagalo Se Tasi

E faafia ona e faafetai mo le meaalofa o le salamo? E ofoina atu e le Eseta se avanoa e fa'aopoopo atili ai i le auala tatou te tu'uina atu ai lena lava agaga o le faamagalo atu i isi.

Na aoao mai lesu: “O le mea lea, Ou te fai atu ai ia te outou, e tatau ona outou faamagalo i le tasi. . . .

“O Au, o le Alii, Ou te faamagalo i le o le a Ou faamagaloina, ae o outou ua poloaiina ia faamagalo atu i tagata uma” (Mataupu Faavae ma Feagaiga 64:9–10).

Fesili ifo ia te oe lava: O ai o loo e teuina ai ni lagona leaga? Tatalo mo le malosi e faamagalo ai lenei tagata, ma tuu atu i le Faaola e fesoasoani i na lagona tiga ia mou atu.



3

Tuufaatasi se Faaaliga, Tala, po o Isi Gaoioiga/Faatinoga

E mafai ona e faatulagaina se gaoioiga/faatinoga mo le Eseta. O se faataitaiga faigofie atonu o se faitauga faatusituisiga paia mo le afiafi faaleaiga po o se konaseti a le nuu.

Faataitai Ni — Tu Masani Fou o le Eseta



4

Asiasi i Tuugamau o e Pele

Ona o lesu Keriso, o le oti ua leai sona tui (tagai 1 Korinato 15:55). Faaalu se taimi e asiasi ai i tuugamau o e pele e mafaufau loloto ai i lenei tala fou fiafia.

E mafai foi ona e fatauina leotele nisi mau e te fiafia i ai o loo feagai ma le Toetu ao e asiasi i nei tuugamau. O nisi (o le *tele*) o mau e mafaufau i ai mo lenei vaega o 1 Korinito 15:20-22; Alema 11:42-44; ma le Matapu Faavae ma Feagai ga 88:14-16.



5

Ia Lelei Teisi Atu

O le Eseta e faamamaluina mea na tutupu i Ketesemane, o mea na tutupu i luga o le satauro, o le Faaola na toetu mai le oti i le aso lona tolu, ona auauna ai lea mo le 40 aso ao lei afio ae i le lagi.

E le gata i lea, e le'i leva talu ona afio a'e i le lagi, ae faaali atu lesu Keriso i Sa Nifae ma auauna atu ia i latou (tagai 3 Nifae 11-28). E tele naua mea e faamanatu!

Aisea e le faalautele ai lou vaitau o le Eseta? la fiafia pea lou agaga i wavega o le Eseta. Faia se taumafaiga malosi e avea atili faapei o Keriso i le 40 aso pe a mavae le Eseta. Mo musumusuga, mafaufau i le valaaulia lenei mai ia Peresitene Russell M. Nelson: "Faapaaina

I lenei Eseta, faalu sina isi taimi e manatua ai le meaalofa silisili ua tuuina mai.

se vaega o lou taimi i vaiaso taitasi e suesue *mea uma* na fetalaia ma faia e lesu e pei ona tusia i le Feagaiga Tuai, aua o la o le leova o le Feagaiga Tuai. Suesue i Ana tulafono e pei ona tusia i le Feagaiga Fou, aua o la o lona Keriso. Suesue i Ana aoaoga faavae e pei ona faamaumauina i le Tusi a Mamona, aua e leai se tusi o tusitusiga paia lea o loo manino ai ona faaalia Lana misiona ma Lana galuega. Ma suesue i Ana upu e pei ona tusia i le Matapu Faavae ma Feagaiga, aua o loo faaauau pea ona la aoaoina Ona tagata i lenei tisipenisione.²

O Loo Faatali Mai Au Tu Masani

Na aoao mai Elder Dieter F. Uchtdorf o le Korama a Aposetolo e Toasefululuua, "Ina ia maua le aso aupito taua i le talafaasolopito, e tatau ona tatou toe mafaufau i lena afiafi ua toetoe 2,000 tausaga talu ai i le Faatoaga o Kete-semane ina ua tootuli ifo lesu Keriso i le tatalo lotulotu ma ofoina atu la lava e fai ma togiola mo a tatou agasala."³

O mea sili ona taua na tutupu i le talafaasolopito e aoga le faaaluina o le taimi e mafaufau loloto i ai i tausaga ta'itasi. O tu masani e fesoasoani ia i matou e faia lena mea, tusa lava pe mai i lenei lisi po'o la oe lava filifiliga.

O le a le mea o le a e faaopoopoina i lenei tausaga? ■

FAAMATALAGA

- Gordon B. Hinckley, "O le Tala Moni ma le Ofoofogia o le Kerisimasi," *Liahona*, Tes. 2000, 5.
- Russell M. Nelson, "O Perofeta, Taitaiga, ma le Tulafono Faale lagi" (faigalotu i le lalolagi atoa mo talavou matutua, 8 Ian, 2017), broadcasts.lds.org.
- Dieter F. Uchtdorf, "Faauta i le Tagata! *Liahona*, Me 2018, 108.

O Le Faailoaga Sili o le Alofa o le Atua

Saunia e Elder M. Russell Ballard

Sui Peresitene o le Korama a Aposetolo e Toasefululua

Faaailoa mai e le Atua Lona alofa mo i tatou e ala i le saunia o le taitaiga tatou te mana'omia e alualu ai i luma ma ausia ai mea tatou te gafatia. O la o Le e sili Lona silafia e uiga ia i tatou, o mea tatou te gafatia, ma o tatou avanoa e faavavau ua tuuina mai ia i tatou fautuaga paia ma poloaiga i Ana tusi lesona—o tusitusiga paia. A tatou malamalama ma mulimuli i nei faatonuga, ua iai i o tatou olaga le faamoemoe ma le uiga. Tatou te iloa o lo tatou Foafoa e alofa ia i tatou ma finagalo mo lo tatou fiafia. I se faaaliga le mafaatusalia o lenei alofa paia mo i tatou, na la auina mai ai Lona Alo Pele e Toatasi, o lesu Keriso.

"Aua ua faapea lava ona alofa mai o le Atua i le lalolagi, ua ia au mai ai lona Atalii e toa-tasi, ina ia le fano se tasi e faatuatua ia te ia, a ia maua e ia le ola e faavavau.

"E lei auina mai e le Atua lona Atalii i le lalolagi ina ia faasala i le lalolagi; a ia faaolaina le lalolagi ia te ia" (Ioane 3:16–17).

Na soifua mai lesu i le olaga faitino. Sa ia taitaia se olaga atoatoa, ma, i le faia o lea tulaga, na faailogaina ai le ala mo i matou e mulimuli ai. Na la aoao Ona soo: "O A'u nei o le malamalama o le lalolagi; o le mulimuli mai ia te au, e le savali o ia i le pouliuli, a e ia te ia le malamalama o le ola" (Ioane 8:12).


Atonu tatou te amata ona malamalama i le loloto o le alofa o Keriso mo i tatou pe a tatou mafaufau na la naunau e togiola ma mafatia i le tiga mo a tatou agasala, "o le mafatia lea na oo ai ia te [ia] lava, o le Atua lava lea, o lē ua silisili i tagata uma, le gatete ona o le tiga, ma tafe toto ai pu afu uma, ma mafatia ai i le tino atoa ma le agaga" (Mataupu Faavae ma Feagaiga 19:18).

O lenei Eseta, ia tatou tuuina atu se faafetai faapitoa i le Atua mo le Togiola ma le Toetu o Lona Alo pele, o lesu Keriso. Aua ia te la, e ala ia te la, ma e ala mai ia te la, o lenei tulaga faaletino e mafai ona avea ma se olaga tumau, atoatoa, lea e le mafai ai e upu ona faaalia ai lo tatou olioli.

O mea ofoo fogia uma o le natura o ni ata o Lona mana paia ma fa'aaliga o Lona alofa. Ae o le wavega sili o wavega uma o loo faatalitali mai mo i tatou. O le a tupu pe afai, e ala i Lona mana, o le a tatou toetutu ai mai le oti ma le tuugamau i se lalolagi fou o le a le mavae, lea, afai tatou te agavaa, o le a tatou faatasi ma la ma lo tatou Tama oi le Lagi e faavavau faavavau lava. ■

Mai se saunoaga i le konafesi aoao ia Aperila 1988.

**Na faigaluega i le fale
faatau-taavale a
lona tama i le amataga o le
vaitau o le 1950 ma na avea
ma tagata faatau
taavale silia.**



**Sa soifua mai
i le aso 8 o Oketopa,
1928 i le
Aai o Sate
Leki, Iuta.**



**Na aoga i le
Iunivesite
o Iuta.**

Peresitene

M. RUSSELL BALLARD



**Na auauna
atu o se
peresitene
o le misiona
i le Misiona a
Kanata Toronto mai
le 1974 i le 1977.**



**Sa talai
faamisona i
Egelani.**



**Na feiloai i lona
faletua, o Barbara
Bowen, i le
“Siva o
le Aso
Faafeiloai”
a le lunivesite o luta.**



**E to'a 7 le fanau,
43 fanau a fanau,
ma fanau a fanau
a fanau e 91.**



**Na faaipoipo ia
Barbara
Bowen i le
Malumalu o Sate
Leki i le aso 28 o
Aokuso, 1951.**



**Na te teuina se kuki Oreo
i luga o lana kesi e fai ma faamanatu o
se tamaititi na faatoa faia se malaga
umi lava i se tolauapiga mo tagata
sulufai, na mauaina se pepa kuki, ma
ofoina atu le kuki muamua ia
Peresitene Ballard.**



**Tamamatua:
Elder Melvin J.
Ballard o le
Korama a
Apostolo e
Toasefululua**



**Tamamatua:
Elder Ailama
Maka Samita
o le Korama
a Apostolo e
Toasefululua**



**Sa lagolagoina i le
Korama a
Apostolo e
Toasefululua
i le aso 6 o Oketopa,
1985.**




**Vaetofia e avea ma
Sui
Peresitene
o le Korama a
Apostolo e Toasefululua i le aso
14 o Ianuari, 2018.**

**Ina ua maea le konafesi aoao ia Oketopa
1980, sa ia tusia le
sili atu i le
600 tusi
faamalosiau i tagata
o le ekalesia sa tauivi
ma a latou molimau.**

NISI ITULAU MO TAMAITI

Faaaoga lelei le *Uo* fou. Afai e leai ni tamaiti i lou fale, e mafai ona e:

- Faasoa atu le *Uo* ma se aiga e le mauaina le *O Le Liahona*.
- Ave i se uo po o se tuaoi.
- Tuu atu i se taitai o le Peraimeri po o se faiaoga.



Aperito 2019

O le voega a tamaili o le Liahona, idominau e le Eklesia a Jesu, Keriso o le Au Paia o Aso e Gata Ai

AUTALAVOU MATUTUA
MANAOMIA LE
FESOASOANI I
FILIFILIGA TETELE?

42

AUTALAVOU
MAUAINA O LE
FILEMU MO OE LAVA
MA ISI

52

ESETA
TU MASANI FOU

62

O LE EKALESIA A
IESU KERISO
O LE AU PAIA O ASO
E GATA AI

UO



O le Tala o le
ESETA

Tagai i itulau 4-6



Saunia e
Peresitene
Russell M. Nelson

O Le MEAALOFA Sili a Le Atua



Le tasi aso na ma vaia ma Sister Nelson ni i'a o le moana i se koneteina tioata mo i'a. O i'a felanulanua'i i lanu sesega ma foliga eseese sa femasaua'i solo. Sa ou fesili atu i se tagata faigaluega sa latalata mai, "O ai e fafagaina nei i'a matagofie?"

Sa tali mai o ia, "O a'u."

Ona ou fesili atu lea, "Pe ua latou faafetai atu ea ia te oe?"

Sa ia tali mai, "E lei oo i le taimi!"

O nisi tagata e pei o na i'a. Latou te le manatunatu i le Atua ma Lona agalelei ia i latou. E matuai sili atu le lelei o le a i ai pe afai e mafai ona manatunatu atili ia tagata uma i le alofa o le Atua ma faailoa atu lena agaga faafetai ia te Ia.

Loto faafetai mo Iesu Keriso

Na auina mai e le Atua Lona Alo, o Iesu Keriso, e fesoasoani ia i tatou. Na ia faia lena mea ona e alofa tele o Ia ia i tatou.

Na afio mai Iesu e **togiola** i tatou.

Ona o Lana **Togiola**, ua mafai ai ona tatou toetutu pe a mavae le oti.

Ona o Lana Togiola, ua mafai ai ona tatou toe foi atu e nonofa faatasi ma lo tatou Tama Faalelagi e faavavau.

Sa faamalamalama mai e Iesu:

"O au nei o le toe tu, ma le ola: o le faatuatua mai ia te au, e ui lava ina oti, a e ola lava ia:

O tagata ola uma o e faatuatua
mai ia te au e le oti lava"

(Ioane 11:25–26).

O le savali matagofie lenei o le Eseta! ●



togiola:

tologi a tatou agasala ina ia mafai ona tatou toe foi atu i le Atua

Togiola:

ina ua mafatia lesu mo a tatou agasala i le Faatoaga o Ketesemane ma maliu i luga o le satauro i Kalevaria

*Mai le "Ia Faafetaia le Atua,"
Liahona, Me 2012, 77–80.*


O Iesu O Lo'u Faaola

Na toetu mai Iesu i le taeao o le Eseta. Faitau ia fuaiupu e saili ai mea na la faia mo i tatou. Valivali se ave o le la pe a uma ona e faitauina fuaiupu ta'itasi. Ona valivali atoa lea o le ata.

Na mafatia Iesu i Kerese mane ma luga o le satauro e laveai i tatou mai a tatou agasala.
Na malu Iesu ma toetu mai e laveai i tatou mai le oti.
Na tuuina mai e Iesu ia i tatou le faamanatuga e fesoasoani tatou te manatua ai o Ia.
Na ooo i tatou e Iesu e faamagalo atu i isi.
Na faaali mai e Iesu ia i tatou pe faapefa ona agalelei.

Ona o Iesu, o le a tatou toetutu uma ai pe a mavae le oti.

O le Tala o le Eseta



Na alofa Iesu i Ana uo. Sa Ia mulumuluina o latou vae.
Ona Ia tuuina atu lea ia i latou le faamanatuga. Na Ia faapea atu ia i latou ia
manatua o Ia. Na Ia faapea atu ia i latou ia alofa le tasi i le isi.




Mulimuli ane, na alu
Iesu i se togalaau. Na
tatalo o Ia mo i tatou
uma. Sa Ia lagonaina le
tiga o o tatou ma'i. Sa
Ia lagonaina le tiga o a
tatou agasala.

Na ave e tagata leaga Iesu. Sa latou faatiga ia te Ia. Na maliu o Ia i luga o le satauro mo i tatou. Na tuu e Ana uo Lona tino i se tuugamau.



E tolu aso mulimuli ane, na toe foi mai Ana uo. Ua avanoa le tuugamau! Na ta'u atu e agelu ia i latou, "Ua toetu o Ia." Sa toe soifua mai Iesu! Ona o Iesu, o le a tatou toetutu uma ai pe a mavae le otí.



E alofa Iesu ia te a'u. E mafai ona ou faia le Eseta ia faapitoa e ala i
le manatuaina o Ia. ●

Faitau e uiga i le taeao o le Eseta i le Mataio 28.

Pe A Ou Toefo'i ia te la

Fiafia ♩ = 90–96

Upu ma le fati na tusia e Sally DeFord

1. E a - lofa le leo - leo i Ana ma-moe, Ma pe a la - tou se, Na
 2. E a - lofa Ie - su iA - na fa - nau, Ma pe a ou taa - se, Na
 3. E faa - i - lo - ga e Ie - su Le ala ou te ola ai, A

te sa - 'i - li i la - tou; Vala - 'au la - tou i - goa. Latou
 te sa - i - li a - 'u I le ao po o le po. Ou
 ou se - se pe lei - loa, Na te faa-ma - ga - lo. Ou

te faa - logo i Lo - na leo; Ma su - lu ia te Ia. Na te
 te faa - logo i Lo - na leo. Ma sau i - a te Ia. Na te
 te faa - logo i Lo - na leo Ma lafo - a'i aga - sa - la. Na te

fusi la - tou i le a - lo - fa Pe a toe - fo'i ia te Ia.
 fusi a - 'u i le a - lo - fa Pe a ou fo'i ia te Ia.
 faa - tumu a'u i le oli - o - li Pe a ou fo'i ia te Ia.

Saunia e Jane McBride

E faavae i se tala moni

"Fai le mea lena e faamaoni" (2 Korinito 13:7).

"O u te mana'o e te va'aia lou tuagane," o le tala lea a Mama. "Ma te o ma lau pa e fesoasoani i se tasi o ma'i."

Sa ou tilotilo a'e mai le saluina o le fola o lo matou tamai fale ma lue atu lou ulu. O Mama o le peresitene o le Aualofa, ma e masani ona alu e asiiasi i tamaitai i la matou uarota.

"Faafetai lava, Arlyn," o le tala lea a Mama, ao kisi i lou tumuai. "O loo moe Ioane. Ma o loo fefete le paluga falaoa i luga o le laulau. Faamolemole aua ete tago i ai."

Sa ou tilotilo atu i le faitotoa ao la tietie atu ma Pa i le taavaletoso i luga o la matou auala pefu. Na ou lagona le mitamita na talitonuina a'u e Mama.

A o ou saluina le umukuka, sa ou tu e vaai i le paluga falaoa. Sa le mafai ona ou faatali mo Mama e tao nanei. E masani lava matou te aia le falaoa fou ma le siamu na fai i le fale. Ae na uma le matou siamu i le tolu masina talu ai.

Siamu! O le manatu na mafua ai ona ou fiaai mo se mea suamalie. Sa ou tilotilo i luga i le fagu suka, i le pito i luga o le fata. Sa ou iloa na teuina e Mama e fai ai se isi siamu.

Ae o le tele o lo'u mafaufau e uiga i le suka, o le malosi foi lea o le fiaai na ou lagonaina. Mulimuli ane, na ou tosoina se nofoa i le fata ma aapa atu. Na'o sina pa'i atu lava o o'u tamatama'ilima i le fagu suka. Na ou tosoina latalata ane i le pito o le fata. . . .

Ona se'e lea o le fagu mai le fata! Na ou taumafai e sapo, ae na pau ma le leoteli i le ogatotonu o le paluga falaoa. Na masaa solo le suka i luga o le falaoa ma le laulau ma luga o le fola.

"Auoi leai!" Na ou alaga ai. Lea na te'i ai i luga lo'u tuagane pepe. Na amata ona tagi. *Na ou fia tagi foi.* O le a se tala a Mama e uiga i lenei gasu?



Faamaoni Suamalie



Ina ua uma ona ou faagaina Ioane, sa ou faia le mea sili e faamama ai le suka. Na ou aveeseina le fagu mai le paluga ma fufulu. Na ou solo ese le suka mai luga o le fata ma le fola. Ae sa leai se mea e mafai ona ou faia e aveese ai le suka mai le paluga.

Sa ou mafaufau e toe tuu le fagu suka i luga o le fata. Masalo o le a le iloa e Mama ua leai se mea. Ae na ou iloa e le o le sa'o lena. O lea sa ou faatuina ai le fagu i luga o le laulau ma faatalitali mo Mama ma Pa e toe foi mai i le fale.

Ina ua la taunu i le fale, sa iloaina e Mama le fagu suka i le taimi lava lena.

Sa ou manava loloa. "Na ou manao i se tofo o le suka. Ae na lavea ia te a'u le fagu ma pau ai mai le fata. Sa ou taumafai e faamama, ae le mafai ona ou aumaia mai le palu falaoa." O upu na faanatinati atu ao ou tilotilo i lalo i le fola.

Sa filemu Mama mo se minute.

"Ou te faamalie atu," sa ou musumusu atu ai.

Sa mapuea Mama. "Ia, ou te matea o le a sili atu ona suamalie le falaoa nanei," na ia fai mai ai. Sa ou vaai atu i luga. Sa ia ataata laitiiti mai ia te a'u. "Faafetai mo le ta'uina mai ia i ma'ua o le mea na tupu."

A'o matou aai i le falaoa sumalie i lena po, na matou talanoa ma Mama ma Pa e uiga i le faamaoni.

"Tatou te faia uma ni mea sese i le olaga," o le tala lea a Pa. "Ae a tatou faamaoni ma taumafai e salamo, e fiafia le Tama Faalelagi ma Iesu. O le a faamanuiaina i tatou i taimi uma ona o le faamaoni—e tusa lava pe sili atu ona faigata i le taimi muamua."

Sa ou faanoanoa pea na masaa ia a'u le suka. Na ou iloa atonu o le a le tele se matou siamu i lenei tausaga ona o lo'u sese. Ae sa ou fiafia na ou ta'uina le mea moni. O se lagona manaia lea e leai se suka e mafai ona tuuina mai. ●

E alaala le tusitala i Kolorato, ISA.



"O le tausia o poloaiga paia e aumaia ai faamanuiaiga, i taimi uma! O le solia o poloaiga paia e le aumaia ai faamanuiaiga, i taimi uma!"

Peresitene Russell M. Nelson, "Ia Faaali Atu Lou Faatuatua," *Liahona*, Me 2014, 30.

Ua Asiasi Elder Bednar i Initia

Na malaga Elder David A. Bednar ma lona faletua, o Susan Bednar, e faasoa atu lana molimau ia Iesu Keriso ma tagata o le Ekalesia i Initia. O Initia o se tasi o atunuu e sili ona tele i le lalolagi. Ma o le a le umi ae maua lona malu-malu muamua!

Na o atu Elder ma Sister Bednar i le aai o Rajahmundry. E le'i oo muamua lava se Apostolo iina.

Na lulu lima tamaiti ma
Elder Bednar.

I se fonotaga i le aai o Hyderabad,
na fai ai e lenei teineitiiti se fesili
ia Elder Bednar.

“O le tele lava ona ou
malaga i le lalolagi, o le
tele o atunuu ou te asiasi
i ai, o le tele lea o tagata ua
faamanuaina a'u e aaoao mai ai,
o le tele foi lena o lou iloaina
o tagata i le lalolagi
e tutusa uma lava.”

Sa fiafia tagata uma e faalogo
i le molimau a se Apostolo
a le Atua!

FAAFETAUI ELEFANE

Pe lata i le 30,000 elefane a Initia. E fia paga tutusa e mafai ona e mauaina i lalo?
O a nisi o manu e sili ona e fiafia i ai na foafoaina e le Tama Faalelagi ma Iesu Keriso?



O Tatou PEROFETA ma APOSETOLO

E taitata e Iesu Keriso Le Ekalesia a Iesu Keriso o le Au Paia o Aso e Gata Ai e alai i perefeta ma aposetolo. Faitau e uiga ia i latou i lalo. Ona **oti ese lea o ato ie itulau U23** ma faqipii i luga o le siata. Faqipii le pito i luga o ato taitasi ina ia mafai ona e lifina i luga e faitau mea moni o loo tusia i le pito i lalo!

- Sa faamamaina se faleoloa e lipetina leitio o se galuega muonua
- Na avea o se loia ma se faamaisino o le Faamaisinoga Maualuga a luta
- Sa avea ma peresitene o le Iunivesite a Polikia Iogia



Peresitene Dallin H. Oaks

*Fesoasani Muamua i le Au Peresitene Sili
O Aso e Gata Ai Lona 17*

- Sa tauvalaau o "le epikopa" i le kolisi ona o ona tulaga faatomuina maudululu
- Sa faatautaoa se pisinisi faatau taavale
- Sa auiauna atu o se faifeauta-lai i Egelani ma se peresitene o le misiona i Toronto, Kanada



Peresitene M. Russell Ballard

Sui Peresitene o le Korama a Aposetolo e Toasefululu

- Sa o se fomai tipitipi o le fatu
- Suesueina le tele o gaganu, e aofiai ai le faa-Mandarin
- E to'a 10 lana fanau: 9 teine, ma le tama e foat 1



Peresitene Russell M. Nelson

*Peresitene O Le Ekalesia a Iesu Keriso o le Au Paia
O Aso e Gata Ai Lona 17*

- Na fadluua ona avea ma se tagata sulufai o loaiiti
- Na avea ma se kapeteni vaalele
- E fiafia e faasee i'i luga o le aisai ma lana fanau ma fanau a fanau



Elder Jeffrey R. Holland

O Le Korama a Aposetolo e Toasefululu

- Sa taalo pasiketipolo i le aoga maualuga
- Sa adooina le fisiki mai lona tamai i le louupapa a le latou aiga
- Sa avea ma peresitene o le Kolisi a Ricks, o lea ua BYU-Idaho



Peresitene Russell M. Nelson

Fesoasani Lua i le Au Peresitene Sili

- Sa avea ma se ata e pasia le polo i le au lakapi Amerika a lana aoga maualuga
- Ina ua uma ona auauua atu i se misiona i Siamani, sa ia papatisoina iona tama o se tagata o le Ekalesia
- Sa avea ma peresitene o le Kolisi a Ricks ina ua avea ma BYU-Idaho



Elder Dieter F. Uchtdorf

O Le Korama a Aposetolo e Toasefululu

Elder David A. Bednar

O Le Korama a Aposetolo e Toasefululu

- Sa avea ma perestene o le misiona i le Aai o Niu Ioka, ISA
- O lona rautinoga "O tagata e sili oma taua"
- Faapaiaina le fale muamua o le Au Paia o Aso e Gata Aii Czech Republic



- Na soifua ae i se faatoaga lafū povī Idaho, ISA
- Sa avea o se faifeautulai ma le perestene o le misiona i Farani
- Tautala i le faa-Farani, faa-Protukale, fao-Sipaniolo, ma le gaggana Igilisi



- Sa taoina falaoa fai i le fale mo lona aiga ao tuputupu ae
- Auai i le Tala Faatinō a le Mauga o Kumora i Niu Ioka do talavou
- Sa ia galue o se loia ao lei valauina o se Aposetolo



- Na maua se molimau ina ua uma ona suesue i tusiusiga paia ma tatalo fatatasi ma lona uso matua
- Sa ia vaia lona faletua i le lumana i se faooliga talenti o le aoga tulaga iua maulugia
- Sa avea ma se taitai o le Ekalesia i le atu Filipina ma Motu o le Pasefika



Elder D. Todd Christofferson

O Le Korama a Aposetolo e Toasefululuā

Elder Quentin L. Cook

O Le Korama a Aposetolo e Toasefululuā

Elder Neil L. Andersen

O Le Korama a Aposetolo e Toasefululuā

Elder Ronald A. Rasband

O Le Korama a Aposetolo e Toasefululuā

Elder Gary E. Stevenson

O Le Korama a Aposetolo e Toasefululuā

Elder Gerrit W. Gong

O Le Korama a Aposetolo e Toasefululuā

Elder Dale G. Renlund

O Le Korama a Aposetolo e Toasefululuā

Elder Ulisses Soares

O Le Korama a Aposetolo e Toasefululuā

- Sa auauna atu o se faifeautalai ma mulimuli one o se perestene o le misiona i Japoni
- Sa amataina se pisinisi e fusia ma faatau atu masini faamalositino
- Sa auauna atu o se epikopo le Ekalesia atoa



- O lona igoa ogatotonu, o Gunnar, o lona uiga "fitafitatoa"
- Na siitia ma lona aiga mai luta i suetenā ina ua 11 ona tausaga
- Sa galue o se fomai o le fatu



- Fiafia i manu, e aofia ai ma penguins
- Fiafia e felioai i tagata i atunu uma
- O le talafaasolopio faaleiga o Elder Gong e oo atu i le Uluai Dragon Gong i le 837 TA



- E sou mai Pasila ma sa aquauna atu o se faifeautalai iina ma se perestene o le misiona i Potukale
- Na aoo ma lona aiga e uiga i le Ekalesia a'o latitini
- Na amata ona sauuniuni mo se misiona ina ua 12 ona tausaga



Siaki au tali i le [lds.org/prophets-and-apostles](https://www.lds.org/prophets-and-apostles).

O Le PELAUE O LOO MISI



Saunia e Sheila Kindred

E faavae i se tala moni

"O A'u, o le Alii, Ou te faamagalo i le o le a Ou faamagaloina, ae o outou ua poloaiina ia faamagalo atu i tagata uma" (Mataupu Faavae ma Feagaiga 64:10).

Tina, ua leai so'u pelaue!" Na fai atu ai Brad. Ua oo i le taimi e alu ai i le fale mai le lotu, ae ua le mafai ona maua e Brad lona pelaue i luga o le tautau lavalava.

"E te mautinoa o iina na tautau ai?" O le fesili lea a tina.

"Ioe. O i tonu lava." O le pelaue a Brad e lanumoana sesega ma lanu mumu. Sa faigata ona misi i le vaai.

"Masalo na faame'i e se isi. Tatou tilotilo solo i le fale," o le tala lea a Tama.

Na vaevae Tina, Tama ma Brad e siaki potu eseese. Na latou tilotilo i le pusa ua leiloa-ma-maua, i le falesa, i le potu aoga o le Aoga Sa a Brad, i le potu Peraimeri, ma i luga o tautau lavalava uma. Sa latou tilotilo foi i totonu o potu taele, ae latou te le'i maua le pelaue.

"Leiloa pe na ave sese e seisi. Ou te mautinoa o le a latou toe faafoi mai i le vaiaso a sau pe a latou iloa e le o latou e anaina," o le tala lea a Tama.

"Mo le taimi nei, e mafai ona e ofuina lou pelaue tuai," na fai mai ai Tina.

Sa faauu Brad. E le'i fafia i lona pelaue tuai. Sa manifinifi, matafi, ma laitiiti tele mo ia. Sa fafia o ia i le auala na foliga ai lona ofu fou



lanumumu-ma-le-lanumoana na foliga mai ai o ia o se tagata maoae ma le lototoa.

“Atonu na iloa e se tagata le manaia o lo‘u pelaue ma tago gaoi,” o le mafaufau lea o Brad. E mafai faapefea ona tupu lea mea i le lotu? O tagata uma iina e tatau ona faamaoni. E le mafai e Brad ona fa‘atagaina lena tagata faomea ia sao. Sa i ai sana fuafuaga. O le Aso Sa e sosoo ai, o le a ia mataala ma le totoa e vaai po o ai o lo‘o ofuina lona pelaue. Ona ia toe toso mai lea ma ee atu, “Taofi, gaoi!” O le a latou lagonaina le salamo na latou aveina.

Sa le mafai ona faatali Brad mo le Aso Sa e faataunu ai lana fuafuaga. Ae o le Aso Sa na sosoo ai na matua mafanafana tele mo pelaue, ma faapena foi le Aso Sa na sosoo ai.

O le Aso Sa ina ua mavae lena, na tilotilo solo Brad ma le masalosalo i le Peraimeri i tama uma, ma mafaufau po o ai na gaoia lona pelaue. Pe o le tamaitiiti umi lale? Pe atonu foi o se teine. Na lagona e ia e le mafai ona ia talitonu i se tasi. Sa le fiafia Brad i lena lagona.

Ina ua uma le lotu na faatopetope atu Brad faataamilo i le fale, matamata i aiga o fai o latou pelaue. Ae na te

le‘i vaaia lona pelaue i se mea. Na ia siaki foi le pusa na leiloa-ma-maua . . . ae leai se pelaue. Po o fea o i ai?

A o agai atu i le fale, sa mafaufau Brad i se fuafuaga fou. O le a ia tatalo. Sa ia iloa e mafai ona maua e le Tama Faalelagi mea leiloloa. O le po lena na tatalo ai Brad ma fai atu, “Tama Faalelagi, faamolemole ta‘u mai po o ai na aveina lo‘u pelaue. Ou te manao e toe faafoi mai.”

Sa faatalitali Brad mo le igoa po o foliga o le tagata faomea e oo mai i lona mafaufau. Ae nai lo lena na amata ona ia mafaufau e uiga i lana uo o Carl. E masani ona nofo Brad i autafa o Carl i le Peraimeri. La te tausua ma talie faatasi i le tele o taimi. Ae e le‘i lotu Carl i ni nai vaiaso. Na misia o ia e Brad.

Ae faapefea pe afai o *Carl* na aveina lona pelaue? Masalo na fefe Carl e sau i le lotu i le taimi nei ona ua manatu o Brad e le toe avea ma ana uo. Na manao Brad e toe sau Carl i le lotu. Afai na ave e Carl lona pelaue, na filifili Brad, o le a le ee ia te ia. O le a ia faamagalo ia te ia.

Na oso i totonusi o lona moega, ma se lagona e sili atu.

O le Aso Sa na sosoo ai i le Peraimeri, e le‘i i ai Carl, ae na i ai se tamaitiiti fou. Na fai sona fusiu tosi mumu-ma-le-lanumoana.

“Manaia lou fusiu,” o le tala lea a Brad, ma nofo i autafa o le tamaitiiti fou. “Ua pei ai oe o se tagata maoa‘e ma le lototoa.”

Sa ataata le tamaitiiti.

Sa ataata foi Brad. Na te lei toe saili mo ni tagata faomea. Na ia sailia ni uo. ●

E alala le tusitala i Iowa, ISA.

Faafeiloai atu mai Estonia!



O le "talofa" lenei faaEstonia:

Tere!

Ma o le ta'uina lenei o le igoa o le Ekalesia:

Viimse
Aja Pühade Jeesuse
Kristuse Kirik

O Tallinn lenei, le taulaga o Estonia. Ua i ai nei mo le 800 tausaga! O Estonia e i ai le tele o vaomata, e pei o togavao ma taufusi. O le mea moni, e sili atu i le afa o Estonia e ufitia i le vaomatua. E toatele tagata i Estonia e fiafia i le fa'aaluina o taimi i fafo.





O le a le taumafataga o le afiafi i Estonia?
Atonu o le fasi puua po o le i'a ma pateta,
kapsi, kulimi oona, ma le falaoa uliuli.
O se taumafa e faaigoaina o le sanuisi ia.

O le Ekalesia i Estonia e laitiiti
ae malosi. E tusa ma le afe
tagata o le Ekalesia. O lo latou
malumalu pito lata ane o
Helsinki, Finelani.



E te fiafia e pese i le Peraimer? I tausaga tai
lima uma lava, e potopoto ai Estonia i se tausamiga
tele e faamanatu ai lo latou atunuu i
pesepesega ma siva.

**E te sau mai Estonia? Tusi mai ia i matou!
Ma te fiafia lava e faalogo atu ia te oe.**

Faafetai mo le asiasia
o Estonia ma i ma'ua.
Feiloai i se isi taimi!

**Feiloai mai i se uso
teine mai Estonia!**

I se tasi po ina ua ou manao
ou te alu e moe, sa leiloa ai
la'u meataalo o le pea. Sa ou
suea ae sa le mafai ona ou
mauaina. Sa ou tatalo. Ona
ou mauaina lea o la'u pea ma
faia ni miti lelei.

Biaka J., 7 tausaga



O le matou aiga e fiafia e
auauna atu i isi. O le auauna
atu i isi e fesoasoani ia i tatou
e lagonaina le Agaga Paia, lea
na te aumaia se lagona mafanafana
o le filemu ia i matou. Matou te faia ma o'u uso ni
meaalofa mo isi ua matou te
mananao latou te lagonaina
le alofagia.

Piibe J., 10 tausaga



Lagonaina le FAAFOUINA



Saunia e Jessica Larsen

E faavae i se tala moni

Esitonia

“E i ai sa’u meaalofa taufaaofol!” O le tala lea a *Ema* (Tina) ina ua ia pikiina Rasmus mai le aoga. Sa la savavali faatasi i lalo o auala vaapiapi o laina o fale felanulanua’i.

“Rosolje mo le meaai o le afiafi?” O le mate lea a Rasmus ma le fiafia. Na latou ‘aina i le vaiaso talu ai mo lona aso fanau lona fitu. Ae e mafai ona ia ‘aia nisi salati pīti-ma-pateta ma eleni tuu fagu i taimi uma!

Na lulu le ulu o *Ema* ma ata. “Na ou feiloai i ni tamaitai talavou se toalua i luga o le pasi i lenei taeao. Fai-faualalai. O le a la o mai e asiiasi i le po nei e talanoa e uiga i le la ekalesia.”

Sa autilo atu i luga Rasmus ma le fia iloa. Na te lei feiloai lava i ni faifeualalai muamua.

Sa taalo i lana taavale fuimu i totonu o lona potumoe ina ua taunu faifeualalai. “Tere! Tere! Talofa!” na

la faafeiloaia *Ema* a’o la savavali atu i totonu o le fale. Na la aveese o la seevae mamafa ae tui seevae tosotoso na teuina e *Ema* mo tagata asiiasi. Na taitai atu e *Ema* i la’ua i le nofoa lanu moli. Ae sa tutu Rasmus i tua o le fai-totoa.

Na iloa atu e le tamaitai umi ma ataata atu. Faimai lana pine lanu uliuli o le igoa o Ōde Craig (Sister Craig). “Na ta’u mai e lou tina e le’i leva ona uma lou aso fanau,” o lana tala lea. “Na ma aumaia se mea mo oe.” Sa ia uuina se tamai kata. Sa tilotilo atu ma le totoa Rasmus i ai.

O se ata o se alii. Na ia ofuina se ofu talaloa paepae, ma faaloaloa mai lona lima.

“E te iloa po o ai lea?” Na fesili atu ai Ōde Craig.

E leiloa e Rasmus le igoa o le alii. Na te lei vaai muamua lava i lenei ata. Ae o le alii sa foliga agalelei ma mamana. “Ou te manatu o ia o se tupu!” O le tala lea a Rasmus.

Sa ataata faifeatalai. "Ioe, o Ia o le tupu! O Ia o le Tupu o tupu! O lona suafa o Iesu Keriso." Na aumai i fafo e Sister Craig se tusi faavaa lanumoana. "Ma o le tusi lea o loo aoao mai e uiga ia te Ia, o le *Mormoni Raamat*. O Le Tusi a Mamona."

Na amata e ia ma *Ema* ona faitau le Tusi a Mamona i aso uma ae le'i alu i le aoga. I le taimi o le aoga, na o Rasmus ma lana vasega i savaliga faalenatura ona faia lea o sana tama'i moe. A uma le a'oga, e masani ona feiloai o ia ma *Ema* ma faifeatalai. Sa la talatalanoa ma faifeatalai e uiga i mea sa la faitauina i le Tusi a Mamona. O nisi taimi na fafaga ai e *Ema* tagata uma i le *kringel*, falaoa fili sinameni. I faaiuga o vaiaso la te tietie ai ma *Ema* i uila pe fai se la tafaoga i luga o le matafaga. O nisi taimi latou te faia ni savaliga umi i le vaomatua po o le la vaitafe e sili ona fiafia i ai.

I se tasi o na savaliga i le vaomatua, na ta'u atu ai e *Ema* ia te ia ua fia papatiso. Sa ataata Rasmus. Na fesili atu faifeatalai ia *Ema* e tatalo pe tatau ona papatiso pe leai. Na foliga mai ua maua e ia lana tali!

"Ma ua ou iloa le mea o le a ou papatiso ai," na ia fai atu ai ia te ia ma ataata. "E mafai ona e matea?"

Sa mafaufau Rasmus i le lesona a faifeatalai i le papatisoga. Sa la uuina i luga se ata o loo faaalia ai Iesu ma Ioane le Papatiso i totonu o se vaitafe. . . .



"O le vaitafe!" o lana alaga lea. "O le ta vaitafe ta te fiafia ai a."

I le tasi le vaiaso mulimuli ane, na tutu ai Rasmus i luga o le auvai ma faifeatalai ma isi tagata mai le lotu. Sa saunia *Ema* e papatiso. Na alu ifo o ia i lalo o le vai, e pei lava o Iesu. Ina ua sau o ia i luga, sa ataata o ia. Sa manao Rasmus e manatua lenei taimi e faavavau—o le vai lanumoana, o fugalaau papa'e i le mutia lanumeamata, ma le ataata a lona tina.

"E faapei lagona o le papatisoina?" na ia fesili ai mulimuli ane, ina ua aai tagata uma i kuki na aumai e faifeatalai.

"E ofooofogia," o lana tala lea ia te ia. "Sa ou manao ou te nofo i le vaitafe e faavavau. Ua ou lagona le faafouina!" Na ia fusimauina o ia.

"Mo lo'u aso fanau e sosoo ai, ou te fia papatiso, pei lava o oe ma Iesu," o lana tala lea ia te ia. "Ou te fia lagonaina foi le faafouina!" ●

E alala le tusitala i Texas, ISA.



Saunia e Reyna I. Aburto

Fesoasoani Lua i le Au
Peresitene Aodo o le Aualofa

O Le A Ou Toe Vaai Ia Te Ia



Na ou ola ae i Nicaragua. A o o'u laitiiti, na ou faia mea uma faatasi ma lo'u tuagane matua. Na ma savavali faatasi i le aoga. Na ma o faatasi i le faleoloa. Sa ma faia ni ituiga mea uiga eseese i tua o le matou pale. Sa ma fiafia.

Ma, ina ua iva ou tausaga, na tupu se mea faanoanoa tele. Na maliu lo'u tuagane i se mafui'e. I le taimi muamua sa le'i lagonaina moni ua alu ese o ia. Sa masani ona ou vaai faalemafaufau o le a ia tuitui i lo matou faitotoa i luma. O le a ia ta'u mai ia i matou sa na ona alu ese lava o ia i se mea. Sa masani ona ou sioa i le faitotoa, ma moomoo ia tupu lena mea. Sa ou matuai manao lava e toe vaai ia te ia.

I le aluga o taimi, sa amata ona tau faigofie. Na ou misia pea lo'u tuagane, ae na mafai ona ou toe lagonaina le fiafia.

I lena taimi, e le o au o se tagata O Le Ekalesia a Iesu Keriso o le Au Paia o Aso e Gata Ai. Ae ina ua ou matua, sa ou aoao e uiga i le Ekalesia ma papatiso. I se tasi aso sa ou fufuluina a'u ipu. O le taimi o le Eseta. Sa ou mafaufau i le Toetu ma mafaufau i lo'u tuagane.

Na faafuasei ona oo mai se lagona ia te au. Na ou manatuaina le miti i aso uma na ou faia e uiga i lo'u tuagane. Na ou iloaina e le o se mea valea moni lava! Na oo mai le Agaga Paia, e faamafanafana a'u ma taitai au. O le a i ai se aso o le a toetu ai lo'u tuagane. Ma o le a ou toe vaai moni lava ia te ia.


Afai ua maliu se tasi e te alofa i ai, e le afaina le misia o i latou ma lagona le faanoanoa. Talanoa i lou aiga po'o se tagata matua pe a e lagona ua e sauni. Tatalo i le Tama Faalelagi e uiga i ou lagona. E mafai ona Ia fesoasoani ia te oe e toe lagonaina le filemu.

Po o le a lava, manatua e alofa Iesu Keriso ia te oe. I le Eseta tatou te manatua ai Lana taulaga mo i tatou. Ona o Ia, o le a tatou toetutu ai ma mafai ai ona tatou toe nonofo e faavavau ma o tatou aiga. ●

Kata Faamafanafana


Oti ese nei kata. E mafai ona e gaulua i le afa pe faaaoga o se faailoga tusi.

Teu i totonu o au tusitusiga paia po o se isi mea e te vaai i ai pe a e lagona le faanoanoa, tuua toatas, po o le fefe.



"E soloiesea foi e le
Atua loimata uma
i o latou mata."

Faaaliga 21:4



Faaali ma Ta'u Atu

Ou te fia vaai i le malumalu.

Rebecca C., 9 tausaga, Aragua, Venezuela



I se tasi aso, sa matou feosoi ai i totonu o le taavale, sa le ola. Sa matou siakiina le afi, ae sa leai se mea na tupu. Sa ou lagona e ao ona ou tatalo, lea na ou faia ai. I nai minute mulimuli ane sa ola le taavale. Ua matuai ou fiafia e mafai e le Tama Faalelagi ona fesoasoani mai ia te au i taimi uma.

Brooklyn B., 9 tausaga, Quetzaltenango, Kuatemala



Ou te fiafia e taalo lakapi ma tamaiti laiti ma aoao i latou i tomai fou. O se tasi o auala ou te fiafia e auauna atu ai.

Sasha K., 11 tausaga, Moscow, Rusia

I le lua tausaga talu ai na auai se tama fou i la matou vasega i le aoga. Sa agaleaga o ia i isi. Na amata ona le fiafia tagata uma ia te ia ma agaleaga ia te ia. Na foliga mai na faanoanoa ai o ia, o lea sa ou le faia ai mea na faia e isi. Na matauina e nisi o a'u uo ma mulimuli i la'u faataitaiga. Ou te talitonu afai ou te faia le mea e finagalo le Atua ou te faia, o le a sili atu lo'u fiafia ma le saogalemu. Ou te talitonu afai ou te lototele ma tautala sao, o le a ou maua ni uo o e o le a fiafia ia te au i le auala o loo ou i ai.

Vestina K., 11 tausaga, Vilnius, Lithuania

Faaaoga ata nei e
faatumu ai le siata i
itulau U12–U13.



Matua Pele

O le masina lenei, o le *Uo* e i ai tala ma gaoioiga e fesoasoani i lou aiga e faamanatu ai le Eseta. Matou te fa'amoemoe o le a fiafia lou aiga e mafaufau e uiga i le Eseta i le masina atoa!

- “O le Meaalofa Sili a Le Atua” (U2)—O Se Savali o le Eseta mai ia Peresitene Russell M. Nelson
- “O Iesu O Lo'u Faaola” (U3)—O se gaoioiga valivali e faatau i le Togiola ma le Toetu o Iesu
- “O le Tala o le Eseta” (U4–U6)—O se tala tusia i ata mai tusi-tusiga paia
- “Pe a Ou Toe Foi Atu ia te Ia” (U7)—O se pese matagofie e faatatau i le salamo
- “Lagonaina le Faafouina” (U18)—O se tala i se tamaitiiti mai Estonia o lo'o a'oa'o e uiga ia Iesu
- “O Le a Ou Toe Vaai ia te Ia” (U20)—O le molimau a Sister Reyna I. Aburto i le Toetu

Fa'amolemole tusi mai e faailoa mai pe na fa'apefea ona fa'aaoga e lou aiga nei tala ma gaoioiga.

Ia maua se Eseta faamanuiaina!

O le *Uo*

New Friend

**50 E. North Temple Street,
Room 2393
Salt Lake City, UT 84105 USA
liahona@ldschurch.org**



Saili le Liahona o loo nana i totonu!

A NOTUSI

- U2** Mai le Au Peresitene Sili:
O Le Meaalofa Sili a Le Atua
- U4** Tala o Tusitusiga Paia: O le Tala o le Eseta
- U7** Musika: Pe A Ou Toefo'i ia te Ia
- U8** Faamaoni Suamalie
- U10** O Apostolo i le Salafa o le Lalolagi:
Ua Asiasi Elder Bednar i Initia
- U12** O Tatou Perofeta ma Apostolo
- U14** O Le Pelaue o Loo Misi
- U16** Faafeiloai atu mai Estonia!
- U18** Lagonaina le Faafouina
- U20** O Le A Ou Toe Vaai Ia Te Ia
- U22** Faaali ma Ta'u Atu
- U23** Aia o Perofeta ma Apostolo